

冊府元龜卷第一百三十一

巡按福建監察御史臣李嗣京 訂正

分守建南道左布政使臣胡維霖 參閱

知建陽縣事 臣黃國琦 較釋

帝王部 一百三十一

延賞第二

唐玄宗開元元年十二月詔國初以來宰相及食實

封功臣子孫一房沈翳未承恩者量才擢用

二年正月制曰崔玄暉張柬之等往以神龍之初保

又王室奸臣所忌謫居炎海流落變衰感激忠義玄

備嗣子吏部郎中璩清才雅韻謹守專直東之嫡孫
必祖考繼歿遺孤可傷彼勲業之下淪佇名賢之必
復是得景倩而悲仲宣者也高皇封樂毅之後武帝
求蕭何之裔斯不遠哉昭於德音緬懷前烈宜加後
命璩必並可朝散大夫

四月以太嘗寺大祝蘇乂爲左補闕追父勲也勅曰
蘇乂其父往處台衡實爲柱石直言正色挫彼凶邪
頃者念功錫以真賦兄頹又遵先誠固辭令賞泣血
披誠不忍移奪自家刑國父忠子孝宜存褒崇寵及
兄弟諫官之任允屬象賢可右補闕

十月王海賓爲安豐軍使先鋒與吐蕃戰歿嗣初名
訓年始九歲以父死於王事起復拜朝散大夫尚輦
奉御賜名忠嗣養於禁中累年與皇太子在忠王邸
令與之游處

六年侍中宋璟亡父玄撫褒贈邢州刺史玄撫初贈
岐州長史及璟登宰輔之任脩祔廟之禮帝乃特以
伯牧光寵焉并贈其母崔氏爲安平郡夫人

八年隴右諸軍節度大使郭知運爲幽州都監王峻
討平六州胡康待賓等拜左武衛大將軍授一子官
九年十二月勅中書開下六尚書御史大夫諸衛大

將軍及食實封功臣并二品已上官咸以勲業受國
寵榮德之所效澤之所延其亡父無五品已上官者
並宜褒贈

十三年十一月封禪禮畢制曰朕永惟玉業緊賴舊
勲元首股肱其猶一體自武德以來功臣宰輔或名
存王府遺嗣沉淪或身無大故銜屈泉壤宜令所司
訪擇申理唐興立功官又往屬艱難能盡忠義今成
大禮何日忘之宜各與一子出身

十七年十一月追贈中書令蕭嵩亡父故渝州長史
灌爲吏部尚書門下平章事裴光庭父故禮部尚書
行儉爲太尉

二十四年正月勅諸道採訪使信安郡王禕嗣魯王
道堅牛仙客宋詢劉日正班景倩唐昭各賜一子官
賞其巡察之勞也是年中書舍人孫逖自以通籍禁
闈其父官纔邑宰乃上表陳情曰臣父嘉之幸遇明
時早勤學業出身入仕四十餘年歷官五政經考二
十未能亨通纔及令長臣夙荷嚴訓累登清秩頻遷
省闈又拜掖垣地近班榮臣則過量途遙日暮父乃
后時在公府有偷榮之責於私庭無報德之效反慙
烏鳥徒厠鴛鴻伏望降臣一外官特乞微恩稍霑臣

父玄宗優詔獎之授嘉之宋州司馬致仕

二十九年二月上謂宰臣曰洪州人鄔玄宗往在文
明年中傳玄宗皇帝真誥於天后曰我國祚無窮當
千萬君遂遭禁錮因茲淪喪宜與追贈以慰泉壤其
子瓊亦依資授一官

天寶四載十二月隴右節度使皇甫惟明與一子五
品官賞功也

七載八月詔尚書左僕射兼右相吏部尚書李林甫
曾祖故長平郡王靈州道行軍大總管叔良贈太子
少保祖華陽郡開國公寧州刺史孝斌贈兵部尚書

十載正月河西節度使鴻臚卿員外置同正員攝御
史中丞權知朔方節度事安思順罷朔方節度加特
進攝御史大夫仍與一子官河西節度等使餘如故
賞功也

安西四鎮節度特進兼鴻臚卿員外置同正員攝御
史中丞高仙芝生擒突騎施可汗吐蕃大首領及石
國王并可敦及傑師來獻上御勤政樓會羣臣引見
加仙芝開府儀同三司攝御史大夫仍與一子五品
官餘竝如故賞功也

十一載十一月以殿中少監安慶宗爲太僕卿慶宗

祿山之子以父任寵之是年哥舒翰為隴右節度使
收石堡城獻功于朝詔與一子五品官

十三載又賜一子五品官

十二載又與一子五品官

十二年三月制曰褒德紀功前王之令典飾忠追遠
有國之能事况乎嗣生大賢為朕良弼應五百之數
該二八之美調元而星辰以理論道而陰陽以和而
寵命未弘稱謂猶褊非所以崇推恩之重廣延賞之
義也右相兼文部尚書判度支魏國公楊國忠亡父
贈持節魏郡諸軍事守魏郡太守珣赤泉儲祉白環
繼業膺積慶而誕德鍾具美而挺生枝茂者根深流

長者源濬是降英裔阜成兆人熙載而百度惟清審
衡而九流式序佐我玄化格于皇天信為各賢實稟
庭訓雖思人愛樹已有疇庸之策而因條振葉宜益
封崇之事俾以建旟之寵仍超曳履之榮既旌微烈
用光泉壤可贈武部尚書鄭國公母張氏可贈鄭國
夫人

十二月以安祿山男慶緒為衛尉卿詔曰王者出師
登壇擇將忠臣受任幹蠱成功則君賞其勤父成其
訓名教斯在寵秩是崇銀青光祿大夫鴻臚卿員外
置同正員兼廣陽郡太守同范陽節度副使上柱國

柳城縣開國男安慶緒門傳忠孝之義庭稟韜鈴之
畧志氣剛決固敵是求遂使榆塞息警柳城罷鋒百
勝深謀舉無遺策可旌上將之功用叶中行之吉可
特進行衛尉卿兼廣陵太守餘如故

十三年載二月詔武德功臣及貞觀初宰輔等緬想忠
義感會風雲用集大勳肇興王業其有子孫零落冠
冕陵夷無任官守者宜令所司勘責依資與一人京
官唐初功臣績參締構錄勞念舊每寘于懷普思之
外宜放一子出身如已有出身所司依資與一官

十四年載賜朔方節度副使靈武郡太守攝御史大夫

安思順祖左玉鈐衛郎將其名為武部尚書考右羽

林軍大將軍波主為太子太師

十五年載帝在成都詔文部尚書平章事房琯與子官

盧從愿為吏部侍郎典選六年前后無及之者帝嘉

之特與一子官從愿上疏乞回恩贈父乃贈其父吉

陽丞敬一為鄭州長史

牛仙客為工部尚書同中書門下三品贈其父意為

禮部尚書祖會為涇州刺史

張延賞中書令張嘉貞之子初名寶符召見賜名延

賞取延賞于世之義特授左司禦率府兵曹參軍

案本回下有紀字
疑衍文也

王君奭判涼州都督封晉昌伯拜其父壽爲少府監仍聽致仕帝又嘗於廣遠樓引君奭及妻夏氏設宴賜以金帛

肅宗至德二年十二月御丹鳳樓大赦詔武德開元及蜀郡靈武元從功臣有先亡沒死王事者並加優贈各與子孫一人官其赴蜀郡靈武元從官及在路扈從官三品已上與一子官四品已下與一子出身六品已下量與進改

三年正月大赦詔陷在賊境爲其殺戮身死者三品已上各與追贈仍各與一子官五品已上一子出身六品已下量事追贈其元從聖皇天帝至成都府文武官五品已上宜與一子官六品已下超資進改聖皇至成都府后到官及靈州寧州首末扈從三品已上與一子官五品已上放一子出身情願回授周親及親近亦聽唐元功臣身亡沒者子孫一人加一階其諸道節度下將士三品已下與一子官六品已上放一子出身自開元已來宰輔之家不爲逆賊所污者與子孫一人官是月又以朔方節度副使開府儀同三司鴻臚卿論誠節可襲撥川郡王食實封一百戶仍與一子三品官鉞耳大福封雒各郊郡開國公實

封一百戶李懷讓封沂國公食實封一百戶一子五品官舍利如珍食邑封一百戶與一子五品官王仲昇封沛國公與一子五品官呂崇賁封鄆國公與一子五品官周皎封汝南郡開國公哥舒翰封朔方郡開國公與一子五品官白延崇封壽春郡開國公與一子五品官茶公榮封豫章郡開國公與一子五品官李靖封清河郡開國公食實封一百戶與一子五品官劉感義封彭城郡開國公與一子五品官

上元元年九月涇原兩州團練兵馬使元從特進兼羽林軍大將軍同正員李元忠死王事帝以其子承

恩襲其官爵

代宗寶應元年十二月封朔方節度使僕固懷恩妻賀魯氏爲涼國夫人賜實封二百戶以功寵之也

二年正月戊子制曰功崇望重加以服章德厚流光延其懋賞爰益苴茅之典竝明幹蠱之才副元帥太尉兼侍中都知河南淮南淮西山南東道諸節度行營事上柱國臨淮郡李光弼元勳濟代公輔推賢宣大化之神明總專征之師律自出征移鎮距海負河連率百城旌旗千里東郊誓衆雅繼魯侯之功北伐擁旄首稱漢將之畧高牙罷設重門斯調尤知武庫

之寶實在雲臺之右疇其真食美以保家僉議允請
舊章斯舉敬哉有土更載冊書之盟鯉也趨庭宜升
紫綬之寵可加食實封二百戶仍與一子官階三品
餘竝如故

二月乙未以河北副元帥僕固懷恩兵馬使高輔成
為簡較太子少傅兼御史中丞賜實封三百戶與一
子五品官朔方都知兵馬使僕固瑒簡較太子少師
封定襄郡王賜實封五百戶莊宅各一所與一子五
品官朔方右廂兵馬使高彥崇簡較太子賓客賜實
封三百戶莊宅各一所與一子五品官

廣德元年七月上尊號大赦改元制河北副元帥僕
固懷恩宜兼太保仍與一子三品官二子四品官河
南副元帥李光弼與一子三品官幽州節度使李懷
仙與一子三品官李抱玉郭英父辛雲京侯希逸田
神功孫志直白孝德令狐彰各與一子五品官李寶
臣薛嵩田承嗣張獻誠等各與一子五品官魚朝恩
寄崇師律程元振勳高佐命仍與一子五品官僕固
瑒高彥崇渾白進李建義李光逸楊崇光李懷光張
如岳白元光温如雅拓拔澄必高暉盧欽文成惟良
曹楚玉等各與一子五品官加實封一百戶仍各賜

鐵券以名藏太廟畫像於凌煙閣并寇難已來將相
勲業高者其名籍圖畫亦准此子儀與一子四品官
苗晉卿劉晏裴遵慶元載各與一子四品官并階加
實封一百戶儀王及彭王已下男未有官者並准舊
例與官及封永穆并長樂已下公主及郡縣主嗣郡
王等各與一子官皇親五等已上諸親三等已上各
與一子出身二王後各與一子官諸道節度觀察使
立功將士其父兄在無官者依子文武與官已歿者
追贈陣亡將士襲父官爵

二年郭子儀爲關內河東副元帥加尚書令上表陳
讓詔答所讓者依仍以其子晞兼御史大夫嘉其父
讓也

大曆三年二月以試太嘗卿郭曜爲太子賓客曜子
儀長子特拜正員三品寵之也

四年三月追贈宰臣王縉祖故太嘗寺協律郎胄爲
兵部尚書祖母程氏爲趙國夫人杜鴻漸祖故益州
長史慎行爲尚書左僕射祖母蕭氏爲滕國夫人元
載祖故左衛郎將敬同爲兵部尚書祖母劉氏爲沛
國夫人李抱玉祖左武衛郎將文成爲吏部尚書祖
母張氏冀國夫人及載亡母李氏爲涼國夫人推恩

也十一月滑毫節度使令狐彰淄青節度使李正已
並遣男朝謁詔以彰男建兼御史中丞正已男納兼
侍御史仍賜金紫

十年七月詔劍南西川節度使崔寧賜一子五品官
賞功也

十二年四月詔曰往者大盜亂華梁宋偏罹其害危
城絕援折骸累月南霽雲真心壯節凌邁臧洪殞命
敵場凜然生氣宜以其子爲歙州別駕

七月詔曰頃者逆豎靈耀阻兵大梁淮西都虞候試
太常卿贈揚州大都督張自勉往觀釁焉奉議正詞

無所屈撓賊臣肆忿斃於鈇鑕朕用憫焉雖錫命之
恩已旌窀穸而賞延之典宜及子孫可追贈實封五
十戶是年賜朔方都知兵馬使李懷光亡母甘露寺
尼正則謚智母禪師官給葬事寵武臣也

德宗以大曆十四年五月卽位六月御丹鳳樓大赦
天下詔武德已來宰相功臣名跡崇高并至德已來
將相功效明著已亡歿者量加贈謚子孫沉翳者量
與官諸州刺史及嘗參官父見在未有官者量與五
品致仕官及階父母亡歿與贈官及邑號戊子贈
衛將軍代國公安金藏兵部尚書授其子承恩銀青

光祿大夫試殿中監兼廬州長史

建中四年四月贈故魏博節度都虞候兼御史中丞
衛嘗寧太子太師賜實封二百戶委馬燧懷光境上
以禮致祭仍與抱真李芑孝忠日知等訪其妻孥親
族具以名聞有子者便以父官爵授之子孫三代已
來過犯者減一等論所賜實封載之典冊勿令廢絕
是年敬長皇后弟吳淑使於朱泚泚謀逆已決因害
淑於客館之前德宗聞而哀悼久之淑嫡子與正員
五品官

興元元年六月京畿副元帥李晟平朱泚收京師拜

司徒詔贈晟父欽太子太保母王氏代國夫人

七月李懷光擁兵河中以給事中孔巢父充宣慰使
遇害德宗聞而驚悼久之授一子正員官是月御丹
鳳樓大赦天下詔司徒兼中書令晟與一子五品正
員京官侍中瑊與一子六品正員京官駱元光尙可
孤韓遊瓌戴休顏各與一子七品正員官諸道節度
使及行在都知兵馬使都虞候扈從左右金吾六軍
大將軍各與一子八品正員官都團練使觀察使各
與一子官

貞元元年十一月癸卯日南至祀圓丘禮畢詔曰司

徒晟宜與一子五品正員官是年河東節度使馬燧
平河中李懷光德宗下詔褒美遷光祿大夫兼待中
仍與一子五品正員官渾瑊為河中同陝虢等州節
度既平李懷光以功加簡較司空與一子五品正員
官并階

二年四月李希烈平詔曰叛臣希烈竊據淮沂師旅
一興綿聯莫解勞服者從役不暇受污者無路自新
通邑化為丘墟遺骸遍於原野每念及此心傷涕流
自昔勞師者靡有不悔以虞舜之聖屈於苗人漢武
之疆斃于戎虜矧乎德猶不逮力或未全我其永懷

亦以自警乃者下哀痛之詔布寬大之恩普天載新
殊化畢宥然而尚勞師旅禦捍封陲有累歲離棄室
家有經時不解甲冑忠雖為國咎實在君子民若斯
寧不知愧賴將相士旅一其誠心奮揚武威慎固疆
宇遠人思服元惡就誅蒸黎方致於安寧役戍永期
於休息懋官以旌美賜宴以勞旋賞不踰時蓋遵彝
典都統簡較司空平章事劉玄佐宜與子孫一人五
品正員官節度使簡較右僕射李澄簡較兵部尚書
曲環簡較戶部尚書李臯兼御史大夫樊澤等各與
子孫一人七品正員官都防禦使工部尚書賈耽都

團練使御史大夫盧玄卿張建封等各與子孫一人
八品正員官簡較司空平章事李抱真簡較司空平
章事李納簡較右僕射平章事韓滉工部尚書田緒
等各遣將士五千人赴河南行營同討不庭厥有成
績抱真納滉各與子孫一人六品正員官緒與子孫
一人八品正員官

三年七月詔曰乃者吐蕃犯塞毒我生靈俶擾隴東
深入河曲朕以兵戎粗定傷痍未瘳務息戰伐之謀
將遂通和之請亦知戎醜志在貪婪重違修睦之詞
迺允尋盟之會果爲隱匿變發墮宮縱犬羊兇狡之

群乘文武信誠之衆蒼黃陷沒深用惻然此皆繇朕
之不明致其若此旣無德於萬寓實有愧於四方霄
旰貽憂何嗟而及今兵部尚書崔漢衡等皆國之良
士朝之蓋臣嬰繫穹廬眇然殊域念其家室或未離
於屢空祿以錫男庶或資於薄俸漢衡宜與一子七
品官司勳員外郎鄭叔矩簡較戶部郎中路泌殿中
侍御史韓弁及大將孟日華辛榮李至言范澄王貞
賁樂演明陽皆權文成等各與一子八品官試右金
吾兵曹參軍袁同直前榆次尉裴頴及副兵馬使已
上各與一子九品官仍委本使卽具名衙聞奏

四年正月一日赦書天下刺史與一子正員官

七月詔以太尉兼中書令西平郡王晟長子試大理

評事兼監察御史愿為銀青光祿大夫太子賓客仍

賜上柱國唐制公卿嫡嗣皆自命而后言于有司

以晟功高特為命嫡且寵異以兩階勳俾其父子並

建門戟

六年十一月庚午南郊畢詔宰相及東都留守六軍

統軍諸道節度使神策神武金吾六軍都團練防禦

觀察使京兆河南尹正員尚書御史臺長官太嘗卿

各與一子官故尚父子儀與一子五品正員官如已

五品已上量與改轉贈太尉秀實與一子官張巡許

遠南霽雲顏真卿杲卿各與一子正員官

七年二月授張巡男去疾許遠男峴南霽雲男承嗣

顏真卿男頤杲卿孫謨之官旌忠烈之後也

五月門下侍郎平章事實參祖尚衣奉御瑾特贈揚

州大都督父絳州聞喜尉審言特贈吏部尚書祖母

段氏追封武威郡太夫人母母氏追封鄭國太夫人

參將附祖禰新廟故特加寵贈

九年十一月乙酉日南至郊祀禮畢大赦天下故尚

父子儀贈太師晟贈太尉秀實各與一子六品正員

官是年詔曰前利州刺史狄博濟惟乃曾祖梁文惠公啓佑天后定紹復之策幽贊中興宜錫祚裔垂于無窮矧博濟郡人懷之理有異等可衛尉少卿

十一年十一月辛亥以前太子賓客李愿爲左領軍大將軍李憑爲右威衛大將軍依前兼中丞皆大尉晟之子以免喪故晟諸子同日授官者凡九人

十四年贈故衡州刺史王繹洪州都督以其弟緯故也

順宗初卽位制曰武德以來配饗功臣及張巡許遠南霽雲顏真卿杲卿等子孫中各與一人正員官故

尚父子儀贈太師晟太尉秀實子孫中各與一人正員官五品及諸州府長史及京嘗參官父見在未有官者並與五品致仕官及階父歿母存者與邑號父母亡歿量與追贈陝州元從寶應功臣興元元從奉天定難功臣賜爵勳有差亡歿者與追贈中書門下節度東都畱守度支鹽鐵等使京兆郡觀察招討等使及神策神威金吾六軍將大將軍英武威遠鎮國軍使隴右經畧軍使節度畱後各與一子官

憲宗元和元年正月册尊號詔中書門下及外使宰相與一子七品官東都畱守六軍大將等與一子出

身東宮並與改官其撰冊文官等各與一子官及勳爵有差

二年正月辛卯有事于南郊大赦天下制故尚父子儀太師晟太尉秀實及顏真卿杲卿張巡許遠南霁雲及配饗功臣與一子官及出身有差

七月錄配饗功臣之後以蘇瓌孫繫為京兆府司錄參軍崔玄暉孫元方張說孫懿並為監察御史狄仁傑孫玄範為左拾遺詔曰朕惟承累聖之業追先正之勞濟于艱難代有勳烈既而本根已遠枝葉稍零詔書屢勤于褒飾有司不忘於遴簡一命宰府載弘

搜揚錄其先功果復良嗣蘇繫等咸以茂學懿行勗于前修皆人之領袖族之孤趙類能而舉各命以官或任以紉繩或參于諫烈庶乎旌太傅之德將擬南城之封紹鄴侯之裔不俟東門之感忠義獲寵古今同之後數日又得敬暉孫元亮表恕已孫德師相次錄用

三年四月戊寅謚張柬之為文貞桓彥範為忠烈敬暉為貞烈崔玄暉為文忠表恕已為忠烈先是柬之曾孫暉以謚事詣中書陳訴宰臣上聞因令有司授暉官仍定柬之等謚焉

五年三月以贈給事王澹之子璋爲左清道率府曹參軍澹因李鑄爲亂遇害故錄其嗣是年劉濟爲幽州節度使討鎮州王承宗累破樂壽等縣賞功頗厚仍與一子孫六品官者凡四人

六年七月御延英對宰臣李吉甫奏曰臣伏見代宗時滑州節度令狐彰臨終上表悉以土地兵甲籍上朝廷遣諸子隨表歸闕代宗以彰遺表宣示百寮付史館當時在位者聞之無不感嘆今唯有次子通在臣每感彰同時河朔諸鎮傳子傳孫無不燠灼數代唯彰忠義感激奉國忘家遺子入朝以土地歸於先

帝貞元中長子建坐事死施州幼子運亦無罪流死於歸州欲使忠義者何所激勸今通幸存得遇明聖伏乞陛下召對與語如堪進用望稍優獎帝因語宰臣曰德宗英靈冠於百王但臨事剛斷宰臣不能規諫朕比在藩邸雖則幼年記得數事未副外望豈非宰臣懷祿畏避不言遂令四方傳說此是宰臣有負先聖卿等當以此爲鑒戒因授通贊善大夫

九年八月庚寅錄功臣之后以左神策軍華原鎮遏兵馬使兼御史大夫康志寧爲簡較左騎嘗侍兼左龍武軍將軍知軍事河南府永寧縣令李晏爲京兆

府高陵縣令左神策正將楊嶼為袁州司馬薛之達
夔州司馬蘇鎮為隴州司馬李克展為鳳翔府倉曹
李融為嘗州司戶李仲暮為襄州司倉田知清為冀
王府功曹李元正為循王府功曹詔曰君臣運合故
徇國以毀家勸賞義明故褒功而顯節存則疇其爵
祿歿則錄其子孫然後忠義不遺典章斯在故茲晉
隰等州觀察使簡較兵部尚書康日知故徐州刺史
兼御史大夫李洎等一十家皆有茂功藏於盟府故
命授訪后嗣光賁前人今志寧等或服戎著績或從
官有成或投迹運府之中或滯才州縣之職咸加甄

錄各茂官榮庶乎受祿者無忘於聿修懷忠者使知
其必報勉膺寵擢無替前勞

十二年七月贈著作郎權皇太子太保臯前贈秘書
監至是因子德輿相為立家廟復有是贈

十三年正月赦書故尚父子儀贈太師晟贈太尉秀
實及顏真卿臯卿張巡許遠南霽雲與一子官及出
身有差

十四年三月以撫州司馬同正令狐通為右衛將軍
給事中崔植封詔上言通嘗刺壽州用兵失律前罪
未塞不宜遽加獎用命宰臣論植以通父彰有功不

恣棄其子詔遂行

七月帝御宣政殿册尊號禮畢大赦天下故尚父子儀贈太師晟贈太尉秀實及張巡許遠南霽雲顏真卿杲卿子孫各與官及出身是月宣武軍節度使韓弘與一子七品正員官

九月辛丑以魏博田弘正之兄相州刺史田融為檢較刑部尚書兼太子賓客東都留守

穆宗以元和十五年正月即位二月御丹鳳樓大赦詔中書門下及節度等使東都留守度支鹽鐵使京兆尹諸軍使等賜一子官有差武德已來配饗及第

一等功臣并張巡許遠南霽雲顏真卿杲卿等尚父子儀贈太師晟贈太尉秀實子孫中與一子官有差其中有才行堪在臺省者量才叙用

六月舉勲賢之後堪任臺省官者以大理正段交通為殿中侍御史渭南縣尉郭承諤為監察御史前淮南營田副使顏頤為水部員外郎長安縣丞顏諗為大理正又以宰臣韓弘祖望贈右僕射父海贈太師令狐楚祖崇豪贈吏部尚書祖父承簡贈禮部尚書蕭俛祖華贈太保父嘗贈吏部尚書段文昌祖懷皎贈給事中父諤贈左僕射其祖母及母並加封贈又

封蕭俛母韋氏岐國太夫人是月魏博節度使簡較
司徒兼侍中田弘正祖延暉贈吏部尚書父庭珩贈
右僕射淮南節度使簡較左僕射平章事李夷簡祖
察言贈兵部尚書父自仙贈右僕射河東節度使簡
簡左僕射兼門下侍郎平章事裴度祖有鄰贈右僕
射父淑贈太子太保幽州節度使簡較司空平章事
劉總祖暉贈太師其祖母及母竝加封爵贈是年邠
寧節度使李光顏來朝詔與一子正員四品嘗參官
長慶元年正月辛亥赦詔故尚父汾陽王及贈太師
晟贈太尉秀實各與一子官八品顏真卿杲卿張巡

許遠南霽雲各與一子出身武德以來功臣子孫量
加獎用中書門下及節度使帶平章事者各與一子
八品正員官祖父母及父母竝與贈官封父歿母存
者與邑號已贈已封者更與追贈及邑號禮儀使大
禮使度支鹽鐵使京兆尹各與一子出身文武嘗參
官并致仕及諸道節度觀察經畧等使及神策等諸
軍使父見存者量與致仕官母存者與邑號父母亡
歿與贈官及邑號東都留守及諸道節度觀察經畧
等使神策金吾大軍將軍威遠鎮國軍使各與一子
出身四月以幽州劉總籍土地歸闕授其弟約及男

等一十一人官領郡符加命服者五人升朝班佐環衛者六人是月贈廬江縣令崔嬰甫吏部侍郎嬰甫宰相植之父也植出繼伯父祐甫及是以情上請故特追贈

七年大赦制撰冊文官中書侍郎平章事崔植與一子正員官

四年八月以太僕寺主簿李宏爲河南府兵曹掾獲嘉令蔣郾爲伊陽令安史之亂宏祖愷郾祖清皆著名節故特制寵之

敬宗卽位初大赦詔元和已來兩河節度使全家歸闕者如張茂昭王承元程權劉總田宏正等五家各與一子正員官

寶曆元年正月以前右補闕魏倚爲湖州司馬倚次貞公徵之孫也朝廷以忠賢之後寵爲諫官倚病不克拜故有是命

二年四月以姚元崇玄孫前京兆府富平縣尉合爲監察御史以宋璟曾孫前太嘗寺大樂署令堅爲京兆府富平縣尉

文宗太和元年正月赦詔今年正月十四日上皇太后尊號及朕受冊進寶撰卽位冊文承旨宣制等官

各與一子正員七品官是月平盧軍節度使康至睦
上言故萊州刺史李庭遠當李師古節制東平之日
庭遠為屬郡屢陳忠順以沮奸兇繇是父子二人俱
為師古所害其幼子可舉纔十歲逐在海中至今猶
在臣已署軍職請兼授管內一官遂以淄州高苑縣
主簿命之又詔涇原節度使李祐與一子五品正員
官

二年三月尚書右僕射同中書門下平章事裴度進
封太原郡公中書侍郎同中書門下平章事韋處厚
進封靈昌郡公裴度竇易直各請封爵回授一男

六月以故中書令褚遂良五代孫虔為汝州臨汝縣
尉內史狄仁傑曾孫前鄉貢明經元封為懷州修武
縣尉故侍中宋璟曾孫渤為岳州沅江縣尉故中書
侍郎平章事李元絃曾孫佺為鄧州向城縣尉詔曰
褚遂良五代孫虔等朕詳觀列聖紀冊祖宗盛業粲
然在前其或道有污崇政有善否未始不繫乎當時
輔弼嘗因便殿言諸宰臣勉其裨益協心推戴且以
去歲乙巳登應門敷大號俾疇贊相以訪遺裔或才
器擅價各列官業或血食不繼宗祊已蕪如遂良之
委笏面諍各垂史書仁傑之恢復廟社事形先覺宋

環之文吏骨鯁功參治平元絃之守規畫一時成有
 其胄僅存不絕如髮各授邑吏使其自試十月授故
 侍中魏徵四代孫可則鄧州南陽縣尉侍中魏知古
 曾孫處訥潭州湘鄉縣尉故左僕射裴冕曾孫行實
 魏州司功參軍詔曰武德已來輔相之臣以道致君
 以勞定國若贈司空徵故侍中知古贈太尉冕語其
 功次皆在第一清風餘祉宜及乎後昆爾等乃其曾
 孫式叶搜獎俾奉貽謀之慶用覃延賞之恩各命以
 官勉思祖德

三年五月滄州平庚寅加李祐銀青光祿大夫檢校

左僕射仍賜一子五品正員官并加實封三百戶

四年七月丙戌以故中書令蕭瑀五代孫耽故尚書

左僕射同中書門下三品蘇瓌四代孫翔故中書侍

郎同中書門下平章事陸象先四代孫量並為釋褐

參軍文學

五年七月癸卯錄國初功臣衛國公李靖等七家裔

嗣命之以官

九年十月以前同州長春宮巡官試祕書省校書郎

魏暮為右拾遺帝因讀貞觀政要思文貞公魏徵之

德訪其後得暮而不次用之

開成元年正月故詔河朔節將以州縣歸國者有張茂昭田弘正程權各與一子官子弟堪任使者委中書門下量加引用又詔曰劉總王承元元和中以河朔郡縣歸朝廷悉宜以新赦書張茂昭例賜一子正員官

閏五月癸丑以前殿中監渾鏹為壽州刺史鏹太師瑊子也宰相以瑊扶危之勲諸子凋落賞延之道宜加優寵初以壽州為請帝曰鏹勲臣子豈可牧人仲尼以為不如多與之邑今我念其先子女玉帛無愛焉使之鮮服美食可也宰臣以鏹常為郡有幹勤之名屢薦之故有是命

三年四月以鄧州南陽縣尉魏可則為櫟陽縣尉時帝於閣內召起居舍人魏謩對問文貞之疇績因訪其族裔故有是命又以博陵王崔玄暉曾孫前商州防禦判官兼殿中侍御史郢為監察御史以平陽王敬暉曾孫前試太子通事舍人元膺為河南縣丞以漢陽王張柬之玄孫前宜城縣尉憬為壽安縣尉以南陽王表恕已曾孫鄉貢進士德文為秘書省校書郎初御史中丞狄兼謩帝前語及叔祖仁傑與五王協心禪贊玉室帝因問其^後搜揚獎擢唯桓彥範之

后訪無其人

五月戊辰以故棣州刺史樂濛男存固爲鄆州壽張縣主簿大和初李同捷阻兵滄景濛不從其亂爲同捷所囚舉家遇害存固年少隱於吏家因得脫免至是錄濛忠節故命以官

十一月己未以前河東縣尉長孫鈞爲河中府猗氏縣令制云朕每覽國史見太尉無忌之事未嘗不廢卷咨嘆遐想其人訪其裔孫用申甄獎

四年十月丙辰海州節度使劉約上言王鏐之子故德州刺史王稷在任有善政郡人愛之爲李全畧所

殺家無遺類有男叔泰年五歲郡人宋忠獻潛收養之今已成長臣察知其事忠獻已補軍職叔泰送歸其宗詔王鏐累朝宣力王稷一旦捐軀湏錄遺孤微申憫念王叔泰委吏部與九品官令主祭祀

昭宗天祐元年大赦詔武德以來立功効節著在策書者並與搜訪子孫繼嗣量材叙用

後唐莊宗同光元年十月平汴州詔歿王事者如有子孫成立堪任使者並量材甄錄

二年八月壬午以檢校戶部尚書守邢州長史郭廷誨可簡較右僕射守左衛大將軍簡較工部尚書左

武衛將軍同正郭廷信可簡較右僕射守左驍衛大將軍皆樞密使崇韜之子也

朱友謙初仕梁爲河東節度使莊宗誅汴嬖自河中來朝以其子同州節度使令德爲遂州節度使令錫爲許州節度使諸子二千石者六七將較割符者五六恩寵之盛時無比隆

明宗天成二年二月勅朕以握圖御宇應運承祧副億兆之歡心賴英雄之叶力雖疇庸之命已徧及於勲賢而延賞之恩宜更加於骨肉應諸道節度使男及親嫡骨肉未霑恩命者特許上聞

五月勅朕自恭承景運祇荷丕圖念寰海生靈錄勲賢骨肉承家莫尚於孝報國莫大於忠忠孝兩全古今所重在朝文武臣僚并諸道節度刺史等有父母者宜徧加恩澤使天下之爲人父者知感爲人子者知恩競揚家國之風顯著君臣之道

三年二月己丑勅准二年五月十二日勅中外臣僚及諸道節度使等有父母者并許加恩例凡居臣下盡抱公忠共爲朝廷各榮家族具慶者繼頌恩渥俾光晨耀昏旣亡者宜澤泉扃以光封樹應中外羣臣諸道節度防禦團練刺史等父母亡歿者并與追贈

追封

五月丁巳勅自家刑國內平外成天子立言備有闕
睢之樂春秋垂訓非無石窳之封况夫尊於朝妻貴
於室所宜從爵各顯家肥朝臣及諸道節度使妻室
未有稱號者宜各加恩

四年正月幽州節度使趙德鈞奏臣孫美年五歲默
念何論孝經今於汴州叙解就試勅都尉之子太尉
之孫能念儒書備彰家訓不勞就試特與成名宜賜
別勅及第仍附今年春榜

長興元年二月郊祀畢下制曰其朝臣及藩侯郡守
等亡父母祖父母及父母在并妻室未霑恩命者與
追贈及叙封又以故汴州馬步軍都指揮使馬彥超
男壽哥為名雒州長史仍改名承祚彥超天成初為汴
州都指揮使朱守殷將謀叛逆引彥超計事彥超不
從為守殷所害及誅守殷帝念彥超能執節守義而
延賞其子

六月甲戌以魏徵八代孫韶為安定縣主簿八月牛
牛副使檢校刑部尚書夏光銳起復雲麾將軍簡金
右僕射為澤州刺史光銳即故遂州節度使魯奇之
子也朝廷念勲故有是命

張希崇爲汝州防禦使母先爲尼賜紫衣師號

末帝清泰二年九月詔曰安崇贊父有力於皇家著之青史雖然得罪於先朝此日特行於延賞况類逢赦宥可繼蒸嘗亦欲忠義之士知朕念勲之旨擢爲上佐爾惟勉旃特授孟州司馬崇贊故明宗朝樞密使重誨之子也故有是命

三年二月以太子正字夏光隱爲國子太學博士故遂州節度使魯奇之子以父歿於本州以死持董璋而與族故有是命

晉高祖天福二年二月勅曰朕以爰膺寶曆方啟金行旣風教之誕敷諒寰區之漸泰而繇股肱元輔藩郡重臣咸著大功同爲至治雖列地顯爵盡布新恩而追遠奉先猶虧舊典宜示褒功之寵俾祛風樹之悲自在朝文武百僚至見任刺史先代未封贈者據品秩與封贈已封贈三代者與加封贈又在朝宰臣已下臣僚外任刺史已上母妻未叙封已叙封等朕以削平禍亂開創基扃漸成銷偃之期永協興隆之運亦繇左右元輔中外勲臣弼予一人宅是四海茂績雖彰於王室覃恩未及於私門德盛母儀貴而因于禮優婦道榮必從夫宜加渙汗之恩顯示封崇之

典其未叙封者據品秩與叙封已叙封國號者與叙封

七月丁卯勅曰朕聞王者懷於有仁所以享靈長之運賞延於世所以勸忠烈之臣唐開府儀同三司守太尉兼中書令西平王上柱國岐國公食邑三千戶食實封一千五百戶贈太師謚曰忠武李晟五代孫職以爾上祖西平王昔在德宗皇帝幸梁洋之歲有保定大功中興返正扶持社稷之力載諸史氏予嘉乃德日篤不忘宜升五代之孫禪陟六聯之位光乃前烈煥乎後昆可將仕郎耀州司戶參軍

八月制曰或無辜被害或徇節忘生既抱沉冤宜伸贈典應自張從賓作亂已來諸色員僚內有死於王事者竝與追贈有子孫者量材叙錄

十月戊戌詔曰恩隆加等故有明文道在恤孤宜弘異渥自去年出師已來諸軍將較有歿於王事者其子孫竝與量材叙錄

六年八月壬寅制應河東起義之初佐命及收復都汜水立功臣寮將較等其二歿者更與追贈子孫已職官者與遷改未有身名者與叙用

少帝開運中以宰臣桑維翰長子坦為屯田員外郎

次子墳為祕書郎維翰謂同列曰漢代三公之子為郎廢已久矣近或行之甚誼外議乃抗表固讓不受尋改坦為大理司直墳為祕書省正字議者美之漢隱帝乾祐元年以宰臣楊邠子右贊善大夫廷俱為比部員外郎宰臣蘇逢吉從兄前洛州團練推官晏為司門員外郎

周太祖廣順二年三月補故控鶴指揮使郭超長男重均充左番殿直次男重友充右番殿直以父歿王事故也

世宗顯德二年十二月辛巳贈故開利府襄邑縣令劉居方右補闕仍賜其男士衡北學究出身居方累宰太邑甚得撫字之要帝知之故持加贈典而復賞其子焉

四年五月甲寅以江南偽命前壽州衙內都指揮使劉崇讚為簡較檢較太保懷州刺史崇讚故鄆州節度使仁贍子也以其父舉壽陽來降故有是命

册府元龜卷第一百三十一

庚午十二月望日檢字刊本改定一百五十三字

冊府元龜

冊府元龜卷第一百三十一

巡按福建監察御史臣李嗣京 訂正

知長樂縣事臣夏允彝參閱

知建陽縣事臣黃國琦較釋

帝王部 一百三十二

褒功

周官司勲掌六功之名數而制其褒賞之典繇三代而下乃有參豫締構輔成大業扶獎王室佐佑生民處帷幄而運籌內申於毗贊執干戈而戡難外震於威靈至或矢謀盡規經物成務定策佐命而安宗社

奉辭出塞而清戎羯勲烈竝建威聲載路於是有金
石之賜車服之錫加以殊禮形於善頌乃至增其爵
秩賞及胄裔推詔獎以溫密著圖績之炳煥示慈於
燕喜宥死於甲令陪葬於園寢配饗於大丞稱伐於
銘篆飾終於贈謚皆所以顯揚其丕績懋觀於來者
使知夫為善之益而慕報德之盛焉

周武王伐紂時封諸臣有功者於廟作賚之詩賚予
也言所以賜予善人也

成王幼弱周公踐天子之位以治天下六年朝諸侯
於明堂制禮作樂頌度量而天下大服踐猶履也頌
讀為班度量謂

有勲勞於天下致政以王事歸授之
王功曰勲事功曰勞是日封周公於

曲阜地方七百里革車千乘曲阜魯地上公之封地
方五百里加魯以四等

命曾世世祀周公以天子之禮樂也詩曾頌曰王謂叔父建爾元子俾侯於魯大啟爾
宇為周室輔乃命魯公俾侯于東錫之山川土田

二旒日月之章祀帝于郊配以后稷天子之禮也於周尊之也
曾公謂伯禽

建子之月曾之始郊月以至大路殷之祭天車也
謂蒼帝靈威曜也其衣曰韞天子之旌旗畫日月
昊天上帝曾不祭季夏六月以禘禮祀周公於太廟

帝王部

牲用白牡尊用犧象山壘鬱尊用黃目灌用玉瓚大

圭薦用玉豆雕篋爵用玉琖仍雕加以璧散璧角俎

用椀歲升歌清廟下管象朱干玉戚冕而舞大武皮

弁素積禘而舞大夏昧東夷之樂也任南蠻之樂也

納夷蠻之樂於太廟言廣魯於天下也季夏建巳之月也禘大祭

周公曰太廟嘗公曰世室辟公稱宮白牲殷牲也尊

酒器也犧尊以沙羽為畫飾象骨飾之鬱鬯之器也

黃鬯也灌酌爵導以獻也瓚形如槃容五升以大圭

為柄是謂圭瓚篋邊屬也以竹為之雕刻飾其直者

也爵君所進于尸也仍因也因爵之形為之飾也加

加爵也散角皆以璧飾其口也椀始有四足也歲為

之距清廟同頌也象謂周頌武也以管播之朱干未

大盾也戚斧也冕冠名也諸侯之服自交冕而下如

王之服也大武周武也大夏夏舞也周禮昧師

掌教昧樂詩曰以雅以南以箛不僭廣大也

在豐致政將沒欲葬成周已所管作示公薨成王葬

于畢不敢臣周公故告周公作亳姑周公徙奄君子

葬畢之義并及奄已定亳姑因告作以

亳姑言所遷之功成云康王追念周公之所以勲勞者而欲尊魯故賜之以

重祭外祭則郊社是也內祭則大嘗禘是也言此者

欲右周夫大嘗禘外歌清廟下而管象朱干玉戚以

舞大武八佾以舞大夏此天子之樂也康周公故以

賜魯也清廟頌文王之詩也管象吹管而舞武象之

樂也朱干赤盾戚斧也此武象之舞所執也

其國也不廢不廢其此禮樂也重猶尊也

平王元年命衛侯和為公和武初犬戎殺幽王武公

將兵往佐周平戎甚有功王命為公

定王十三年晉士會帥師滅赤狄晉侯請于王戊申

以黻冕命士會將中軍宜為太傅代荀林父將中軍且加以太傅之官

黻冕命卿之服大傅孤卿

靈王十八年曾襄公之十九年也鄭公孫蔓卒赴於

晉大夫范宣子言於晉侯以其善於伐秦也襄十四年晉伐

秦子蟜見諸侯師秦子蟜見諸侯師而勸之濟涇也六月晉侯請於王王追賜之大路

使以行禮大路天子所賜車服摠名以行

漢高祖五年項籍死帝置酒對眾折隨何曰腐儒

爛敗言無所堪任為天下安用腐儒哉高祖意欲褒賞隨何恐羣臣不服故對眾

折辱令其自隨何跪曰夫陛下引兵攻彭城楚王

未去齊也陛下發步卒五萬人騎五千能以取淮南

乎曰不能隨何曰陛下使何與二十人使淮南如陛

下之意是何之功賢於步卒數萬騎五千也然陛下

謂何腐儒為天下安用腐儒何也帝曰吾方圖子之

功圖謀也乃以隨何為護軍中尉是年高祖置酒雒陽

南宮帝曰通侯諸將舊曰徹侯避武帝諱曰通侯通

也又其後改為列侯列者見序列也母敢隱朕朕曰我古者上下共

帝王部

原曰朕皇考至秦獨以為尊稱漢遂因之而不改也皆言其情吾所以有天下

者何項氏之所以失天下者何高起王陵對曰姓高名起

漢帝年紀高帝時有信平侯臣陵都武侯臣起魏相邴吉奏高帝事有臣陵臣起陛下媢而

侮人媢易也讀與媢同項羽仁而敬人然陛下使人攻城畧

地所降下者因以與之與天下同利也項羽妬賢疾

能有功者害之賢者疑之戰勝而不與人功得地而

不與人利此其所以失天下也帝曰公知其一未知

其二夫運籌帷幄之中決勝千里之外吾不如子房

填國家撫百姓給餽餉不絕糧道吾不如蕭何填與鎮同

鎮安也餽亦饋字連百萬之眾戰必勝攻必取吾不如韓信

三者皆人傑吾能用之傑言傑然獨出也此吾所以取天下

者也項羽有一范增而不能用此所以為我擒也羣

臣說服

宣帝本始元年詔曰夫褒有德賞有功古今之通義

也車騎將軍光祿勳富平侯安世宿衛忠正宣德明

恩勤勞國家守職秉義以安宗廟其益封萬六百戶

次大將軍光

甘露二年單于始入朝帝思股肱之美迺圖畫其人

於麒麟閣武帝獲麒麟時作此閣圖畫其象於閣遂以為名又曰漢宮閣疏云蕭何造法

其形貌署其官爵姓名惟霍光不名曰大司馬大將

軍博陵侯姓霍氏次日衛將軍富平侯張安世次日

車騎將軍龍頡侯韓增次日後將軍營平侯趙充國

次日丞相高平侯魏相次日丞相博陵侯丙吉次日

御史大夫建平侯杜延年次日宗正陽城侯劉德次

日少府梁丘賀次日太子太傅蕭望之次日典屬國

蘇武皆有功德知名當世是以表而揚之明著中興

輔佐列於方叔召虎仲山甫焉三人皆周宣王之臣有文武之功佐宣王

中興者言宣帝亦重典漢室而霍光等竝為各臣皆比於方叔之屬凡十一人

成帝建始四年河決於館陶河隄使者王延世使塞

命其為使而塞河也華陽國志云延世字長叔健為資中人也以竹落長四丈大九

圍盛以小石兩船夾載而下之三十六日河隄成帝

日東郡河決流漂二州較尉延世隄防三旬立塞其

以五年為河平元年卒治河者為著外繇六月以卒治河

有勞雖執役日近皆得比繇戊六月也著謂著於簿籍也惟延世長於計策功

約省用力日寡朕甚嘉之其以延世為光祿大夫秩

中二千石賜爵關內侯黃金百斤

後漢光武初景丹為偏將軍號奉義侯從擊王郎將

見宏等於南燕即兵逐戰漢軍退卻續漢書曰南燕賊起里上營得

上彭車輕重數重也丹等縱突騎擊大破之追奔十餘里死傷

者縱橫丹還光武謂曰吾聞突騎天下精兵今乃見

其戰樂可言邪

建武四年漁陽太守彭寵反上谷太守耿况屢攻破之五年寵死天子嘉况功使光祿大夫樊宏詔况曰惟况功大不宜監察從事邊郡塞苦不足久居其請行在所賜甲第奉朝請封陽平侯

五年建威大將軍耿弇攻張步於臨淄張步復來攻弇弇擊破之後數日車駕至淄自勞軍群臣大會帝謂弇曰昔韓信破歷下以開基今將軍攻祝阿以發迹此皆齊之西界功足相方而韓信襲擊已降將軍獨拔勅敵其功乃難於信也

六年征西大將軍馮異朝京師引見光武謂公卿曰是我起兵時主簿也爲吾披荆棘定關中旣罷使中黃門賜以珍寶衣服錢帛詔曰倉卒蕪蕪亭豆粥滹沱河麥飯厚意久不報異稽首謝曰臣聞管仲謂桓公曰願君無忘射鉤臣無忘檻車齊國賴之臣今亦願國家無忘河北之難小臣不敢忘巾車之恩後數引燕見定議圖蜀留十餘日令異妻子隨還西上八年征隗囂征虜將軍祭遵屯汧公孫述遣兵救囂諸將奔還遵獨留不却詔曰將軍連年距難衆兵卽却復獨案部功勞爛然兵退無宿戒糧食不豫具今

乃調度恐力不堪國家知將軍不易亦不遺力送給千匹以賜吏士

陳俊初為安集掾擊銅馬拜疆弩將軍與五較戰手

接短兵追奔二十餘里斬將光武望而嘆曰戰將盡

如是豈有憂哉以俊為琅琊太守行大將軍事俊將

兵擊董憲於贛榆贛榆縣名屬東海郡進破胸賊孫陽平之是

年張步畔還琅琊俊追討斬之帝美其功詔俊得專

征青徐華嶠書曰賜俊璽書曰將軍元勳大著威震青徐兩州有警得專征之也俊得撫

貧弱表有義簡制軍意不得與郡縣相干百姓歌之

數上書自請願奮擊隴蜀詔報曰東州新平大將軍

之力也負海猾夏盜賊之處國家以為重憂且勉鎮撫之

明帝時竇憲既破北單于勒銘燕山乃班師詔使中

郎將持節即五原拜憲大將軍封武陽侯食邑三萬

戶憲固辭封賜策許焉永平二年詔曰大將軍憲前

歲出征克滅北狄朝加封賞固讓不受舅氏舊典竝

蒙爵土西漢故事帝舅皆封其封憲冠軍侯邑二萬戶篤郎侯

景汝陽侯瓌夏陽侯各六千戶憲獨不受封

永平中帝追感前世功臣乃圖畫二十八將於南宮

雲臺其外又有王暉李通竇融卓茂合三十二人共

二十八將者太傅高密侯鄧禹中山太守全椒侯馬
成大司馬廣平侯吳漢河南尹阜成侯王良左將軍
膠東侯賈復琅琊太守祝阿侯陳俊建威大將軍好
時侯耿弇驃騎大將軍參遠侯杜茂執金吾雍奴侯
寇恂積弩將軍昆陽侯傅俊征南大將軍舞陽侯岑
彭左曹合肥侯堅鐔征西大將軍夏陽侯馮異上谷
太守淮陽侯王霸建義大將軍潁陽侯祭遵豫章太
守中水侯李忠驃騎大將軍櫟陽侯景丹右將軍槐
里侯萬修虎牙大將軍安平侯蓋延太嘗靈壽侯邳
彤衛尉安成侯姚期驍騎將軍昌成侯劉植東郡太
守東光侯耿純橫野大將軍山桑侯王嘗城門校尉
節陵侯臧宮大司空固始侯李通捕虜將軍楊虛侯
馬武大司空安豐侯竇融驃騎將軍慎侯劉隆太傅
宣德侯卓茂

傳育爲武威將軍護羌校尉戰死育初爲臨羌長與
捕虜將軍馬武等擊羌滇潛功冠諸軍及在武威聲
聞於匈奴食祿數十年秩奉盡贍給知友妻不免操
井曰帝下詔追褒美之封其子毅爲明進七百戶
魏太祖令曰故陳留太守棗祗天性忠能始共舉義
兵周旋征討後袁紹在冀州亦貪祗欲得之祗深附

託於孤使領東阿令呂布之亂兖州皆叛惟范東河完在繇祗以兵據城之力也後大軍糧乏得東河以繼祗之功也及破黃巾定許得賊資業當興立屯田時議者皆言當計牛輸穀佃科以定施行後祗白以爲僦牛輸穀大收不增穀有水旱災除大不便反覆來說孤猶以爲當如故大收不可復改易祗猶執之孤不知所從使與荀令君譏議之時故軍祭酒侯聲云科取官牛爲官田計如祗議於官便於客不便聲懷此云云以疑令君祗猶自信據計畫還白執分田之術孤乃然之使爲屯田都尉施設田業其時歲則大收後遂因此大田豐足軍用摧滅羣逆克定天下以隆王室祗興其功不幸早歿追贈以郡猶未副之今重思之祗宜受封稽留至今孤之過矣祗子處中宜加封爵以祗爲不朽之事婁圭字子伯從太祖破馬超等子伯功爲多太祖嘗嘆日子伯之計孤不及也

程昱嘗從太祖征討屢有功及中夏漸平太祖拊昱背曰兖州不用君言吾何以至此

徐晃爲平寇將軍太祖還鄴留晃與夏侯淵拒劉備於陽平備遣陳式等十餘營絕馬鳴閣道晃別征破

之賊自投山谷多死者太祖聞甚喜假冕節今日此
閣道漢中之險要咽喉也劉備欲斷絕外內以取漢
中將軍一舉克奪計之善者也

夏侯淵爲行護軍將軍督朱靈等屯長安建安中抱
罕宋建因涼州亂自號河西平漢王太祖使淵帥諸
將討建淵至圍抱罕月餘拔之斬建及所置丞相已
下淵別遣張郃等平河關渡河入小湟中河西諸羌
盡降隴右平太祖下令曰宋建造爲亂逆三十餘年
淵舉滅之虎步關右所向無前仲尼有言吾與爾不
如也

文帝初涼州盧水胡反西河大擾詔以張旣爲涼州
刺史旣追擊大破之斬首獲生以萬數帝甚悅詔曰
卿踰河歷險以勞擊逸以寡勝衆功過南仲勤踰吉
甫此勲非但破胡乃永寧河右使吾長無西顧之念
矣徙封西鄉侯增邑三百并前四百戶

又詔朱靈曰將軍佐命先帝典兵歷年威過方召功
踰絳灌圖籍所美何以加焉朕受天命帝有海內元
功之將社稷之臣皆朕所以同福共慶傳之無窮者
也今封郃侯富貴不歸故鄉如夜行衣繡若平嘗所
志願勿難言靈謝曰高唐宿所願於是更封高唐

明帝青龍元年五月壬申詔祀故大將軍夏侯惇大司馬曹仁車騎將軍程昱於太祖廟庭

魏書載詔曰昔先王之禮

於功臣存則顯其爵位沒則祭於大烝故漢氏功臣祠於廟庭大魏元功之臣勲爵優著終始休明者其皆依禮祀之於是

是以惇等配饗

齊王正始四年七月詔祀故大司馬曹真征南大將

軍夏侯尚太嘗桓階司空陳羣太傅鍾繇車騎將軍

張郃左將軍徐晃前將軍張遼右將軍樂進太尉華

歆司徒王朗驃騎將軍曹洪征西將軍夏侯淵後將

軍朱靈文聘執金吾臧霸破虜將軍李典立義將軍

龐德武猛較尉韋典於太祖廟庭

五年十一月癸卯詔祀故尚書令荀攸於太祖廟庭

六年十一月拾祭太祖廟始祀佐命臣二十一人

嘉平二年諸葛誕反驃騎將軍王昶據夾石以逼江

陵持施績全熙使不得東諸葛誕既誅詔曰昔孫臏

救趙直走大梁西兵驟進亦所以成東征之勢也增

邑千戶并前四千七百戶遷司空持節都督如故

郭淮為雍州刺史嘉平元年遷征西將軍都督雍涼

諸軍事三年詔曰昔漢川之役幾至傾覆淮臨危濟

難功書玉冊在關右三十餘年外征寇虜內綏民夷

比歲以來摧破闕廖化車騎將軍儀同三司持節都

督如故進封陽曲侯邑凡二千七百八十戶分三百戶封一子亭侯

高貴鄉公時鄧艾爲安西將軍大破姜維之衆甘露元年詔曰逆賊姜維連年狡黠民夷騷動西土不寧艾籌畫有方忠勇奮發斬將十數馘首千計國威震於巴蜀武聲揚於江岷今以艾爲鎮西將軍都督隴右諸軍事進封鄧侯分百戶封子忠爲亭侯

陳留王景元三年詔祀故軍祭酒郭嘉於太祖廟庭四年鄧艾平蜀下詔曰艾曜威奮武深入虜庭斬將擐旗梟其鯨鯢使僭號之主稽首係頸歷世逋誅一朝而平兵不踰時戰不終日雲徹席卷蕩定巴蜀雖白起破強楚韓信克勁趙吳漢禽子陽亞夫滅七國計功論美不足比勲也其以艾爲太尉增邑二萬戶封二子亭侯各食邑千戶

又詔鍾會曰會所向摧弊前無強敵緘制衆城網羅迸逸蜀之豪帥面縛歸命謀無遺策舉無廢功凡所降誅動以萬計全勝獨克有征無戰拓平西夏方隅清晏其以會爲司徒進封縣侯增益萬戶封二子亭侯邑各千戶

晉武帝泰始二年王沉薨以佐命功武帝方欲委以

三十萬布百疋葬田一頃謚曰元明年帝追思沉勳
詔曰夫表揚徃行所以崇賢垂訓慎終紀遠厚德興
教也故散騎嘗侍驃騎將軍博陵元公沉蹈禮居正
直心清粹經綸墳典才識通治入歷嘗伯納言之位
出幹監收方嶽之任內著謀猷外宣威畧建國設官
首登公輔兼統中朝出納大命實有翼亮佐世之勳
其贈沉司空公以寵靈旣徃使沒而不朽又前以翼
贊之勲當受羣臣之封而固辭懇至嘉其讓德不奪
其志可以郡公官屬送葬

咸寧元年詔論次功臣將配饗宗廟所司奏故太傅
鄭冲太尉荀顛司徒石苞司空裴秀驃騎將軍王沉
安平獻王孚等及太保何曾司空賈充太尉陳騫中
書監荀勗平南將軍羊祜齊王攸等十二人皆銘功
太嘗配饗清廟

惠帝太安初議郎周玘起義兵破妖賊張昌石冰等
徐揚竝平又陳敏反于楊州以玘爲安豐太守四品
將軍玘稱疾不行密遣使告鎮東將軍劉準令發兵
臨江已爲內應與顧榮甘卓等以兵攻敏敏衆奔潰
追獲斬之又吳興錢璿反玘復率合鄉里義衆討璿

斬之傳首建康玘三定江南開復王畧帝嘉其勲以
行建威將軍吳興太守烏城縣侯帝以玘頻興義兵
勲誠竝茂乃以陽羨及長城之西鄉丹陽之永世別
爲義興郡以彰其功焉懷帝末顧榮卒帝臨喪盡哀
欲贈榮侯齊王功臣格吳郡內使殷佑上箋論榮之
功曰昔燕臣陳敏憑寵籍權滔天作亂兄弟相姪盤
固州郡威逼士庶以爲臣僕于時賢愚計無所出故
散騎嘗侍安東軍司嘉興伯顧榮經德體道謀猷宏
遠忠貞之節在困彌厲崎嶇艱難之中逼迫姦逆之
下每惟社稷發憤忼愾密結腹心同謀致討信著群
士名冠東夏德聲所振莫不響應荷戈駿奔其會如
林榮乃躬當矢石爲衆率先忠義奮發忘家爲國歷
年逋寇一朝土分兵不血刃蕩平六州勲茂上代義
彰天下伏聞論功依故大司馬齊王格不在帷幕密
謀參議之例下附州征野戰之比不得進爵拓上賜
拜子弟遐邇同嘆江表失望齊王親則近屬爲方嶽
伏節握兵都督近畿外有五國之援內有宗室之助
稱兵彌時役連天下元功雖建所喪亦多榮衆無一
旅任非藩翰孤絕江外王命不通臨危獨斷以身殉
國官無一金之費人無終朝之勞元惡旣殄高尚成

功封閉倉廩以俟大軍故國安物阜以義成俗今日
霸圖事舉未必不繇此而隆也方之於齊強弱不同
優劣亦異至於齊府參佐扶義助強非創謀之主皆
賜班受瑞或公或侯榮首建密謀為方面盟主功高
元帥賞卑下佐上虧經國紀功之班下孤忠義授命
之士夫孝績幽明王教所崇况若榮者濟難寧國應
天先事歷觀古今未有立功彼酬報如此者也繇是

贈榮侍中驃騎將軍開府儀同三司謚曰元

愍帝初為秦王索綝立王為皇太子及卽尊位綝遷
侍中大僕以首迎大駕昇壇受璽之功封弋居伯尋

詔曰朕昔遇厄運遭家不造播越宛楚爰失舊京幸
宗廟寵靈百辟宣力得從藩衛託乎羣公之上社稷
之不隕實公是賴宜贊百揆傳弼朕躬其授衛將軍
領太尉位特進軍國之事悉以聞之

明帝時紀瞻為領軍將軍王敦之亂帝使謂瞻曰卿
雖病但為朕臥護六軍賊平復自表還家帝不許固
辭不起詔瞻忠亮雅正識局經濟屢以年耆病久遂
巡告誠朕深明此屯操重高其志今聽所執其以為
驃騎將軍嘗侍如故服物制度一案舊典遣使就拜
止家屬為府瞻既卒後朝廷論討王含功追封華榮

子降先爵二等封次子一人亭侯

成帝時溫嶠薨帝下冊書曰朕以眇身纂承洪緒光
闡大道化洽時雍至乃狂狡滔天社稷危逼惟公明
鑒特達識心經遠懼皇綱之不維忿凶寇之縱暴唱
率羣后五洲響應首啟戎行元惡受馘王室危而復
安三光幽而復明功格宇宙勲著八表方賴大猷以
拯區夏天不憖遺早世薨殂朕用痛悼于厥心夫褒
德銘勲先王之明典今追贈公侍中大將軍持節都
督刺史餘如故賜錢百萬布千匹謚曰忠武祠以太
牢初葬于豫章後朝廷追嶠勲德特為造大墓於元

明二帝陵之北陶侃上表曰故大將軍嶠忠誠著於
聖世勲義感於人神非臣筆墨所能稱陳臨卒之際
與臣書別臣藏之篋笥時時省視每一思述未嘗不
中夜撫膺臨飯酸噎人之云亡嶠實當之謹寫嶠書
上呈伏惟陛下旣垂御省傷其情旨死不忘忠身雖
黃泉追恨國耻獎臣戮力救濟艱難使亡而有知
恨結草豈樂今日勞費之事願陛下慈恩停其殮葬
使嶠棺柩無風波之危魂靈安於后土詔從之後
後妻何氏卒于放之便載喪還都詔葬建平陵北
贈嶠前妻王氏及何氏始安夫人印綬

却鑿爲太尉薨帝朝晡哭于朝堂遣御史持節護喪
事贈賻一依溫嶠故事冊曰惟公道德冲遠體識弘
遠忠亮雅正行爲世表歷位內外勲庸彌著乃者約
峻狂狡毒流朝廷社稷之危賴公以寧功侔古烈
邁桓文方倚大猷藩翼時難昊天不弔奄忽薨殂
用悼于厥心夫爵以顯德謚以表行所以崇明軌跡
丕揚徽邵今贈太宰謚曰文成祀以太牢魂而有知
嘉茲榮寵

魏詠之字長道早與劉裕遊欵及桓玄篡位協贊義
謀玄敗授建威將軍豫州刺史桓歆寇歷陽詠之率
衆擊走之義熙初爲荊州刺史卒于官詔曰詠之
守弘劭識局貞隱同獎之識實銘王府敷績之効
惠在人奄致隕喪惻愴于心可贈太嘗加散騎常侍
其後錄其贊義之功追封江陵縣公食邑二千五百
戶

後魏道武初尉古真從帝在賀蘭部爲賀染干所
傷一目古真弟諾少侍帝以忠謹著稱從圍守山
先登傷一目帝嘆曰諾兄弟竝毀其目以建功効
可嘉也寵待遂隆除平東將軍賜爵安樂子
于栗磾爲冠軍將軍從帝伐中山及趙魏平定帝置

酒高會謂栗磾曰卿卽吾之黥彭大賜金帛

明元在東宮王雒兒給事帳下元紹之逆帝還宮社稷獲又雒兒有功焉卽位拜散騎嘗侍詔曰士處家必以孝敬爲本在朝則以忠節爲先不然何以立身於當世揚名於後代也散騎嘗侍王雒兒車路頭等服勤左右十有餘年忠謹恭肅久而彌至未嘗須臾之頃有廢替之心及至艱難人皆易志而雒兒等授命不移貞操踰懇雖漢之樊灌魏之許典無以加焉勤而不賞何以獎勵將來爲臣之節其賜雒兒爵新息公加直意將軍永興五年卒贈太尉建平王賜諡明秘噐載以輜輶車使殿中衛士爲之導從帝親臨哀慟者四焉

叔孫俊道武時爲獵郎帝卽位與元磨渾等拾遺左右及朱挺王悅將爲大逆俊覺悅遂殺之帝以俊前後功重軍國大計一以委之泰嘗元年卒帝甚痛悼之親臨哀慟朝野無不追惜贈侍中司空安城王賜溫明秘噐載以輜輶車衛士導從陪葬金陵于後有大功及寵幸貴臣薨贈賻送終禮皆依俊故事無得踰之者

太武時伊馥爲振威將軍帝之將討涼州也議者咸

諫唯司徒崔浩勸帝決行羣臣出後駭言於帝曰若
 涼州無水草何得為國議者不可用也宜從浩言帝
 善之既尅涼州帝大會於姑臧謂羣臣曰崔公智計
 有餘吾亦不復奇之駭弓馬之士而所見能與崔同
 此深可奇顧謂浩曰駭智力如此終至公相浩曰何
 必讀書然後為學衛青霍去病亦不讀書而能大建
 勲名致位公輔帝曰誠如公言

又浩為太嘗卿時議
 擊蠕蠕浩贊成策

太武幸其第加侍中特進撫軍大將軍賞謀謀之功
 也帝詔新降高車渠帥數百人賜食酒於前帝指浩
 浩以示之曰汝曾視此人屢織懦弱手不能彎弓持
 矛其胸中所懷乃踰於兵甲朕始時雖存征討之意
 而志慮不自決前後尅捷
 皆此人導吾令至此耳

豆代田為勇武將軍從帝討平涼擊破赫連定得美
 斤等帝以定妻賜之詔斤勝行受酒於代田勅斤曰
 全爾身命者代田功也

來大千為征北大將軍時吐京胡反以大千為都將
 討平之大千在吐京卒喪還停於平城南帝出還見
 而問之左右以對帝悼嘆者良久詔曰大千忠勇盡
 節功在可嘉今聽其喪入殯城內贈司空謚曰莊公
 子兵類襲爵

奚烏侯以功進爵夷餘公出為虎牢鎮將興光中奉
 詔喪禮依其伯父嘗農王斤故事陪葬金陵

獻文時慕容白曜為征南大將軍攻宋無鹽等戍一旬之內頻拔四城威震齊主帝嘉焉詔曰卿摠率戎旅討除不賓霜戈所向無不摧靡旬日之內尅拔四城韓白之功何以加此雖斗城戍將房崇吉守迷不順危亡已形潰在旦夕宜勉崇威略務存長轡不必窮兵極武以為勞頓

尉元為鎮南大將軍宋沈攸之吳憺公領卒數萬從沂清而進元遣孔伯恭大破賊軍拜元都督徐南北兖州諸軍事鎮東大將軍開府徐州刺史帝詔元曰賊將沈攸之吳憺公驅率蟻衆進寇下邳卿戎昭果毅智勇奮發水陸邀絕應時摧殄自淮以北廓然清定皆是元帥經畧將士効力之所致也朕用嘉之今方欲清蕩吳會懸旌秣陵至於用兵所宜形勢進止善加量度動靜以聞

孝文以長孫嵩在太武時為太尉北平王薨帝追錄先朝功臣以嵩配饗廟庭

又以穆崇自太祖為魏王拜崇征虜將軍從平中原及薨命崇立祀子孫世奉焉太和中追錄功臣以崇配饗崇之孫真尚長城公主卒謚曰宣帝追思崇勳令著作郎韓顯宗與真撰定碑文建於白登山

崔玄伯爲周兵將軍疾卒後帝追錄先朝功臣以玄伯配饗廟庭

陸麗在文成時以輔立功遷司徒公爲乙渾所害麗文甚惜之謚曰簡王陪葬金陵帝追錄先朝功臣以麗配饗廟庭

薛真度自帝遷雒每獻計於帝勸先取樊鄧後攻南陽故爲帝所賞賜帛一百匹又加持節正號冠軍封臨晉縣開國公食邑三百戶詔曰獻忠盡心人臣令節標善之賞有國徽範故一言可以興邦片辭可以喪國得無遠錄前謀以褒厥善真度爰自遷京每在戎役沔北之計嘗所與聞知無不言頗見采納及六師南邁朕欲超捷新野羣情皆異真度獨與朕同撫寧蠻夷實有勤績可增邑二百戶轉征虜將軍兼州刺史

李崇文成元皇后兄之子也帝南討昏揚靈珍遣弟婆羅與子雙領騎萬餘襲破武興詔崇都督隴右諸軍討之崇大破之斬婆羅靈珍走奔漢中帝在南陽覽表大悅曰使朕無西顧之憂者李崇之功也以崇爲都督梁秦二州諸軍事本軍將軍梁州刺史帝手詔曰今洮隴克清鎮捍以德爾之威惠旣宣實爲

寄故勅授梁州用寧邊服便可善思經畧去其可除
安其可育公私所患悉令芟夷

任城康王雲孫嵩爲武衛將軍從帝伐齊斬獲萬計
勇冠三軍帝大悅而言曰任城康王有大福德文武
出其門以功賜爵高平縣侯賚帛一千五百匹
高閭爲鎮南將軍湘州刺史及帝車駕至鄴帝頻幸
其州館詔曰閭昔在中禁有定禮正樂之勲作藩於
州有廉清公幹之美自大軍停軫庶事咸豐可謂國
之老成善始令終者也每惟厥德朕甚嘉焉可賜帛
五百疋粟一千斛馬一疋衣一襲以褒厥勲

韓顯宗自帝南伐爲右軍府長史征虜將軍統軍軍
次赭陽南齊成主成公期遣其軍主胡松高法授等
并引齊人來擊軍營顯宗親率拒戰遂斬法授首顯
宗至新野帝詔曰卿破賊斬帥殊益軍勢朕方攻堅
城何不作露布也顯宗曰臣頃聞鎮南將軍王肅獲
賊二三驢馬數匹皆爲露布臣在東觀私每晒之迺
雖仰憑威靈得摧醜虜兵寡力弱擒斬不多脆復高
曳長縑虛張公捷尤而効之其罪彌甚臣所以歛毫
卷帛解上而已帝笑曰如卿此勲誠合茅土須赭陽
平定簡審相酬新野平以顯宗爲鎮南廣陽王諮議

參軍

宣武以王肅自南齊來歸孝文時爲將相有大功及薨於壽春帝爲舉哀詔曰肅奄至不救痛惋兼懷可遣中書侍郎賈思伯兼通直散騎嘗侍撫慰厥孤給東園祕器朝服一襲錢三十萬帛一千匹布五百匹疇三百斤并問其卜遷遠近專遣侍御史一人監護喪事務令優厚又詔曰死生動靜卑高有域勝達所居存亡崇顯故杜預之歿窆於首陽司空李冲覆舟是託顧瞻斯所誠亦二代之九原也故揚州刺史肅誠義結於二世英會符於李杜平生本意願終京陵既有宿心宜遂先志其令葬於冲預兩墳之間使之神遊相得也贈侍中司空

邢巒爲安東將軍大破梁兵帝賜巒璽書曰知大戮醜虜威振賊庭淮外霧披徐方盭卷王畧遠恢混一維始公私慶泰何快如之賊衍此舉實爲傾國比者宿豫陷歿淮陽嬰城固狡俯張規抗王旅將軍忠規協著火烈霜推雷動岱陽風掃沂嶧遂令逋誅之寇一朝殲夷元鯨大憖千里折首殊勲茂捷自古莫二但揚區未安餘燼宜盪乘勝倚角勢不可遲便可率厲三軍因時經畧申威東南清彼江介忘此疲勞用

圖永逸進退規度委之高筭

後周太祖河橋之戰馬中流矢墜地都督李穆以馬
授帝遂得俱免擢授武衛將軍加大都督車騎大將
軍儀同三司進爵安武郡公增邑一千七百戶前後
賞賜不可勝計久之帝美其忠節乃嘆曰人之所貴
唯身命耳李穆遂能輕身命之重濟孤於難雖復加
之以爵位賞之玉帛未足爲報也乃特賜鐵券恕以
十死進驃騎大將軍開府儀同三司侍中初穆授帝
以驄馬其後中廐有此色馬者悉以賜之穆爲并州
總管長子惇授車騎大將軍儀同三司大都督進爵
爲公帝令功忠世子竝與畧陽公遊處惇於時輩之
中特被引接每有遐方服玩異域珍奇無不班錫低
授小武伯進爵安樂郡公

高琳爲衛將軍從擒莫多婁貸文仍戰河橋琳先驅
奮擊勇冠諸軍帝嘉之謂之曰公卽我之韓白也

赫連達字朔周盛樂人勃勃之後曾祖庫多汗因避
難改姓杜氏初從賀拔岳西征及岳爲侯莫陳悅所

害達馳請帝引軍平悅帝謂諸軍曰當清水公

清水公卽

賀拔岳也

遇禍之時君等性命懸於賊手雖欲來告其路

無從杜朔周冒萬死之難遠來見及遂得其盡忠節

同雪讐耻雖藉衆人之力實賴杜子之功勞而不酬
何以勸善乃賜馬二十匹

宇文貴爲大將軍破支羗於粟坂帝美其功遂於粟
坂立碑以紀其績

趙昶自以被拔擢居將帥之任傾心下士虜獲氐羗
撫而使之皆爲昶盡力帝曰不煩國家士馬而能威
服氐羗者趙昶有之矣

明帝武成二年十二月辛巳以功臣琅琊貞獻公賀
拔勝等十三人配饗太祖廟庭

武帝以韋孝寬立勲玉壁遂於玉壁置勲州刺史又
以孝寬爲驃騎大將軍鎮玉壁後帝東伐過幸玉壁
觀禦敵之所深嘆美之移時乃去

宇文慶深沉有器局屬文州民夷相聚爲亂慶應募
從征賊保據巖谷征路懸絕慶以馬而進襲破之以
功授都督從帝拔晉州及破高緯拔高壁克并州下
信都擒高楷功竝居最帝詔曰慶勲庸早著英望華
遠出內之績簡在朕心戎車自西俱總行陣東夏蕩
定實有茂功高位縉禮宜崇榮册於是進位大將軍
封汝南郡公邑千六百戶

册府元龜 褒功一

卷之二十三

册府元龜

册府元龜

巡按福建監察御史臣李嗣京 訂正

知閩縣事 臣曹鼎臣 參閱

知建陽縣事 臣黃國琦 較釋

帝王部 一百三十三

褒功第二

隋高祖受禪周法尚為巴州刺史破三鴟叛蠻於鐵山復從柱國王誼擊走陳寇遷衡州總管四州諸軍事改封譙郡公邑三千戶後帝幸維陽召之及引見賜金鈿酒鍾一雙絲五百段良馬十五匹奴婢三百

册府元龜 帝王部

口給鼓吹一部法尚固辭帝曰公有大功於國特給鼓吹者欲令公卿聞知朕之寵公也固與之

宇文忻從韋孝寬平尉遲迥帝顧謂忻曰尉遲迥傾山東之衆連百萬之師公舉無遺策戰無全陣誠天下之英傑也進封英國公增邑三千戶

賁婁子幹初爲後周秦州刺史及尉遲迥作亂子幹與宇文從錄韋孝寬討之遇賊圍懷州子幹與宇文述等擊破之帝乃大悅手書曰逆賊尉遲迥敢遣驘衆作寇懷州公受命誅討書令南陽郡公袁恕已等竝德惟神降材與運生道叶台獄名書譔緯寅亮帝

載勤勞王家參復禹之嘉謀奉昇唐之景命惟祖謝易久而勲烈益彰撫彝鼎以念功想旂嘗而增感緬遵故實用表徽懿俾列在清廟登於明堂克申從祀之儀式茂疇庸之典竝可配享中宗孝和皇帝廟庭十年十一月景中朔方郡節度使兵部尚書信安郡王禕破突厥凱旋引將士等見帝置酒享之勅曰禕總戎朔陸經略萬里賦軍籍車精卒銳兵自其有虞莫不素練而醜虜背誕偏師致誅謀若有神取如俯拾雖廟畧之云遠亦將士之力焉威武載揚頑凶且懾窮寇覆巢以奔北羣師掉鞅而來歸因其凱旋聊

加宴樂各宜坐飲相與盡歡

十二年隴右節度使鄯州都督王君奭破土蕃來獻

戎捷帝置酒于內殿享之謂曰卿能振國威恢邊破

敵識節既著俘獲又多疇庸策勳已有處分卿及將

士等並宜飲宴兼有賜物各宜領取

韓擒虎平金陵執陳後主叔寶時賀若弼亦有功帝

下詔於晉王曰此二公者浮謀大畧東南逋寇朕本

委之靜地恤民悉如朕意九州不一已數百年以名

臣之功成太平之業天下盛事何用過此聞以忻然

實深慶快平定江表二人之力也賜物萬段又下優

詔於擒虎弼曰申國威於萬里宣朝化於一隅使江

南之民俱出湯火數百年之寇旬日廓清專是公之

功也高名塞於宇宙盛業光於天壤逖聽前古罕聞

其匹班師凱入誠知非遠相思之甚寸陰若歲

賀若弼字輔伯平陳之役為行軍總管晉王以弼先

期決戰違軍命於是以弼屬吏帝驛召之及見迎勞

曰克定三吳公之功也命登御坐賜物八千段加位

上柱國進爵宋國公真食邑三千戶加以寶劔寶帶

金盤各一并雉尾扇曲蓋雜綵二千段女樂二部又

賜陳叔寶妹為妾拜右領軍大將軍

王韶字子相伐陳為元帥府司馬及克金陵帝謂公卿曰晉王以幼稚出藩遂能尅平吳越綏靜江湖子相之力也於是進位在國賜奴婢三百口綵絹五千段

達奚長儒為土大將軍破突厥沙鉢略可汗帝下詔曰突厥猖狂輒犯邊塞犬羊之眾彌亘山原而長儒受任北鄙式遏寇賊所部之內少將百倍以晝通宵四面抗敵凡十有四戰所向必摧兇徒就戮過半不反鋒刃之餘亡魂竄迹自非英威奮發奉國情誠撫御有方士卒用命豈能以少破眾若斯之偉言念勲庸宜隆名器可上在國餘勲廻授一子

李安為楊素司馬仍領行軍總管襲破陳師帝嘉之詔書勞曰陳賊之意自言水戰為長險隘之間彌謂官軍所憚開府親將所部夜盪舟師摧破賊徒生擒虜眾益官軍之氣破賊人之膽副朕所委任以勲進位上大將軍除郢州刺史

元諧為行軍元帥討吐谷渾名王公侯來降帝大悅下詔曰褒善疇庸有聞前載元諧識用明達神情警悟文規武畧譽流朝野申威拓土功成疆場浮謀大節實簡朕心加禮延世宜降賞典可柱國別封一子

縣公諧拜寧州刺史

韋冲為南寧州總管持節撫尉冲既在南寧渠帥龔

震及西爨首領皆詣府參謁帝大悅下詔褒揚之

豆盧毓為漢王諒府主簿諒作亂毓苦諫不從見害

諒平帝下詔曰褒顯名節有國通規加等飾終抑惟

令典毓浮譏大義不顧姻親出於萬死首建奇策去

逆歸順殉義亡身追加榮命宜優嘗禮可贈大將軍

封正義縣公賜帛二千疋謚曰愍

衛玄與代王留守京師會王玄感圍逼東都玄率步

騎七萬援之苦戰賊稍却既而玄感西遁玄遣斛斯

萬善監門直閣龐玉追之及于閭鄉與宇文述等合

擊破之車駕至高陽徵詣行在所帝勞之曰社稷之

臣也使朕無西顧之憂仍下詔曰近者妖氛充斥擾

動關河文昇率勵義勇應機響赴表裏奮擊摧破

醜宜昇榮命式弘賞典可右光祿大夫賜以良田甲

第資物鉅萬

樊子益為東都留守楊玄感作逆來逼王城盡銳攻

城不能克車駕至高陽追詣行在所既而引見高祖

逆勞之曰昔高祖留蕭何於關西光武委寇恂以河

內公其人也子益謝曰臣任重器小寧可竊譬兩賢

但以陛下威靈小盜不足除耳進位光祿大夫封子
蓋建安侯尚書如故賜縑二千匹女樂五十人子蓋
固讓優詔不許後車駕還東都帝謂子蓋曰玄感老
反神明故以彰公赤心耳折珪進爵宜有令謨是日
下詔進爵爲濟公言其功濟天下特爲立名無此郡
國也賜縑三千匹奴婢二十口後與蘇威宇文述陪
宴積翠亭帝親以金盃屬子蓋酒曰良算嘉謀侯公
後動卽以此杯賜公用爲永年之端并綺羅百匹
麥鐵杖爲右屯衛大將軍遼東之役與賊戰死帝爲
流涕購得其屍下詔曰鐵杖志氣驍果宿著勲庸陪
麾間罪先登陷陣節高義烈身殞功存與言至誠追
懷傷悼宜賴殊榮用彰飾往可贈光祿大夫宿國公
謚曰武烈子孟才嗣尋授光祿大夫孟才有二弟仲
才季才俱拜正議大夫賜贈鉅萬賜輜輶車給前後
部羽葆鼓吹平壤道敗將宇文述等百餘人皆執縛
王公已下送至郊外

楊恭仁大業初轉吏部侍郎楊玄感作亂帝詔恭仁
率兵經畧與玄感戰於破陵大敗之玄感兄弟挺身
遁走恭仁又與屈突通等追討獲之軍旋帝召入殿
內謂曰我聞破陵之陣唯卿力戰功最比雖知卿奉

法清慎都不知勇決如此也納言蘇威曰仁者必有勇固非虛也

張須陁大業中爲齊郡丞賊帥王簿聚結數萬人寇掠郡境須陁擊破之露布以聞帝大悅優詔褒揚使者圖其形容而奏之

唐高祖武德元年八月下詔曰朕自起兵晉陽遂登皇極經綸天下實仗羣才尙書令秦王世民尙書右僕射寂或契合元謀或同心運始竝陷義輕生捐家殉節艱辛備履金石不移論比忠勤特宜優異官爵之榮抑惟舊典勲賢之議宜有別恩其犯罪非叛逆

可聽恕一死其太原元謀勲效者宜以名聞及所司進簿裴寂劉文靜如恕二死長孫順德劉孔基趙文恪竇琮劉政會劉世龍殷開山柴紹唐陰武士護張平高許世緒李思行李高遷竝恕一死

李襲譽少通敏有識度隋末爲冠軍府司兵時陰師輔代王爲京師畱守所在多盜賊陰師遣襲譽募山南士馬以援京師襲譽旣至漢中會帝已定長安遣使授襲譽蜀漢道招尉大使仍令承制封拜襲譽率漢川之衆西指成都屬段綸爲益川總管代襲譽招撫襲譽乃入拜右光祿大夫太府少卿帝嘉其功命

為三從姪詔曰安康郡公襲譽我之同姓派別枝分
惟厥祖考世敦恭睦襲譽部率宗人協同義舉立功
巴蜀誠節開基宜有褒榮用超階序特聽合譜宗正
恩禮之差同諸服屬

劉瞻為涪州刺史時劉武周連年為寇隣城多陷賊
數攻之輒為瞻所敗帝下書勞之曰涪州之全卿之
力也功績垂成念自勗勵富貴之事非卿而誰

馬三寶本柴紹家僮奉平陽公主遁於司竹及義兵
濟河三寶以眾數萬詣軍後領平道軍將嘗從幸司
竹帝顧謂三寶曰是汝建英雄處邪衛青大不惡

太宗貞觀初代州行軍總管李靖撫綏降附突厥頡
利可汗歸欵太宗嘗謂之曰昔李陵提步卒五千不
免身降匈奴尚得書名竹帛卿以三千輕騎深入虜
庭克復定襄威振北狄古今未有足報往年渭水之

役也 武德九年八月帝初即位突厥入寇至渭水帝與頡利盟于便橋突厥引兵而退

五年李子和從太宗平劉黑闥陷陣有功賜姓李氏
拜右武衛將軍

七年右武衛將軍張士貴破反獠而還帝勞之曰聞
公親蒙矢石為士卒先雖古各將何以加也况朕嘗
聞以身報國者不顧性命但聞其語未觀其實於公

方見之矣

十二年四月左武衛大將軍秦叔寶卒贈徐州都督陪葬于昭陵令所司於其塋內立石人馬以旌戰陣之功焉

十三年特進楊恭仁卒冊贈開府儀同三司潭州都督陪葬昭陵謚曰孝

十四年詔淮安王神通與河間王孝恭贈陝州大行臺右僕射鄖節公殷開山贈民部尚書渝襄公劉政會配饗高祖廟庭

十六年宇文士及卒初士及爲右衛大將軍尋錄其功別封一子爲新城縣公在職七年復爲殿中監加金紫光祿大夫及疾篤太宗親問撫之流涕及卒贈左衛大將軍涼州都督陪葬昭陵

十七年二月戊申詔曰自古皇王褒崇勲德旣勒銘於鍾鼎又圖形於丹青是以甘露良佐麟閣著其美建武功臣雲臺紀其迹司徒趙國公無忌司空楊州都督河間王孝恭故司空萊文成公如晦故司空相州都督太子太師鄭文貞公徵司空梁國公玄齡開府儀同三司尚書右僕射申國公士廉開府儀同三司鄂國公敬德特進衛國公靖特進宋國公瑒故輔

國大將軍夔國公弘基故尚書左僕射蔣忠公通故
陝東道大行臺尚書左僕射耶節公開山故荊州都
督譙襄公紹故荊州都督邳襄公順德雒州都督鄧
國公張亮光祿大夫吏部尚書國公侯君集故左驍
衛大將軍剡襄公張謹左領軍盧國公程知節故禮
部尚書永興文懿公虞世南故戶部尚書淪襄公劉
政會光祿大夫戶部尚書莒國公唐儉光祿大夫兵
部尚書英國公李勣故徐州都督胡壯公秦叔寶等
林惟棟樑謀猷經遠綱紀帷帳經綸霸圖或學綜經
籍得範光煒隱犯同致忠謹日聞或竭力義旗委質
藩邸一心表節百戰標奇或受脤廟堂闢土方面重
氛載朗王畧遐宣竝契闊屯夷劬勞師旅贊景業於
草昧翼淳化於隆平茂績嘉庸冠冕列辟昌言直道
牢籠搢紳固以瞻伊呂而連衡邁周召而長驚者矣
宜酌故實弘茲令典可竝圖畫於凌煙閣庶念功之
懷無謝於前載旌賢之義永貽於後昆

二十年八月丁亥詔曰周室姬公陪於畢陌漢庭蕭
相附彼高園寵錫墳塋聞諸上代從窆陵邑信有舊
章蓋以懿戚宗親類本同之枝幹元功上宰猶在身
之股肱哀榮之義實隆始終之契斯允今宜聿遵故

實取譬拱辰庶在鳥耘之地無虧魚水之道宜令所
司於昭陵南左右廂封境取地仍卽標誌壇域擬爲
墓所以賜功臣其有文祖陪陵子孫欲來從墓者亦
宜聽允

丘行恭爲光祿大夫從討王世充會戰於邛山之上
太宗欲知其虛實雖弱乃與數十騎衝之直出其後
衆皆披靡莫敢當鋒所殺傷甚衆旣而限以長隄與
諸騎相失唯行恭獨從尋有勁騎數人追及太宗矢
中御馬行恭乃廻騎射之發無不中行恭然後下馬
拔箭以其所乘馬進太宗行恭於御馬前步執長刀

巨躍大呼斬數人突陣而出入太軍貞觀中有詔刻
石爲人馬以象行恭拔箭之狀立於昭陵門前
郭孝恪武德中爲宋州刺史令與徐勣經營武牢已
東所得州縣委以選補其後竇建德率衆來援王世
充孝恪於青城宮進策於太宗曰世充日踰月迫力
盡計窮懸首面縛翹足可待建德遠來助虐糧運阻
絕此是天喪之時請固武牢屯軍汜水隨機應變則
易爲尅殄帝然其計及破建德平世充帝於雒陽置
酒高會謂諸將曰郭孝恪謀會建德之業王長光龍
門下米之功皆出諸人之右也

長孫無忌爲司空太宗追思王業艱難佐命之力乃作威鳳賦以賜焉又嘗謂無忌曰朕卽位之初上書者或言人主必須權威獨運不得委任羣下或欲耀兵振武攝服四夷唯有魏徵勸朕偃章興文布德施惠中國旣安遠人自服朕從其語天下大寧絕域君長皆來朝貢九夷重譯相望於道此皆魏徵之力也河間王孝恭自隋大業末羣兇競起皆爲太宗所平謀臣猛將竝在麾下罕有別立勳庸唯孝恭著方面之功聲名甚盛及卒太宗素服舉哀哭之甚慟贈司空揚州都督陪葬獻陵謚曰元配享高祖廟庭

楊弘禮爲兵部侍郎專典兵機之務太宗征遼弘禮入參謀議出則統衆攻戰駐蹕之陣領馬步二十四軍出其不意以擊之所向摧破太宗自山上見弘禮所統之衆人皆盡力殺獲居多甚壯之謂許敬宗等曰越公兒郎故有家風矣高祖嗣位詔以長孫無忌配享太宗廟庭

李勣爲司空初貞觀中太宗以勣勳庸特著嘗圖其像於凌煙閣至是高宗又命寫形焉仍親爲之序勣嘗侍從墜馬帝親問以所乘馬賜之後勣寢疾詔以勣弟晉州刺史弼爲司衛正卿使得視疾尋薨帝

之舉哀輟視朝七日謚曰貞武給東園祕器陪塋
陵令司平太嘗伯揚昉攝司員正卿監護及塋帝幸
未央故城登樓臨送望柳車慟哭并爲設祭皇太子
亦從駕臨送哀慟悲感左右詔百官送至故城西所
築二墳一准衛霍故事象陰山鐵山及烏得隄山以
旌破突厥薛延陀之功

顯慶三年十二月鄂國公尉遲敬德卒許敬宗奏請
加贈帝曰敬德功業誰之儔也對曰武德末年二凶
搆亂經綸中興之業能致宗廟之安有敬德功當第
一太尉諱忌曰敬德早從征伐勲庸茂著貞觀之初

特効殊績比諸將帥超越等倫李靖南定荆吳北平
突厥外內之事雖別論其勲効實宜相准帝以爲然
爲之舉哀廢朝三日令京官五品已上及朝集使赴
哭册贈司徒賜東園祕器陪塋昭陵

儀鳳中司列少嘗伯安撫大食使裴行儉擒僞可汗
都之及李遮旬還帝賜宴謂行儉曰卿文武兼資今
都授卿二職卽日拜禮部尚書兼簡較右衛大將軍
中宗神龍元年十一月襄州刺史漢陽郡王張柬之
抗表請辭王位帝不許因下書曰卿履謹尚遜忌盈
戒蒲詞旨勤勤請謝王位然懸爵所以勸善申至公

也裂土所以疇庸非徇私也故漢德之盛異姓而王者八人魏祚之隆同功而邑者千戶今卿列爵之貴未越於漢圖食邑之豐纔半於魏制而遠形簡牘一何甚也朕承三代之丕業荷七廟之威靈惟唐據承祧之尊於周保元良之重至於復予休命配天大業雖曆數有歸亦謳誦所繼然狐鼠不掘終貽城社之憂頑兇未夷實負朝廷之懼卿誠亮白日忠勵秋霜懷直道以立身固一心而徇國自三兇構患潛圖不軌惡迹初彰釁萌始露卿之大節義在不虧烈士之首期於必碎及難作宮禁禍生肘腋卿上銜天命外發兵符行正卯之戮旣於兩觀磔蚩尤之屍俄成四冢曾不延畧鬱成大功分壤錫珪固其宜矣行當勉以自愛享此肩壽乘几杖之榮極鄉園之樂崇讓小節念勿爲也

睿宗初卽位下詔曰尚書右僕射同中書門下三品監修國史許國公蘇瓌自周旋近密損益樞機謨猷有成弼贊無忌頃者遺恩顧託先意昭明奸回動搖內外危逼獨申讜議實挫邪謀况藩邸寮屬念殷惟舊無德不報抑惟令典可尚書左僕射

景雲二年冬十月甲辰以吏部尚書劉幽求爲侍中

降璽書曰頃者王室不造中宗厭代內戚專政姦臣擅國將頃社稷幾遷龜鼎朕與王公皆將及於禍難卿見危思奮在變能通叨贊儲君叶和義士殄殲元惡流放凶徒我國家之復存繫茲是賴厥庸甚茂朕用嘉焉故委卿以鈞軸昨卿以茅土然征賦未廣寵錫猶輕昔西漢行封更擇多戶東京朕賞復增大邑故加賜卿實封二百戶兼舊七百戶使夫高岸爲谷長河如帶子子孫孫與國無絕又以卿忘軀徇難宜有恩榮故特免十死竝書諸金鐵俾傳之後卿其保茲功業永作國禎可不美歟

太極元年四月詔曰朕聞御宸極握靈圖爲天下之尊居域中之大者上以奉宗廟下以育黎元迹宜彰於簡編事湏聞於朝野朕高宗少子特蒙慈愛顧復之至禮絕諸王運屬上僊遭家難未嗣歷中宗出籙大聖天后臨朝以權立朕爲嗣朕自惟虛薄固讓中宗誠願上從用寧社稷比居籓邸深嘉清閑不意景龍之間先帝暴棄天下凶族潛計謀覆邦家高祖之業幾墜于地皇太子隆基忠孝天感仗義行誅一夕之間戡定禍難朕當宿夕初不聞知及見事平且悲且慰方與四海同奉嗣君子溫王幼冲頻屬艱疾因

發警悸日夜啼號因以先聖立朕爲太弟之意令儀
國太平長公主諫議大夫薛稷等奉承先旨朕固誠
請至於再三乃使中書舍人蘇頲奉表陳乞襄王便
不肯視事避於別宮中外皇皇莫知所向隆基鎮國
太平長公主成器範業薛稷劉幽求麻嗣宗等以爲
宗廟不可無主萬機不可暫曠且從人望因定策禁
中漲又固辭僉謀卿士得蕭至忠崔湜韋嗣立趙彥
昭麻嗣宗薛倣鄭萬均唐駿等同嗣勸進以爲幼主
之心旣不可奪先聖之旨固不可違事不獲已乃順
衆望要盟之言其文猶在朕慕承洪業于今三年謂
宗廟郊天大禮斯備永惟所以獲奉宗禋臨兆人者
蓋非朕之本心實乃鎮國太平長公主皇太子諸王
郡公之意也雖顛顛之誠四海同望然因此致力在
此數人已依西漢舊章各酬其德董狐執筆闕而未
書宜勅左右編于史冊

玄宗先天元年封魏知古爲梁國公初竇懷貞等將
謀逆也知古獨密奏其事及懷貞誅賜實封二百戶
物五百段仍以前賞猶薄又手勅曰魏知古去年七
月已前屢申啟沃每竭忠誠姦臣有謀先奏其兆事
君之忠良可嘉嘆可更賜實封一百戶

開元二年六月丁卯北庭大都護瀚海軍使阿史那
獻臬都擔首獻于闐下并擒其孥及胡祿等部落五
萬餘帳內屬帝降書謂獻曰十姓部落比多款附葺
爾都擔敢爲背誕以卿忠果令其討伐遂斬首喪元
并兒及妻兼復胡祿屋闕等五萬餘帳壹獎塞陌
襁負而來自非信著遠蕃何以翁然至此邊陲寧謐
緊卿是賴雖鄭吉之護南道班超之臨西域無以過
焉言念勤勞豈忘鑒寐

是年又詔曰疇庸賞善百王攸先追遠飾終千載同
德固尚書左丞相太子少傅贈司空荊州大都督許

文貞公蘇瓌履正體道方外直內悉心奉上卑身
率禮叶贊帷幄三朝有鹽梅之任變諧台衮九命爲
社稷之臣先朝晏駕豐起宮掖國擅稱制之姦人懷
綴旒之懼凶威孔熾宗祀幾傾顧命遺恩太皇輔政
逆臣刊削韋氏臨朝遂能首發昌言侃然正色列諸
視聽暴於朝野松檟已遠風烈猶存緬懷誠節良深
耿嘆可賜實封一百戶

至四年命與徐國公
幽求配享睿宗廟庭

三年二月郭虔瓘爲北庭都護累破吐蕃及突厥默
啜斬獲不可勝計以其俘來獻玄宗置酒勞之及將
士等竝賜帛手詔謂曰默啜殘兇屈強邊徼吐蕃小

醜孤負聖恩我國家豫在懷柔未遑吊伐而乃敢肆
蜂虿屢犯疆陲虔瓘心蘊六奇折衝千里追奔遺於
三搜受降逾於萬計建功若此朕實嘉之

六年六月丁亥詔曰凡有功者銘書於王之太嘗祭
於大烝司勳詔之允所謂疇庸紀勞頌賞旌善藏于
天府享于廟庭臣哉隣哉其道光也故尚書左僕射
太子少傅贈司空荊州大都督許文貞公瓌開邪存
誠允迺厥德故尚書右丞相太子少保郴州刺史徐
國公幽求聞義盡節克茂乃勳竝儀邢羣后左右厥
辟直道罔缺危言孔臧景雲末年邦國多難愷悌君
子服勞王家或親受顧託以安劉氏或潛圖翼贊願
奉唐侯纘乃舊服協于先契弘濟弼亮厥猷茂焉俾
台小子嗣宇文武之業獲奉宗廟之靈實資元輔是
敷未命茲予大享於先王爾祖其從祀以配我有唐
之休烈竝可配享睿宗大聖真皇帝廟庭又詔曰皇
輿肇建必有輔佐之臣天步艱難爰仗經綸之業故
侍中譙國公桓彥範故侍中平陽郡公敬暉故中書
令兼吏部尚書漢陽郡公張柬之故特進博陵文貞
公崔玄暉故中書令南陽郡公袁恕已等竝德惟神
降材與運生道叶台嶽名書識緯寅亮帝載勤勞王

家參復禹之嘉謀奉昇唐之景命雖徂謝已久而數
烈益彰撫彛鼎以念功想旂嘗而增感緬遵故實用
表徽懿俾列在清廟登于明堂克申從祀之儀式茂
疇庸之典竝可配享中宗孝和皇帝廟庭

十年十一月景申朔方軍節度大使兵部尚書信安
郡王禕破突厥凱旋引將士等見帝置酒享之勅曰
禕摠戎朔陁經畧萬里賦軍籍馬精卒銳兵自其有
虞莫不素練而醜虜背誕偏師致誅謀若有神取如
俯拾雖廟畧之云遠亦將士之力焉威武載揚頑凶
且攝窮寇覆巢以奔北羣師掉鞅而來歸因其凱旋
聊加宴樂各宜坐飲相與盡歡

十二年隴右節度使鄯州都督王君奭破吐蕃來獻
戎捷帝置酒于內殿享之謂曰卿能振國威恢邊破
敵誠節旣著俘獲又多疇庸策勲已有處

士等竝宜飲燕兼有賜物各宜領取

十七年三月瓜州刺史墨離軍使張守珪沙州刺史
賈順文大破吐蕃帝降書謂守珪曰吐蕃小寇干我
邊鄙頻經喪卹竟不悛懲卿等早懷勇烈久司戎旅
各效忠誠暗申計略遠聞決勝加慰良深守珪及思
順竝宜賜紫其立功人叙錄具狀奏聞必要據實勿

使踰濫今內出緋紫袍卿等領取量功分賞其被傷人仍給醫藥使得安全陣亡人具名錄奏當加優贈天寶六載正月南郊禮畢詔太廟配享功臣高祖室太加裴寂劉文靜太宗室加長孫無忌李靖杜如晦高宗室加褚遂良高季輔劉仁軌中宗室加狄仁傑魏元忠王同皎文武之道旣惟竝用宗敬之儀不可獨闕

肅宗至德二年十月郭子儀旣復東都加司徒封代國公實封一千戶尋來朝兵仗迎于灞上帝見之曰雖吾家國實卿再造之子儀頓首謝恩加中書令乾元二年二月丁未郭子儀破逆賊執其將車昂獻俘于朝徇于東西兩市而斬之御製郭子儀李光弼苗晉卿李麟李輔國考詞

代宗寶應元年五月丁酉詔文武官應在凌霄門內謁見者并飛龍射生等竝宜加寶應功臣七月乙巳射生使李惟誥藥子昂步軍使彭體盈張知節竝賜名寶應功臣八月壬戌殿中少監專知尚食李恕宜賜爲寶應功臣

二年七月上尊號大赦河北副元帥懷恩河東副元帥光弼幽州節度懷僊李抱玉郭英乂辛雲京侯希

逸田神功孫志直白孝德令狐彰李寶臣薛嵩田承嗣張獻誠魚朝恩程元振僕固瑒高彥崇渾日進李建義李光逸楊崇光李懷光張如嶽白元光溫如雅拓跋澄泌高暉盧欽友成惟良曹楚玉等各賜鐵券以名藏太廟畫畫像於凌煙之閣并寇難已來將相勲業多者其名籍圖畫亦准此

唐德元年吐蕃陷京師乘輿東幸郭子儀至吐蕃乃退代宗還京師見子儀曰用卿不早遂及於是乃賜鐵券圖形凌煙閣

德宗建中元年十二月丁酉令詳定國初已來將相功臣名跡崇高功效明著者爲二等總一百八十七人武德已來宰相以房玄齡杜如晦蕭瑀高士廉魏徵王珪戴胄岑文本馬周劉洎褚遂良于志寧張行成高季輔韓瑗來濟張文瓘郝處俊李義琰裴炎蘇良嗣狄仁傑婁師德王方慶王及善魏元忠姚崇朱敬則蘇瓌宋璟魏知古陸象先蘇頌張嘉貞李元絃韓休張九齡三十七人爲上等竇威陳叔達等四十一人爲次等功臣以裴寂劉文靜長孫無忌河間孝王恭李勣尉遲敬德屈突通殷開山劉弘長孫順德唐儉柴紹段志玄劉政會張公瑾程知節秦叔寶虞世

南李傑張柬之崔玄暉桓彥範袁恕已張仁愿敬暉
劉幽求崔日用郭元振張說王琚王俊三十四人為
上等淮安王神通等五十人為次等至德已來將相
既歿者以裴冕房瑄杜鴻漸李嗣業劉正臣顏杲卿
袁履謙張巡許遠盧奕南霁雲十一人為上等李光
弼等十五人為次等

二年十二月詔曰忠臣之事君也願墮家以奉國良
將之養士也或均材以周惠爰自古昔其儔益鮮故
竇嬰陳金於廟廡趙奢散財於部曲皆受之天府不
取私門猶能垂名史冊遺芳千載而况執上將之節

鼓率先登之士卒將行命賞鑿乃家財上以彰憂國
之誠下以竭奉公之効不有褒美執旗忠賢河東節
度使馬燧誠美夙著宏略載宣克揚經武之規實重
安人之寄屬河朔干紀磁邢當寇而能終義奮發奉
辭問罪出師之際宣布明誠誓將貲產分給戰士故
得三軍之眾相與感激百勝之績於茲競勸朕當遂
其懇懷以成厥美殊嘗之跡古人所難舉而行之用
明信賞仍班王府之貨式表忠臣之節宜令度支出
錢充給將士其馬燧家資竝却還之

興元元年四月帝在梁州詔諸軍從奉天隨從將士

並賜爲元從奉天定難功臣從穀口已來隨從將士
賜名元從功臣

六月副元帥李晟討朱泚旣收復京城以露布聞帝
覽之感泣百官皆出涕因上壽稱萬歲曰李晟虔奉
聖謨盪滌凶匿然古之樹勲乃復都邑者往往有之
至於不驚宗廟不易市肆長安人不識旗鼓安堵如
初三代已來未之有也帝笑曰天生李晟爲社稷萬
人不爲朕也百官再拜而退拜晟司徒賜永寧里第
及涇陽上田延平之門林園女樂八人晟入所賜永
寧里甲第帝令宰相及諸將會送是日特賜京兆府
供饌具鼓吹迎導集宴京師以爲榮觀女樂人人及
銀絲罽等又令太嘗教坊備樂

七月壬午車駕自興元至京師帝旣還宮每間日宴
勲臣於麟德殿必親閱酒饌盛陳音樂極歡而罷其
所頒賜李晟首之渾瑊次之諸宰相節將又次之所
以褒元功示秩序也

九月詔靈州大都督渾瑊入所賜太寧里第特賜女
樂五人及錦絲銀罽等仍令宰臣節將會送有司備
樂供饌

貞元二年八月李懷光平詔曰河東保寧等軍節度

并管内諸軍節度副元帥簡較司徒平章事北郡王
 燧惟嶽降生鬱為時傑奉上有匪躬之節訓師懷盡
 敵之謀嘉猷屢聞能事畢備朔方河中同降陝虢等
 州節度及管内諸軍行營兵馬副元帥侍中咸寧郡
 王瑊堅持不奪之志亟陳必勝之略輯睦士旅崇功
 允集惟乃二帥一其誠心奉行天誅同獎王室是加
 寵命以荅殊勲燧可兼侍中仍與一子五品正員官
 并階餘竝如故瑊可簡較司空仍與一子五品正員
 官并階餘竝如故華州潼關鎮國軍節度簡較尚書
 右僕射駱元光邠寧慶簡度觀察等使簡較尚書左
 僕射韓遊瓌鄜坊丹延等州節度觀察使簡較兵部
 尚書唐朝臣等竝節著艱危功成討伐可各賜實封
 二百戶仍各與一子六品正員官并五品階餘竝如
 故應諸軍同討懷光將士宜共賜三十萬端匹以充
 宴賞竝各放歸本道仍令所司叙錄卽超資與改轉
 三年三月詔加李晟太尉依前兼中書令四月帝御
 宣政殿備禮冊拜晟受封訖其羽儀乘輅謁太廟遂
 赴上於尚書省帝令中官就省賜晟良馬二匹錦綵
 一千疋銀器十餘事并酒脯等以寵之

五年九月西平王李晟與侍中馬燧召見於延英殿

季之荒屯體元御極作人父母則亦有熊羆之士不
二心之臣左右經綸參劔締構昭文德恢武功威不
若康不义用端命于上帝付畀四方宇宙既清日月
既貞王業既成太階既平乃圖厥容列于斯閣懋昭
績効表式儀形一以不忘於朝夕一以永垂乎來胤
君臣之義厚莫重焉貞元己巳歲秋九月我行西宮
瞻宏閣崇構見老臣遺像颯然肅然和敬在色想雲
龍之叶應感致業之艱難覩往思今取類非遠且功
與時竝才為代生苟蘊其才遇其時尊主庇民何代
不有在中宗則桓彥範等著推戴之績在玄宗則劉
幽求等申翼奉之勲在肅宗則郭子儀掃殄氛祲今
則李晟等保寧朕躬咸宣力肆勤光復宗祏訂之前
烈夫豈多謝閉而未錄孰謂旌賢况念功紀德文祖
所為也在予曷其敢怠有司宜叙年代先後各圖其
像列於舊臣之次仍令皇太子書於壁庶播嘉庸昭
明天下俾後之來者知元勲不朽又書以賜晟刻石
於門左於是史官考其功績第其先後以褚遂良蘇
定方郝處俊等二十七人充之

憲宗元和初杜黃裳為相劉闢作亂黃裳堅請討除

及闡平宰臣人賀帝獨目黃裳曰此卿之功也
四年四月制曰夫定社稷濟生人存不朽之名垂可
久之業者必報以殊嘗之寵待以親比之恩遺國無
窮時惟茂典故奉天定難功臣太尉兼中書令上柱
國西平郡王食實封一千五百戶贈太師李晟開代
英賢自天忠勇邁濟時之宏算抱經武之長材貫以
丹誠協于一德嘗遭屯難之際實著戡定之功鯨鯢
既殲宮廟斯復眷茲勲伐則旣褒榮永元天步之夷
載懷邦傑之力是加崇於往烈爰協比於後昆睦以
宗親將予厚意其家宜令編附屬籍

八月詔曰朕聞昔之佐時制物者咸有大功是惟五
官以配五帝自時厥後有國家者莫不以輔弼之奇
社稷之勲名登大蒸陪享清廟苟非茂德孰允盛儀
贈太尉冕望重巖廊時爲貞幹靈武艱阻首贊經綸
宣力服膺平心弔鈺任戡定之成業推翼戴之嘉猷
贈太師晟識精韜鈴神假雄武建中寇孽躬踐憂虞
垂餌虎狼致威罇俎刷宮廟之塵穢廻日月之光輝
贈太尉秀實氣全剛柔節固金石兕渠僭逆潛蹶根
萌矯命還師哀乃決死紆帖危於怵迫挫狂狡之姦
謀竝材爲時生用當國否感雲龍而應變炳辰象以

降靈光復寰區振揚風槩勲庸藏於盟府寵飾備於前朝光陰不追盛烈如在朕頃因郊祀爰舉典嘗俾差茂勲以配殷祭惟咸有一德允屬乎三臣庶昭示於將來式崇恩於既往冕宜配饗肅宗廟庭晟秀實宜配饗德宗廟庭

馬總元和中爲安南都護以綏蠻功就加金紫

文宗太和元年十一月勅故太尉兼中書令李晟勲業崇高銘在鍾鼎其神道碑宜令所司建立

二年二月丁亥朔太子詹事段伯倫奏亡父贈太尉

秀實准前後勅令所司置廟立碑今營造已畢取今月二十五日行升拊禮詔曰段秀實忠衛宗社功配

廟食義風所激千載興起間代勲力須異等夷宜賜

綾絹五百匹以度支物充仍令所司供少牢并給鹵

簿人夫兼令太嘗博士一人簡較

後唐莊宗同光元年三月詔隨駕收復汴州并扈從到雒及南郊立伏都將已下至節級長行軍將等朕自削平中夏掃蕩羣兇被介胄以征行歷星霜而扈從凡經百戰盡力殊功永念丹心眞同赤子若無旌賞豈表恩榮其都將官員司竝賜謀定亂佐國功臣自僕射尚書嘗侍至大夫中丞宜竝賜忠勇拱衛功

臣其初帶銜宜竝賜忠烈功臣已有功臣名者不在
此限其節給長行軍將竝賜扈蹕功臣

十月己卯入汴己亥宴於崇元殿偽將段凝霍彥威
戴思遠王瓚等待酒酣帝以酒屬明宗曰今辰宴客
皆吾前日之勍敵也一旦與吾同筵蓋卿前鋒之勍
也偽將等泥首稱謝帝曰吾與總管話舊公輩勿以
爲嫌因賜服玩撫慰之

郭崇韜自莊宗嗣位爲中門使從擒王彥章誅梁氏
降段凝皆崇韜贊成其功也莊宗至汴州宰相豆盧
革在魏州令崇韜權行中書事俄拜侍中兼樞密使
及郊禮畢以崇韜兼領鎮冀節度使進封郡公邑二
千戶賜鐵券恕十死

周德威同光初追贈太師大成中詔與李嗣昭存
審配饗莊宗廟庭

朱友謙自梁歸順破梁軍加守太尉西平王同光初
莊宗滅梁友謙覲於雒陽莊宗置宴饗勞寵錫無算
親酌觴屬友謙曰成吾大業者公之力也

符彥超同光末赴北京巡簡先是朝廷令內官二人
在太原一監兵一監倉庫及明宗入雒皇弟存霸單
騎奔河東與內官謀殺彥超與畱守張憲彥超覺之

密與憲謀未決部下大譟州兵畢集張憲出奔是夕
軍士殺內官存霸於衙城詰旦聞雒城禍變彥超告
諭三軍明宗又令其弟龍武都尉侯彥卿馳騎安撫
後彥超入覲明宗召見撫諭授晉州畱後未行會其
弟前曹州刺史彥饒平宣武亂軍明宗喜召彥超謂
之曰吾得爾兄弟力餘更何憂爾爲我在河東撫育
耆舊卽授北京畱守太原尹

明宗天成四年三月辛巳王晏球至自定州帝曰中
山悖逆勞卿攻討今已掃盪兼敗鮮卑中興已來未
有立功如卿者晏球曰臣謬主兵權不能尋振皇威
久煩饋運上賴睿算薄有所成失律是懼臣有何功
命樂舉酒錫賚殊異移授天平軍節度

晉高祖天福三年正月乙丑西京畱守李周奏乞正
鄉名里號勅李周位列藩宣秩居台輔忠能佐國孝
以成家今貢表章請改鄉里旣久符於舊典當普示
於新恩宜賜俞允兼諸道應帶平章事已上竝准唐
長興二年正月十五日勅命施行

周世宗顯德四年七月己丑賜宰臣李穀親征圖一
面其文翰林學士承旨陶穀之所撰也

先是帝征淮南以壽陽未

拔時穀臥疾未愈遂詔宰臣范質王溥就第以問之
穀因土章陳親征之利者三後城拔帝以其表示陶

九府元龜 卷之二十四
穀且曰臣之事君不當有隱觀李穀敷奏
忠誠可嘉爾為贊述以勸來者因有是贊

冊府元龜

巡按福建監察御史臣李嗣京 訂正

知甌寧縣事 臣孫以敬 參閱

知建陽縣事 臣黃國琦 較釋

帝王部 一百三十四

念功

夫八辟麗法周官之明訓十世猶宥左氏之格言是
知帝王存忘過之德恢包荒之念度基業之綿構知
臣下之勤勞莫不疏以大封瘝之好爵其或罹乎憲
網屬諸吏議而能追其舊績功恕罪責其後効屈

法申恩所以使忠者竭誠而勲臣兢勸也若乃子孫
席其舊德朝廷命以世封或自貽伊戚或坐招官誘
而復念勲代之後哀門戶所寄或全其嗣息或復其
邑封茲義士所以忘死而賢人所以發憤也

漢宣帝甘露中丙吉子嗣博陽侯顯有罪削爵為關
內侯元帝時長安士伍尊上書先嘗有罪經奪免之而與士卒為伍故稱

士伍其人各尊言臣少時為郡小吏竊見孝武皇帝曾孫遭
離無辜吉仁心感動涕泣悽惻選擇復作胡組養視

皇孫吉常從臣尊日再侍臥庭上郡邸之庭也侍謂參省之也時皇孫
孤弱常在祿祿故借言臥也後遭修獄之詔吉扞拒大難不避嚴

刑峻法既遭大赦吉謂守丞誰如皇孫不當在官守丞者守獄官之丞誰知其姓名也謂皇孫不當在獄官宜屬郡縣也誰如移書京兆尹

遣與胡組俱送京兆尹不受復還及組日滿當去皇
孫思慕吉以私錢顧組令畱與郭徵卿並養數月乃

遣組去後少內嗇夫白吉日食皇孫亡詔令少內其庭主府
歲之官也詔令無文無從得其原具時吉得食米肉月以給皇孫吉郎

時病有病時也輒使臣尊朝夕請問皇孫視省席蓐燥濕
候伺組徵卿不得令晨夜去皇孫敖盪去離也敖盪戲也盪施也

數奏其毳食物秦進也毳讀與脆同所以擁全神靈成育聖躬
功德已亡量矣時豈豫知天下之福而徼其報哉

也誠其仁恩內結於心也雖介之推割肌以存君不

足以比晉公子重耳之亡也里鳧須從因益其資而逃重耳無糧饋不能行介子推割其股肉以

食重耳乃能行也孝宣皇帝時臣上書言狀幸得下吉吉謙

讓不敢自伐刪去臣辭專歸美於組徵卿文皆以受

田宅賜錢吉封為博陽侯臣等不得比組徵卿臣年

老居貧死在旦暮欲終不言恐使有功不著吉子顯

坐徵文奪爵為關內侯臣愚以為宜復其爵邑以報

先人功德先是顯為太僕十餘年與官屬大為姦利

贓千餘萬司隸較尉昌案劾罪至不道奏請逮捕帝

曰故丞相吉後有舊恩朕不忍絕免顯官奪邑四百

戶復後以為城門較尉

後漢光武建武十五年南郡太守劉隆坐懇田不實

徵下獄其疇輩十餘人皆死帝以隆功臣特免為庶

人

張純高祖父安世宣帝時封富平侯純少襲爵光武

初先來請闕故得復封後為五官中郎將有司奏列

侯非宗室不宜復國光武曰張純宿衛十有餘年其

勿廢更封武始侯食富平之半武始縣屬魏郡富平縣屬平原郡也

朱浮初從光武為大司馬主簿遷偏將軍破邯鄲為

大將軍討定北邊建武二年復封浮為新息侯帝以

浮陵轅同列每銜之惜其功能不忍加罪

魏文帝為魏王時賈逵為丞相主簿祭酒嘗坐人為

罪王曰叔向猶十世宥之况逵功德親在其身乎一

無所問

明帝即位時驃騎將軍野在侯曹洪既免官削爵土

洪先帝功臣時人多為舛望帝拜為將軍更封樂城

侯邑千戶位特進復拜驃騎將軍

丁謐父斐從太祖為典軍較尉摠攝內外謐少不肯

交游但博觀書傳為人沈毅頗有才畧明帝太和中

嘗家鄴借人空屋居其中而諸王亦欲借之不知謐

已得直開門入謐望見王交脚臥而起而呼其僕曰

此何等人呵使去王怒其無禮還具上言明帝收謐

繫鄴獄以其功臣子原出後帝聞其有父風召拜度

支郎中

齊王正始中夏侯霸為討蜀護軍右將軍封博昌亭

侯霸素為曹爽所厚聞爽誅自疑亡入蜀以父淵舊

勲赦霸子徙樂浪郡陳留王

景元五年春鍾會為鎮西將軍伐蜀謀反誅其兄毓

以四年冬先薨會竟未知聞會兄子邕隨會亦與俱

死會所養兄子毅及峻迪勅連切等下獄當伏誅司馬

文王表天子下詔曰峻等祖父繇三祖之世極位台
司佐命立勲配饗廟庭父毓歷職內外幹事有績昔
楚思子文之治不滅闢氏之祀晉錄成宣之忠用存
趙氏之後以會邕之罪而絕繇毓之類吾有愍然峻
迪兄弟特原有官爵者如故惟毅及邕息伏法

晉武帝泰始九年詔曰鄧艾有功勲受罪不逃刑而
子孫為氓隸朕常愍之其以嫡孫朗為郎中
穆帝升平三年下詔復征虜將軍州陵縣侯毛寶本
封寶守邾城石季龍將攻邾城城陷赴江溺死詔曰
寶之傾敗宜在貶裁蘇峻之難致力王室今咎其過

故不加贈祭之可也其後公卿言寶有重勲加死王
事不宜奪爵故復本封

安帝隆安初虞嘯父為吳國內史徵補尚書未發而
王廞舉兵叛以嘯父行吳興太守嘯父即入吳興廞
廞敗有司奏嘯父與廞同謀罪應斬詔以嘯父祖
潭舊勲聽以侯贖為庶人

武昌縣侯
嘯父嗣侯

以起義軍討沈充功封零
陵縣侯又以前後功進爵

桓茂遠荆州刺史冲孫也為中書令玄篡位為吏部
尚書隨玄西奔玄死歸降孝武詔曰夫善著則祚遠
勲彰故事殊以宣孟之忠蒙後晉國子文之德世嗣

獲存故太尉冲昔藩陝西忠誠王室諸子染凶自貽
罪戮念冲遺勤用悽于懷其孫宜見矜宥以獎爲善
可特全生命徙于新安

後魏道武以庾岳爲將以功至司空岳兄子路有罪
諸父兄弟悉誅特赦岳父子

叔孫建少以智勇著稱道武之幸賀蘭部建嘗從左
右參軍國之謀後爲并州刺史以公事免守鄴城圍
明元卽位念建前功乃以建爲正直將軍相州刺史
來大千代人也父初真從道武避難北候山參勦業
之功官至後將軍武原侯與在八議

穆崇代人也道武之居獨孤部崇嘗往來奉給後劉
顯之謀逆也崇來告難太祖馳如賀蘭部太祖李公
窟咄之難崇甥于桓執太祖以應之告崇崇乃夜告
道武道武誅桓等崇甚見寵待從平中原後爲太尉
衛王儀謀逆崇豫焉道武惜其功而秘之

屈拔右僕射垣孫也

垣字長生

垣以破平涼功賜爵濟北

公太武信任之委以大政拔襲祖爵太武追思其祖
年四十爲南部大人時太武南伐擒宋將胡盛之以
付拔酒醉不覺盛之逃去太武大怒命斬之將伏鑕
太武愴然曰若鬼而有知長生問其子孫朕何以處

之乃赦拔免為中散大夫

文成時穆頭為征西大將軍都督諸軍西征吐谷渾

坐擊賊不進免官爵徙邊帝又以頭著勲前朝徵為

內都大官

薛真度為護南蠻較尉平南將軍文成時齊雍州刺

史曹虎許降詔真度督四將出襄陽無功而還後征

赭陽為房伯玉所敗有司奏免官爵高祖詔曰真度

之罪誠如所奏但頃與安都送款彭方開關徐宋外

捍沈攸道成之師內寧邊境烏合之眾淮海來服功

頗在茲言念厥績每用嘉美赭陽之敗何足計也宜

異羣將更申後効可還其元勲之爵復除荊州刺史

自餘微號削奪進足彰忠退可明失尋除假節冠軍

將軍

獻文時劉尼為司徒皇興四年車駕北征帝親誓眾

而尼昏醉兵陣不整帝以其功重特恕之免官而已

長孫觀獻文時襲祖爵上黨王時異姓諸王襲爵多

降為公帝以其祖道生佐命先朝故特不降

孝文時穆罷為虎牢鎮將頻以不法致罪以其勲德

之冑讓而赦之

罷太尉崇之後也

元麗為魏衛將軍時秦州屠各王法智與王簿各徇

見爲亂麗討平之麗因平賊之勢枉掠良善七百餘人宣武嘉其功詔有司不聽追簡

劉藻文成時爲征虜將軍頻破賊軍後與高聰等戰敗俱徙平州景明初宣武追錄舊功以藻爲太尉司馬

楊大眼爲平東將軍與中山王英同圍鍾離大眼軍城東守淮橋屬水汎長大眼所綰統軍劉神符公孫祉兩軍夜中爭橋奔退大眼不能禁相尋而走坐徙爲營州兵永平中宣武追其前勲起爲試守中山內

史

裴植爲大鴻臚卿後以長子昕南叛有司處之大辟宣武詔曰植闔門歸款于昕愚昧爲人誘陷雖刑書有嘗理宜矜恤可特恕其罪以表勲誠

孝莊帝卽位詔復盧同本秩先是同爲撫軍大將軍元義之廢靈太后同爲義所親營州城民就德興反同持節慰勞安輯其民而還靈太后反政以同義黨除名及帝踐阼詔復本秩除都官尚書復兼七兵以同前慰勞德興之功封章武縣開國伯食邑四百戶隋文帝摠百揆以鄭譯司摠六府事譯性姦險不親職務而賊貨狼籍帝陰疎之然以其有定策功不忍

廢放陰勃官屬不得白事於譯獨坐廳事無所關預
譯懼頓首求解職帝寬諭之接以恩禮

于顛初仕周爲東廣州刺史與摠管趙文表不協抽
刀砍殺文表誣其通謀於尉遲迥及文帝受禪文表
弟詣闕稱兄無罪帝令按其事太傅竇熾等議顛當
死帝以門著勲績特原之仍爲開府

宇文愷忻之弟也文帝爲丞相加上開府中大夫及
踐阼誅宇文氏愷初殺中以與周本別兄忻有功於
國使人馳赦之僅而得免

張威開皇中爲青州摠管在州頗治產業侵擾百姓
坐廢於家後從文帝祠太山至雒陽帝謂威曰自朕
之有天下每委公以重鎮可謂推赤心矣何乃不修
各行惟利是視豈直孤負朕心亦且累卿名德因問
威曰公所執笏今安在威頓首曰臣負罪虧憲無顏
復執謹藏於家帝曰可持來威明日奉笏以見帝曰
雖不遵法度功效實多朕不忘之今還公笏於是復
拜雒州刺史

權武文帝時爲潭州摠管晚生一子與客宴集酒醉
遂擅赦所部內獄囚武以南越邊遠治從其俗務適
便宜不依律令而每言當今法急官不可爲帝令有

司察其事驗帝大怒命斬之武於獄中上書言其父
為武元皇帝戰於馬前以此求哀錄是除名為民

虞慶則為右僕射時突厥將內附使慶則充使安撫
文帝勅之曰我欲存立突厥彼送公馬但取三五匹

攝圖見慶則贈馬千匹又以女妻之帝以慶則勲高
皆無所問攝圖突厥主也

唐高祖武德二年三月羣臣曰義兵初至河東唯孫
華先至此之誠効不可忘也華不幸早終每用傷嘆

其下將帥宜更優之是日封華部將十人為開國侯
華先已贈屯

太宗時李靖為定襄道行軍總管擒突厥頡利可汗
御史大夫溫彥博害其功譖靖軍無綱紀致令虜中

奇寶散於亂兵之手帝大加責讓靖頓首謝久之帝
謂曰隋將史萬歲破達頭可汗有功不賞以罪致戮

朕則不然當赦公之罪錄公之勲詔加左光祿大夫
賜絹千疋真食邑通前五百戶未幾帝謂靖曰前有

人讒公今朕意已悟公勿以為懷賜帛二千疋拜尚
書左僕射

丘行恭為右武侯大將軍性嚴酷所在同列皆懾懼
之數坐事解免太宗每思其功不踰時月復其官

李德譽爲將作少監衛國公靖之長子庶人承乾之廢也德譽與之交通流嶺南後太宗以靖故改徙蘇州

杜楚客爲工部尚書攝魏王泰府事所在以威肅聞楚客知太宗不悅承乾遂潛圖交構朝貴用事者至有懷金以賂之因說魏王聰明可爲嫡嗣人或以聞奏太宗隱而不言至是彙發太宗始揚其事仍以兄有佐命之功免死廢爲庶人尋授處州奉化縣令江夏王道宗從太宗征遼攻安市城不克道宗爲憲司所劾太宗曰道宗之愆理在殊死然擊破蓋牟遼

東二城并新城南戰竝有勲績以彼之功補此之過不可加戮也特宜捨之

高宗永徽三年十月弓月道行軍總管梁建方副總管高德逸爲御史所劾建方兵衆足以追討而逗畱不進德逸乃令市馬自取駿者帝以建方有破處密之功釋而不問大理卿李道裕奏言德逸所取之馬筋力異嘗請實中廐帝謂侍臣曰建方出總戎麾嘗悞不進德逸違法取馬自有刑名就中不和俱合深責朕以出師命將務在軍功凱旋之際便加黜免情所不忍所以特令宥之道裕法官職在決斷進馬之

事非其所司請以馬送北門妄希我意深乖法官之體豈朕行事不爲羣下所知邪朕今日咎未能卽黜道裕

龍朔元年冬十月辛未狩於南山布圍大順府果毅王萬興以輒先促圍集衆欲斬之帝謂侍臣曰軍令有犯罪在不赦但恐外人謂我翫好畋獵輕斷人命又以其曾從征遼有功特令放免

薛仁貴爲邏迤道行軍大總管爲吐蕃所敗坐除名尋而高麗餘衆相率復叛詔仁貴爲雞林道總管以經畧之上元中坐事徙象州赦歸高宗思其功尋復

召見謂曰往九成宮遭水無卿已爲魚矣卿又北伐九姓東擊高麗漠北遼東咸遵聲教者竝卿之力也卿雖有過豈可相忘有人言卿烏海城下故不擊賊致使失利朕所恨之唯此事耳今西邊不靜瓜沙路絕卿豈可高枕鄉邑不爲朕指撝邪於是起授瓜州長史

玄宗先天初劉幽求爲右僕射以太平公主將謀逆亂乃與右羽林郎將軍張暉請以羽林兵誅之暉洩其謀睿宗下幽求等詔獄乃流幽求于封州歲餘太平公主等伏誅其日詔徵復官爵曰劉幽求風雲感

玄川嶽萃靈學綜九流文窮三變義以臨事精能貫
日忠以成謀用若投水茂勲立艱難之際嘉話盈啓
沃之初存謙且以不圓爲姦邪之所忌蒙萌頗露諧
端潛發元宰見逐讒人孔多旣歿羣凶方宣大化期
問政於經始載登賢於夢卜可依舊金紫光祿大夫
守尚書右僕射知軍國重事監修國史上柱國

開元七年崔日用爲嘗州刺史羗降田賦時下制曰
唐元之際逆黨構兇崔日用當時潛論其事及于裁
剪實豫元謀功旣居多不宜減封是年轉并州長史
十年三月制曰漳州懷恩縣尉員外置鍾紹京夙負
藝能早申誠節錄其殊効賜以崇班未荅恩私自擢
瑕累雷雨作解品物惟新言念舊勞稍加甄叙可都
州別駕

肅宗至德二年九月河東兵馬節度馬承光奉詔發
河東兵馬屯於渭北而馮翊太守王鳳佚執異見沮
軍不發承光斬之詔責不上聞使使効之有上言稱
承光有大功賊陷潼關承光收河東逆賊崔乾祐攻
安邑承光引兵收陝郡解安邑圍走崔乾祐皆承光
之功合得免死帝優詔免之

代宗廣德元年十二月宦官程元振先得罪放歸田

里潛詣京師館于所昵司農卿陳景銓之第將圖進
取京兆府擒獲以聞

二年春正月御史臺以元振獄狀聞元振配秦州百
姓景銓貶爲新州新興縣尉同正元振旣行帝念其
舊勲矜以遐裔特恩許江陵府安置

德宗建中三年五月壬午詔曰故尚父子儀有大勲
力保父子皇家嘗以山河爲誓琢之金石其可忘也
家前時與人爲市以子儀歿後或被誣構欲論奪之
有司無得爲理子儀旣薨其女壻太僕卿趙縱少府
少監李洞有光祿少卿王宰貶官相屬其子曖所尚
昇平公主又以坐事幽於南宮曖亦絕其出入郭氏
大震恐姦人幸其危懼多論取奪其田宅奴婢郭氏
懼不敢與爭帝聞故有是詔

是年徐帥李洧卒高承宗久爲洧將軍人悅之請以
爲帥洧弟淡先爲團練副使頗凶險耻居承宗下乃
密使人言於李納請分兵擊徐州淡居中爲應其使
路出於滕因令說滕將翟濟同叛濟表奏之詔以濟
兼沂州刺史召淡至京師以其兄洧有功特赦不罪
興元元年十月中書門下奏李晟巡邊欲至涇州田
希鑒潛伏兵馬謀害統帥李晟察其姦計今以伏辜

原其情狀合坐宗族頃以朱泚窮蹙奔竄涇原希冀
去逆歸順閉門不納恐須錄其前効特全後嗣其妻
王氏并男太子通事舍人華左金吾倉曹參軍華折
衝芮折衝萱等并請免死差綱迺送嶺南分付杜佑
令配諸州從之

貞元元年八月己卯詔曰朕聞自昔哲王以道化下
不竭物以充欲不勞人以樹威億兆之心戴若父母
兵革不試四方來同苟昧於德緩務以力勝士旅疲
耗蒸黎困窮幸以成功豈云有補李懷光出自我伍
頗著忠勞拔於等倫授以旄鉞誓師河朔奔難奉天

秉心匪彛自底不類怙衆貪亂附姦脇君朕用再遷
幾危宗社洎股肱宣力賊泚就誅率土之人感懷奮
擊朕獨排羣議未忍加兵復其官封志期全貸昏迷
不反悖慢逾彰殘害使臣侵敗王畧上帝悔禍元臣
叶謀克集茂勲以夷大難良以誠信未著撫御失宜
至使功臣陷於誅戮謂之寇敵能不愧心然以懷光
一家在法無捨念其昔居將相嘗寄腹心罪雖挂於
刑書功已藏於王府以干紀之跡固合滅身以赴難
之身所宜有後務從寬宥俾洽幽明宜以懷光男一
人爲嗣賜庄宅各一所仍還懷光首及屍任其收葬

其懷光妻子孫在室女等并遞送澧州委李臯逐便
安置使得存立其出嫁女及諸親戚等並宜釋放
是月華州節度駱元光專殺徐庭光元光累有功處
諫官論其專殺先令宰相諭諫官勿論

三年十一月癸亥以神策軍大將軍莫仁擢爲左驍
衛上將軍丁卯以河東兵馬使兼御史大夫張元芝
爲神策軍大將軍己巳詔奉天定難功臣左神策將
軍兼御史大夫武陵郡王孟日華於洪州安置仍賜
絹百匹充家口路糧至彼委本道都團練使給十人
衣糧以時存問初仁擢出官日華自謂代之旣授張

元芝日華忿於衆口吾於國有功且久次當遷今以
大將軍授元芝吾寧貶黜不能事也朝廷用人失序
何以致理大詬拂衣而出監軍竇文場大怒列狀請
誅帝念其功故但黜謫之

七年十月詔曰郭晞男綱在法叛亡已上道者斬父
母妻子皆有連坐朕以先尚父翼載肆勤安固邦國
不忍以子忘其先勞今竝原之俾復其位其諸不坐
皆釋放初綱之走吐蕃吐蕃疑之不納置於河俄公
流以歸杜希全得之以聞召至京是日賜自盡

穆宗長慶二年十二月勅贈工部尚書田頴風彰忠

勇累効勲勤方議獎能遽聞棄代永言嗟悼須有優
矜宜賜絹布一百五十疋端度支逐便支給仍令所
在州縣傳遞送至許州委李光顏官給葬事其男克
素待過卒哭亦委本道量與軍中職事收管驅使顏
前爲李光顏部將淮西之役累有勝捷其後王師征
討顏常在戰陣以忠勇著聞及汴州平策勲拜宋州
刺史人皆謂顏宜受方任會以疾卒

敬宗寶曆二年正月御史臺奏右贊善大夫李方現
把笏擊損內園品官李重實款狀明具勅李方現不
自謹身有此喧競假如品官凌忽只合具實奏聞輒

肆狂疎恣行歐擊傷人見血理在難容但以父有勤
勞身叨宗屬特從輕典粗以繩違宜量罰兩月俸

文宗太和四年前豐州刺史充天德軍使渾鐵坐贓
七年千餘貫貶袁州司馬帝以咸寧王勲烈特異故

特命有司俯從輕文

至五年春以鐵守袁王傳賜紫金魚袋以父太師忠勲故也

五年春盧龍軍節度觀察等使李載義爲其部下楊
志誠所逐因入覲帝以載義有平滄景之功又能恭
順朝旨册拜太保同平章事其年改山南西道節度
觀察等使兼興元尹

後唐明宗長興四年八月顧謂侍臣曰前洋帥陳臯

稱病其乞致仕信乎對曰實然帝因愴然改容良久曰陳臯昔為健兒從吾征伐操戈擐甲氣吞豺狼今衰落如此浮生壯健都幾何時哉咄嗟久之因令孟漢瓊往勞問

王思同當明宗朝伐蜀之役為先鋒指揮使思同恃勇先入劔門大軍未相繼復為董璋兵逐出之及班師思同以曾獲劔門之功移鎮山南西道

冊府元龜

冊府元龜

巡按福建監察御史臣李嗣京 訂正

新、建縣舉人 臣 戴國士 恭閱

知建陽縣事 臣 黃國琦 較釋

帝王部 一百三十五

愍征役 好邊功

愍征役

昔軒韓氏撫萬民度四方天下有不順者從而征之則征役之興有自來矣然而王者致治貴於無為聖人用兵蓋不得已一夫不獲則曰時予之辜一物失

所則若納之於隍况乎蒙霜露冒鋒鏑行有攻戰之苦居有徃戍之勤而可不懲之者哉是以歷代帝王下蠲復之詔降賑給之命存者待以爵賞沒者歛以衣衾故曰悅以使民民忘其死君子之於人序其情而閔其勞詩之東山所錄作也今之紀者非唯乘塞守邊飛芻輓粟之謂凡干力役第而次之

周文王為西伯時西有昆夷之患北有獫狁之難以殷王之命其屬為將帥將戍役禦西戎及北狄之難以守衛中國故歌采薇以遣之詩曰采薇采薇薇亦柔止柔始生也曰歸曰歸心亦憂止憂心烈烈載饑載渴

我戍未定靡使歸聘

漢高祖為漢王四年八月令軍士不幸死者吏為衣衾棺歛轉送其家四方歸心焉

八月十一日令士卒從軍死者為槨槨音衛小棺也今謂之槨歸其縣縣給衣衾棺葬具初為槨槨至縣更給衣及棺備其葬具耳祠以少

牢長吏親葬

九年三月行如雒陽令吏卒從軍至平城及其守城邑者平城左右諸城能堅守也皆復終身勿事

武帝建元元年秋七月詔曰衛士轉置送迎二萬人鄭氏曰去故置新常二萬人其省萬人

元光六年冬詔曰夷狄無義所從來久間者匈奴數
 寇邊境故遣將撫師古者治兵振旅因遭虜之方入
 將吏新會上下未輯代郡將軍教鴈門將軍廣所任
 不肖較尉又背義妄行棄軍而北少吏犯禁用兵之
 法不勤不教將帥之過也教令宣明不能盡力士卒
 之罪也將軍已下廷尉使理正之而又加法於士卒
 二者竝行非仁聖之心朕聞衆庶陷害欲刷耻改行
 復奉正義厥路亡繇無繇也其罪鴈門代郡軍士不循
 法者

元狩三年減隴西北地上郡戍卒半

宣帝五鳳元年夏赦徒作杜陵者

元帝初元三年六月詔曰惟丞庶之饑寒遠離父母

妻子勞於非業之作衛於不居之宮不急之事故云非業恐非

所以佐陰陽之道也其罷甘泉建章宮衛令就農百

官各省費

成帝永始元年七月詔曰將作大匠萬年解萬年也言昌

陵三年可成作治五年中陵司馬殿門內尚未加功

天下虛耗百姓罷勞罷讀日疲客土疏惡取他處土以增高為客土終

不可成朕惟其難怛然傷心惟思也其罷昌陵及故陵

勿徙吏民令天下無有動搖之心

後漢質帝永嘉元年五月詔曰兵役連年死亡流離或支骸不歛或停棺莫收朕甚愍焉昔文王葬枯骨人賴其德今遣使者案行若無家屬及貧無資者隨宜賜卹以慰孤魂

桓帝建和元年四月詔曰比起陵塋彌歷時歲力役既廣徒隸尤勤頃雨澤不沾密雲復散儻或在茲其令徒作陵者減刑咎

魏太祖爲漢丞相以建安七年令曰吾起義兵爲天下除暴亂舊土人民死喪畧盡國中終日行不見所識使吾悽愴傷懷其舉義兵已來將士絕無後者求其親戚以後之授土田官給耕牛置學師以教之爲存者立廟使祀其先人魂而有靈吾百年之後何恨哉

十四年令曰自頃已來軍數征行或遇疫氣吏死士亡不歸家室怨曠百姓流離而仁者豈樂之哉不得已也其令死者家無基業不能自存者縣官勿絕廩長吏存恤撫循以稱吾意

文帝初爲魏王漢延康元年下令曰諸將征伐士卒死亡者或未收歛吾甚哀之其告郡國給槨殯殮送致其家官爲設祭

齊王嗣位詔諸所興作官室之役皆以遺詔罷之
齊王正始七年八月詔曰吾乃當以十九日親祀而
昨出已見治道得雨當復更治徒棄功夫每念百姓
力少役多夙夜存心道路但當期於通利聞乃搥箠
老小務崇修飾疲困流離以至哀嘆吾豈安乘此而
行致馨德於宗廟邪自今以後明申勅之

高貴鄉公正元二年八月蜀將姜維寇狄道九月姜
維退還詔曰朕以寡德不能式遏寇虐乃令蜀賊陸
梁邊陲洮西之戰至取負敗將士死亡計以千數或
沒命戰場寃魂不反或牽掣虜手流離異域吾深痛
愍爲之悼心其令所在郡典農及安撫夷二護軍各
部大吏慰其門戶無差賦役一年其力戰死事者皆
如舊科勿有所漏

十一月詔曰往者洮西之戰將吏士民或臨陣戰亡
或沉溺洮水骸骨不収棄於原野吾甚痛之其告征
西安西將軍各令部人於戰處及水次鈎求屍喪収
歛藏埋以慰存亡

晉武帝太康元年五月庚午詔諸士卒年六十罷歸
于家

惠帝永安元年十二月詔曰自頃戎車屢征勞費人

力供御之物皆減三分之一二戶調田租三分減一蠲
除苛政愛人務本清通之後當還京師

成帝咸康二年三月旱詔免所旱郡縣役

孝武帝太元四年三月詔凡諸役費自非軍國事要
皆宐停省以固時務

後魏孝文延興三年二月太上皇帝至自北討死王
事者復其家又詔畿內民從役死事者郡縣為迎喪
給以葬費又詔醴陽被掠之兵有得還者賜絹二十
匹南部尚書公孫邃奏為貴賤等級帝稱善

太和六年二月詔曰蕭道成逆亂江淮戎旗頻舉七
州之民既有征軍之勞深乖輕徭之義朕甚愍之其
復嘗調三年

八年五月己卯詔賑賜河南七州戍兵

十七年十二月詔隱恤軍士死亡疾病務令優洽
十九年二月南伐齊幸八公山路中雨甚詔去蓋見
軍士病者親急恤之八月詔諸徒兵從征被傷者皆
聽還本處

宣武正始四年十二月詔兵士征碭石者復租賦一
年

孝明熙平元年七月詔兵士鍾離沒落者復一房田

租三年

二年五月詔曰揚州硤石荆山新淮鄞城兵士戰沒者追給歛財復一房五年若無妻復其家一人二年身被三瘡賞一階雖一瘡而四體廢落者亦同此賞孝莊永安二年二月朔詔諸禁衛之官從戎有功及傷痍者赴選先叙

出帝永熙三年六月詔曰頃年已來天步時阻干戈不戢荆棘斯生或殉節感恩奮不顧命或臨戎對敵赴難如歸身首橫分體骨不歛勲誠靡錄榮贈莫加寤寐矜之良有嗟悼可普告內外咸許言列若無親

近聽故友陳之尚書簡實隨狀科贈庶慰冤魂少申惻隱

後周明帝武成元年六月詔曰潁川從我是曰元勳無忘父城實起王業文考屬天地草昧造化權輿拯彼橫流興茲頽運賴英賢盡力文武同心翼贊大功克隆帝業而披堅執銳櫛風沐雨永言疇昔良用慨然至若功成名遂建國剖符予惟休也其有致死王事妻子無歸者朕甚傷之凡是從先王向夏州從來見在及薨亡者並量賜錢帛稱朕意焉
武帝平齊之役見軍士有跣而行者帝親脫鞵以賜

之每宴會將士必自執盃勸酒或手付賜物
建德元年三月詔曰民亦勞止則星動於天作事不
時則石言於國故知為政欲靜在寧民為治欲安在
息役興起無度徵發不已加以頻歲師旅農畝廢業
去秋災蝗年穀不登民有散亡家空杼軸朕每旦恭
已夕惕兢懷自今正調以外無妄有發庶時殷俗阜
稱朕意焉

隋文帝開皇元年九月詔戰亡之家遣使賑給仍令
使者就家勞問

六年八月詔大象已來死事之家咸令賑恤

煬帝大業四年九月詔免長城役者一年租賦
八年二月詔曰朕觀風燕裔問罪遼兵文武叶力爪
牙思奮莫不執銳勤王捨家從役罕蓄倉廩之資兼
損播殖之務朕所以夕惕愀然慮其匱乏雖復素飽
之衆情在亡私悅使之人宜從其厚諸行從一品以
下俟飛募人以上家口郡縣宜數存問若有糧食乏
少皆宜賑給或有田疇貧弱不能自耕種可於多丁
富室勸課相助使之居者有斂積之豐行役無顧後
之慮

十年二月詔曰竭力王役致身戎事咸繇徇義莫匪

勤誠委命草澤棄骸原野與言念之每懷愍惻往年
出軍問罪將留遼濱廟筭勝畧具有進止而楊諒愔
凶罔識成敗高穎傲狠本無智謀臨三軍猶兒戲視
人命如草芥不遵成規坐貽撓退遂令死亡者衆不
及埋藏今宜遣使人分道收葬設祭於遼西郡立道
場一所恩加泉壤庶弭窮魂之冤澤及枯骨用弘仁
者之惠

唐高祖武德三年六月以沁州被圍一載忠勤可嘉
乃以絹三千疋頒賜將士

八年八月令民部尚書皇甫無逸於并州設祭戰亡
將士

太宗貞觀十年十月征遼迴次營州詔遼東道戰亡
人骸骨竝集柳城東南有司設太牢以祭之太宗臨
哭盡哀從臣無不流淚御製祭文曰夫忠烈盡世往
賢明軌忘身殉國先哲良規惟爾等心苞鐵石志烈
風霜勇氣雄圖衝冠裂背懷忠立節重義輕生奮劔
提戈摧城陷陣冒鋒刃而不顧赴湯火而如歸殞命
戰場殘形寇壘膏潤原鉞身喪各存摧落寒關遂非
生入蒼茫雷野無復餘蹤涉出塞之前途掩靈櫬而
反骨歌陽春之往路黯長夜之歸魂山川寔其不殊

存亡颯焉昔非然則身者今之所重名者後之所貴
身乃嘗有而愚夫怯焉功則難立惟烈士成焉若以
一生之短期收千載之令譽此聖賢之操也豈直忠
勇者乎所以按轡停輿撫膺一慟嘉乃誠節痛爾遺
靈酒俎旣陳魂其斯享

十五年十一月贈戰亡將士官三轉聽授一子遞其
尸櫃還鄉棺斂而葬焉

十九年三月征遼輿駕在定州將士每到者遣於定
州北門過太宗御城樓撫慰之明告賞罰優劣甚至
悉踊躍歌呼足蹈手舞有從卒一人病不能進太宗

召至御牀親加撫慰付州縣廩療之是以將士莫不
欣然願從其役有不預征名而請以私裝從軍者動
以千計皆云不願受國家官賞乞於高麗城下効一
旦之命詔皆不許其人心齊一自古出師命將未之
有也七月詔以征遼從行及遼東平壤二道軍人戰
死者各加四級聽一子承襲分遣使人就家弔祭又
詔從軍死亡之徒恐致湮沒埋人之處宜立標榜軍
迴之日各令將還并給棺以葬焉

二十二年二月制渡遼有功之徒未授勳班而犯罪
者與成官同優之也六月令陝州刺史孫伏伽與河

南太子詹事張行成於河北涓州親見父老存撫百姓從軍之家州縣爲之營農

高宗龍朔中左武衛大將軍鄭仁泰等討鐵勒無功遣右驍衛大將軍契苾何力爲鐵勒道安撫使左衛將軍姜恪爲副以輯其餘衆其兵士道死者令所在差軍收瘞之仍蠲免其家

睿宗唐隆元年六月卽位詔諸道征鎮人家令州縣簡較

玄宗開元二年六月詔曰吐蕃小寇僻處大荒先朝外撫許其內屬結以和戎之好優以外臣之禮野心易動朝獎遄忘不度德以量力敢窺邊而犯塞薛訥等擁旌爲將按節持兵驅之逐之指期殄滅使苞桑莫繫破竹無遺實賴宗廟之靈兼資將士之力比來酬叙多歷歲年命賞踰時有乖勸善已令紫微舍人倪若水就軍叙錄卽有處分

五年五月詔曰王者制五服綏四方申畫郊畿慎固封守是乃選徒興役禦寇備邊欽若前載率繇茲道朕以薄德紹膺丕運奉天明命爲人父母永隔綏養監寐以之每念征戍良可矜者其有涉河渡磧冒險乘危多歷年所遠辭親愛吐齡應募華首未歸眷此

勞止期於折衷但積西諸鎮道阻且長數有替易難
於煩擾其鎮兵宜以四年爲限散之州縣務取富戶
丁多差遣後量免戶納雜科稅其諸軍鎮兵近日遞
加年限者各依舊以三年二年爲限仍竝不得延留
其情願留鎮者卽稍加賜物得代願往聽令復行爲
貴勞逸且均公私咸適宣布遐邇識朕意焉

九年二月詔諸府衛士役重人微旣每征行又嘗番
上言念艱辛更無是過不稍優矜何以存濟自今已
後征行及當番處衛士除公乘配手力廳事及復身
以外官人輒私抽役使宜令御史金吾按察使嚴加

按察

十二年九月詔曰爲國之道莫不欲家給人足令行
禁止而族談者苦邊疆之戎役偶語者傷戶口之凋
殘且夫懷土重遷人之嘗性離邦去里孰無其情或
委非其材或政非其要致令父不保子兄不寧弟井
邑有流離之怨道路有吁嗟之聲靜言思之良可歎
息是以晝分不食夜不安寢庶息彼弊政就此涼風
故發使車以巡郡縣其承前處置不便不利於人卽
宜當處商量隨事釐革其緣邊兵士等或遠辭鄉壤
久事戎旃饑寒而衣食不充疾病而醫藥不拯邊烽

忽警將何以堪宜令使人各親勞苦其有年齒衰暮或抱病羸弱即與軍司選擇給糧放還行人之家委州縣優卹所到宣撫稱朕意焉

十三年正月詔曰陽和布氣是物萌芽仁者用心無遺枯朽自開元元年已來諸軍兵士殞歿骸骨不歸墳壠者宜令軍使為造棺迺送本貫委州縣府助其埋殯河曲隴外往歲戰場殂歿無歸陰雨猶哭言念於此良用惻然亦委朔方隴右河西節度使聚斂骸骨就高燥處同葬祭以酒脯高大築墳使久遠標識又詔曰乘塞守邊義不可輟遠征久戍人亦告勞朕

身處九重心在四遠因時遇物無日不思停障有行役之勤室家無杼軸之用不少優惜何以為安方春發生須急農事其諸軍長征人家單貧乏無力者宜令本管州縣勸率其家助其營種使有秋望

十四年六月詔曰朕為人父母撫有海內以百姓為心恐一夫失所至於兵募尤令存卹去給行賜還給程糧以此優矜不合辛苦如聞比來兵募年滿者皆食不充腹衣不蔽形馱募什物散落畧盡既不能致便流浪不歸丁壯減耗實繇於此自今已後諸鎮兵募每准額至交替時所司預簡勸兩月前奏聞當差

御史分道簡察若涉欺隱委御史彈奏其有衣資盡者量以逃死兵衣給三兩軍使得支濟如病患者遞給驢乘令及伴侶

十五年二月命中官李善才宣慰于河南河北州縣制曰北河遭水處城旁及諸蕃投降人先令安置及州縣被差征行人家口等去年水澇漂損田苗頻遣使人所在巡撫兼令州縣倍加矜恤不知竝得安存以否今舊穀既沒新麥未登丁壯既差遠行老少慮不支濟朕身居黃屋念在蒼生每思優養無忘鑒察今故遣中使左監門衛將軍李善才重此宣慰宜令

州縣簡責有乏絕者准例給糧俾令安堵以副朕意十六年三月詔曰諸軍鎮行人家緣其身任在征戍事須優矜比來頻有處分令州縣長官存問簡較如聞每事牽挽不異居人竟不存恤是何道理宜令所司申明前後勅嚴加處分如是侵擾委御史臺採訪奏聞

十二月詔曰邊鄙未清尚須式遏既加鎮守遂勞力役朕宵衣旰食務在安人求瘼恤隱宜從簡要如聞諸軍兵募處置多乖年滿之日逃亡甚衆自今已後各委本道節度使及兵部侍郎裴光庭同簡較年終

類會文奏使健兒長鎮何以克堪可分爲五番每一
年放一番洗沐遠取先年人爲第一番周而復始每
五年共酬勲五轉

二年四月詔曰王者經畧以正區夏武夫干城式固
封域將以戢兵禁暴安國庇人朕所以選擇忠良鎮
守疆場念踐更之役有徃戍之勤備以武守示之威
惠故得夷狄款附靡然順風九有晏如四方無事雖
備豫之誠不可躋闕而鯨焚之徒思有矜憫其天下
諸州鎮兵募及健兒等或年月已久頗亦辛勤或老
疾庀羸或單弱貧窶或親老孤獨致闕晨昏言念於
斯深用矜嘆宜委節度使及軍州簡擇有如此色一
切放還咸宜精審以稱朕意

二十六年春正月親迎氣於東郊畢制曰朕每念黎
昨奠於征戍親戚多別離之怨閑山有徃復之勤何
嘗不惻隱於懷寤寐增嘆所以別遣召募以實邊軍
賜其厚賞便令長往今諸軍所召人數向足在於中
夏自可罷兵旣無金革之事足保農桑之業自今已
後諸軍兵健並宜停遣其見鎮兵並一切放還京畿
之內雜役殷繁言念劬勞豈忘優恤

二十九年詔曰諸軍行人皆遠離鄉貫扞彼疆場

卽逾年言念艱勞豈忘優恤有疾病老弱不堪閱戰者委節度揀擇放還

天寶三載正月詔曰凡在黎獻實資存恤一失生業則流痛不歸每軫于懷深可矜愍諸色當番人應送資課者宜當郡具申尚書省勾覆如身至上處勿更抑令納資致使往來辛苦從閏二月至六月已來其當上人中有單貧老弱者委郡縣長官與所繇計會便放營農

十二月制曰諸軍行人遠爲邊扞修短之外雖有定期從役而終良深軫念其有陣亡及在軍亡歿骸骨尙未還本貫者宜令節度使給其棺槨迺歸本鄉若家內無人付近親收葬仍令所繇郡縣量事優恤使得濟辦

八載閏六月上尊號大赦詔曰征鎮之役其來自久雖存素備諒在變通頃者用兵蓋非獲已今西戎摧殄北虜歸降南蠻東夷咸來稽顙亦可謂四海無事萬里廓清減戍息人思弘善貸其軍鎮兵非切要可均減者宜令本道節度使與所司商量處置聞奏其百姓有頻經鎮戍者已後差點之次不在取限
十載正月南郊詔曰京兆府及三輔三郡百役殷繁

自今已後應差防丁屯丁宜令所錄支出別郡
肅宗至德二年詔陣亡將士郡縣具棺槨瘞埋之遇
傷者特加恤養

十二月詔曰陣亡人令所在郡收骸骨瘞埋具酒食
致祭各與追贈其家給復二載

乾元元年四月甲寅詔曰陣亡人家並損免戶州縣
隨事優恤賑給

上元二年五月詔曰百司及州縣典功力役不急之
務一切並停諸軍兵健應在行營有羸老病疾不任

戰陣者各委節度使速揀擇放還路次州縣量加濟
卹諸色番役各令所司減省放其營農

代宗廣德二年二月南郊祀昊天上帝禮畢制曰自
凶孽亂嘗王室多故干戈不息今已十年軍國務繁

閑輔尤劇念茲疲耗久困徵科其京城諸司諸使應
配曠騎官散官諸色丁匠募士供膳音聲人執祭齋

郎問事掌閑魚師并諸司門僕京兆府驛丁屯丁及
諸色納資人每月摠八萬四千五十八人數內宜每

月共支二千九百四十四人仍令河東閑內諸州府
配不得偏出京兆府餘八萬一千一百一十四人並

停所須諸衛役使宜樽節定數官給資錢不得干擾

百姓又曰征人不息勤戍斯久丁壯疲弊老弱困窮
光武有言頭爲之白戢藏鋒刃牧養元元方面重臣
宜悉朕意

大曆七年十一月詔以淮南數州秋夏無雨楊洪宣
等三州作坊往以軍興是資戎器旣屬時歲大歉慮
乎人不寧居徵夫役工損費尤甚務從省約以息疲
人亦宜並停

九年四月制曰在軍將士有刀箭所傷久嬰沉疾者
戮力疆場致身鋒刃各委所繇量給藥物厚加優賞
其陣亡將士亦仰本使隨事優卹妻子各申錫賚

十二年十一月日長至帝不受朝賀以防秋將士曠
在野故也

德宗建中元年六月命給事中蔣鎮弔祠涇州將士
之戰亡者

三年二月旣誅李惟岳下詔易定深趙嘗與節觀察
管內自官軍出征所有誅戮並令州縣瘞埋勿令暴
露有家屬者並許収塋

興元元年四月帝在梁州山南地偏及夏尤熱將士
未給春服帝亦御袂服以視朝左右請御衫帝曰將
士從我者冬服未易我豈可獨衣衫乎將士聞之無

不感涕至五月諸道財賦稍至先令給將士衣服而後御衫

六月帝發興元邸七月至京師帝自發興元卽路踰月時當盛暑赫日未嘗張蓋加幅左右數以爲請帝曰從官將士皆以朕之故尙露首於赫曦之中朕寧以已之適而不同其寒暑也竟不從

貞元二年四月李希烈平詔曰淮西百姓等久經淪陷兼被傷痍想茲彫殘實足哀愍除供當道軍用之外宜給復二年將士之中不樂在軍願歸農業者委節度使刺史量給逃戶田宅并錢借貸種糧優復終身使之存濟

三年閏五月崔漢衡副渾瑊會盟吐蕃漢衡及判官鄭叔矩皆爲吐蕃所執六月辛亥詔賜崔漢衡鄭叔矩家粟布

四年正月赦書涇隴邠寧振武靈鹽銀夏官健嘗例之外每年加賜兩段

三月涇原節度劉昌以平涼盟會所亡歿將士骸骨在焉乃令聚而瘞之因感夢於昌有媿謝之意遂以上聞帝乃下詔深自剋責仍遣秘書少監孔述睿及中官以御厨饌物及內造衣服數百襲令劉昌收其

骸骨以歸分爲大將三十人將士一百人皆棺槨飲以衣服葬於淺水原置二塚其大將曰旌義塚將士曰懷忠塚詔翰林學士撰二塚誌文及祭文其日劉昌陳兵於葬所先設幕次具牢饌祖祭之禮昌及大將皆素服臨之焚其衣及紙錢千幅又立二塚題以塚名豎於道傍師人觀之莫不感泣

十五年四月詔應在城諸州軍及畿內諸縣鎮兼京西步鐸并奉天行營雜職掌所繇兼長行官健共五萬八千二百七十二人宜令所司每人賜粟一石

憲宗永貞元年八月詔曰諸道節度使團練經畧防禦等將士久執干戈式邊封畧勤勞王室深用嘉之據其優勞竝與甄錄各委本軍本使卽具各銜奏聞元和元年春正月南郊大赦天下京兆府諸司色役人各令條流簡省

十一年春正月朔不受朝賀以師在原野故也

十二年十月淮西平詔其官軍陣亡將士等審勘各銜卽與褒贈其家口委本軍優賞仍五年不停衣食其將士因戰陣傷損尤宜優異至殘廢者各委本軍厚加優恤仍勿停衣糧其陷在賊中官吏將士百姓等應節義著明無辜受戮者宜令長吏致祭収葬竝

卷之二十三
愍征役

委節度具名跡聞奏當有褒贈仍優賞其家
穆宗長慶元年七月十八日詔應經戰陣之處所在
州縣收瘞遺骸仍量事與樵積兼以禮致祭
敬宗以長慶四年正月卽位十月賜山陵持路夫絹
各二疋時蜀連雨役人饑凍頗甚至有持鋪抱簣而
死者帝聞而惻然故有賜

文宗太和二年七月賜魏博行營將士裹瘡帛一千
疋金瘡散一千貼便令奏事官押送本道

四年七月內庫出綾三千疋赴宥州賜修城將較
七年正月詔諸色工役非灼然交切者勒停

開成元年十月京兆尹薛元賞奏昆明池條造功畢
欲大爲其防上曰時方凝沍築堤可否元賞曰正當
人閑上曰王者動作必法時令不計人閑遂罷之

二年五月帝御紫宸殿宰相鄭覃李石奏襄陽殷侑
論當道防秋兵請就邊上招召徐泗薛元賞請畱舊
防秋兵二年帝曰殷侑所請邊上募兵恐不得其實
又遷動農者防秋既有年限元賞豈得苟畱念其邊
戍鄉情不可爽及瓜之信

懿宗咸通五年五月丁酉詔邕州巴西黎雋界內昨
因蠻叛互有殺傷宜令本道收拾埋瘞量設祭酬

後唐莊宗初嗣晉王位栢鄉之役日晚戰酣突陣都將遼州刺史安元信傷重帝自臨傳藥撫諭

同光元年十二月勅自十數年來累經戰陣殺傷暴露有足憫嗟其德勝寨莘縣楊劉鎮通津鎮胡柳陂戰陣之所宜令逐處差人簡收骸骨埋瘞取係省錢備酒紙招祭以慰亡魂

明宗天成元年五月丙寅差供奉官張殷祚押夏衣一萬副賜湖南行營將士

十月詔曰嫌疑之釁多起於蒼黃似是之名卒難於明辨應去年四月一日諸州府軍變內有誑誤身歿者並許子孫禮葬頃以兩軍對壘仍歲交鋒亡歿甚多暴露不少宜令滑濮鄆澶衛等州各據地界內應有暴露骸骨並與埋瘞

長興三年三月帝謂六軍副使石敬瑭曰神武馬軍就糧鞏縣昨日雨甚何不賜油衣敬瑭封曰去京師近不敢奏請帝曰百寮入朝至近尚須油衣縱與未必禦濕然表朕意耳十二月賜修雒水堤岸工徒每夫酒一升十夫共一羊癸丑帝幸龍門觀工徒修伊河石堰以羊酒賜役夫如雒堰例伊水中流榜夫墮水遣人拯之以錦袍賜之

四年二月乙丑勅倉門開河役夫數日春寒稍甚宜俟晴暖作役

十一月樞密使安重誨奏欲近南別開一河以導水計功六十萬權倩京師戶人帝曰勞役百姓不宜有此商量遂止

末帝清泰元年七月甲子詔鳳翔西面來往兵士或疾病傷損者留醫養候住行李則人給千錢勒歸本處

晉高祖天福二年十二月宣遣承旨劉貞義押風藥往軍前賜中傷將較

少帝開運二年二月乙酉勅曰契丹違天背惠猾夏淪盟無名侵犯於封疆縱暴殺傷於生聚毒流數郡怒積羣情果敗衄於漳州乃退歸於燕塞今則長驅虎旅誓滅胡塵雪萬姓之沉寃期四方之昭泰每念蕃寇經過之處邊隅陷沒之人未掩殭尸何安恨魄軫傷旣切惠澤宜加其嘗定邢洛管界蕃寇經過之處枉遭殺害無主收葬者宜令本州差大將一人所在收瘞量事祭奠訖具事以聞

漢隱帝乾祐元年四月庚辰勅青州收瘞用兵討楊光遠時骸骨癸卯勅三京鄴都諸道州府自北虜入

寇羣盜劫傷所有被殺暴露骸骨及墳墓被發掘者
並令逐處長吏據地分収拾埋瘞初契丹犯關四郊
墳墓無不發掘故有是詔

三年正月丙寅詔遣供奉官梁再筠使河中候樞使
鳳翔並爲収拾用兵時城內外殺傷餓殍遺骸令瘞
而祭之時已有僧収拾尸首至二十萬

周太祖廣順二年五月平慕容彥超於兖州詔諸軍
將士等有歿於王事者各等第給孝緡仍以本人半
分衣糧給與本家一年有親子者官中並與収錄安
排自軍使都頭已上皆與贈官九月勅兖州自逆臣

盜據多有殺傷永爲葬朽之仁式示掩骸之義宜令
樂院使黃知筠往兖州収暴露骸骨於高地爲壙埋
瘞祭奠以聞

世宗顯德元年正月赦文諸軍將士年老病患不任
征行情願歸農者本軍具以名聞給憑繇放免

四月討太原廻詔昨殺戮賊軍處四面山谷間屍首
絕多宜令逐處官吏差人収斂埋瘞勿令暴露
二年十一月以秦鳳平詔城下功役百姓爲矢石所

害致死者本戶除二稅外放免三年差徭仍賜本家
孝服絹三疋其部署人夫州縣官並與加階減選

四年二月壬戌詔諭淮南招討使李重進都監向訓
廬州行府劉重進等令於淮南管內戰陣之處收其
骸骨悉埋瘞之

三月詔曰自攻討壽州已來應有將士歿於王事者
宜差殿直劉漢卿於壽州四面收斂其屍以官物祭
奠本家仍以優給有男者量與叙用

五年五月帝以征淮南迴降德音云疾風勁草旣驗
忠誠臨難捐軀所宜旌異應淮南行營將士歿於王
事者各與贈官逐人若有親的子孫並與叙錄內有
中傷殘廢不任征行者等第給救接錢帛排難驅塲
馬革無慙於壯志遺骸暴露牛岡有軫於深仁載循
掩骼之文俾釋窮泉之恨凡經戰陣處應有暴露骸
骨仰逐處州縣收拾埋瘞淮南界內逐處墳墓有曾
遭發掘處委逐州縣差人掩閉

好邊功

聖人制兵以威天下五材並用弗可闕也然而有道
之守實在於外夷好戰之危蓋存於深戒其或中區
大定海內同軌乃復恃其富疆肆其材力采疆吏之
其言信行人之詭計貪其土地利其俘獲出師命將
窮兵黷武靡思餽運之苦罔念征戍之役以致百姓

騷動中國罷弊損多益寡得虛喪實久而迷復何救於治哉

周穆王將征犬戎犬一作狀祭公謀父諫祭畿內之國周公之後為王卿

士謀父曰不可犬戎氏以其職來王天子曰予必以

不享征之且觀之兵無乃廢先王之訓而王幾頓乎

吾聞犬戎樹敦樹一作樹一立也言犬戎立惟敦篤也率舊德而守終

純固其有以禦我矣王遂征之得四白狼四白鹿以

歸自是荒服者不至

漢武帝建元六年八月閩越王郢攻南越遣大行王

恢將兵出豫章大司農韓安國出會稽擊之未至而

越人殺郢以報恢因兵威使番禺令唐蒙風曉南粵

番音瞞風蒙歸至長安上書曰南粵王黃屋左纛言

天子之地東西萬餘里名為外臣實一州至今以長

沙豫章往水道多絕難行竊聞夜郎所有精兵可得

十萬浮船牂柯出不意此制粵一奇也誠以漢之疆

巴蜀之饒通夜郎道為置吏甚易帝許之乃拜蒙以

郎中將將千人食重萬餘人食糧度衣重也從巴苻

關入遂見夜郎侯多同多同其厚賜諭以威德約為

置吏使其子為令比之于夜郎旁小邑皆貪漢繒帛

以為漢道險終不能有也迺且聽蒙約還報迺以為

九月元... 好邊功

犍為郡發巴蜀卒治道自樊道指牂柯江蜀人司馬

相如亦言西夷邛笮可置郡使相如以郎中將往諭

皆如南夷為置一都尉十餘縣屬蜀元光四年夏發

巴蜀治南夷道作者數萬人千里負擔餽餼餽亦饋字餽古

餉字也 率十餘鍾致一石言其勞費再功重 散幣於邛樊以輯

之邛今邛州也樊今樊道縣也輯與集同謂安定也 數歲而道不通蠻夷因

以數攻吏發兵誅之悉巴蜀租賦不足以更之悉盡也更

償也雖盡租稅不足 廼募豪民田南夷入粟縣官而

內受錢於都內都內京師主藏者也大司農屬官有師內令坐也 西南夷又

數發兵興擊耗費亡功帝患之使公孫弘往視問焉

還報言其不便及弘為御史大夫時築朔方據河逐

胡弘等因言西南夷為害言通西南夷大為損害 可且罷專力

事匈奴帝許之罷西夷獨置南夷兩縣一都尉稍令

犍為自保就今自保守且修成其業犍為今嘉州縣

元朔二年春收河南南地置朔方五原郡興十餘萬人

築衛朔方既築其城又守衛之 轉漕甚遠自山東咸被其勞費

數十百鉅萬數十百萬乃至百萬 府庫竝虛廼募民能入奴婢

得以終身復為郎增秩庶人入奴婢則復終身而為郎者就增其秩也一日入奴

婢少者復終身多者得為郎舊為郎更增秩也 及入羊為郎是時主父偃盛

言朔方地肥饒外阻河蒙恬城以逐匈奴內省轉輸

成漕廣中國滅胡之本也上覽其說下公卿議皆言

不便公孫弘曰秦時嘗發三十萬衆築此河終不可

就就城也已而棄之朱買臣難誦弘遂置朔方本偃計

也

元狩元年博望侯張騫言使大夏時見邛竹杖蜀布

問安得此大夏國人曰吾賈人往市之身毒國毒音篤一

名天篤則浮屠胡是也身毒國大夏東南可數千里其俗土著

上著有謂城郭常居不隨畜牧移徙也著音直畧切其下亦同與大夏同而卑溼暑

熱其民乘象以戰其國臨大水焉以騫度之度計大也

夏去漢萬二千里居西南今身毒又居大夏東南數

千里有蜀物此其去蜀不遠矣今使大夏從羗中險

羗人惡之少北則為匈奴所得從蜀宜徑又無寇徑宜

也宜猶當也從屬天子既聞大宛及大夏安息之屬

皆大國多奇物所著頗與中國同俗而兵弱貴漢財

物其北則大月氏康居之屬兵疆可以賂遺設利朝

也設使也施者以利誘令入朝誠得而以義屬之謂不以兵革則廣地

萬里重九譯致殊俗威德徧於四方天子欣欣以騫

言為然廼令因蜀為發問使四道竝出問使者求問隙而行出

驍出柞出徙邛出焚皆夷名驍音龍柞材各切徙音斯焚蒲北切皆各一

二千里其北方閉氏柞漢使見閉于夷也南方閉雋

九月大善好邊功

昆明

嵩昆明亦皆夷種名也雋先樂切

昆明之屬無君長善寇盜輒

殺畧漢使終莫得通然聞其西可千餘里有乘象國

名滇越

滇音顛滇馬出其國

而蜀賈間出物者或至焉

謂私往

者於是漢以求大夏道始通滇國時吏士爭上書言

外國奇怪利害求使天子為其絕遠非人所樂聽其

言

人皆不樂去故有自謂為使者即聽而遣之

予節募吏民無所從來

不為

限禁遠近雖家人私隸並許應募

為其備人眾遣之以廣其道來還

不能無侵盜弊物及使失指

乘天子指意

天子為其習之

輒覆按致重罪

言其申習不以為難必當敬求充使地

以激怒令贖

令贖

功以贖罪

復求使使端窮而輕犯法其吏卒亦輒盛推國

所有言大者予節言小者為副故妄言無行之徒皆

爭相劾其使皆私縣官齎物

言所齎官物竊自甲之司于私者

欲賤

帝以私其利

所帝之物得利多者不盡人官也

外國亦厭漢使人人

有言輕重

漢使言于外國人人輕重不實

度漢兵遠不能至而禁其

食物以苦漢使

令其困苦也

漢使乏絕匱怨至相攻擊樓

蘭姑師小國當空道

空即凡也

攻劫漢使王恢等尤甚而

匈奴奇兵又時時遮擊之使者爭言外國利害

言服之則

利不討則為害

皆有城邑兵弱易擊於是天子遣從票侯趙

破奴將屬國騎

謂外國屬漢者

及郡兵數萬擊姑師王恢鼓

為樓蘭所苦帝令恢佐破奴將兵破奴與輕騎七百

好邊功

人先至虜樓蘭王遂破姑師因暴兵威以動烏孫大

宛之屬暴謂顯還封破奴為浞野侯恢為浩侯於是

漢列亭障至玉門關矣玉門關龍勒界而大宛諸國發使隨

漢使來觀漢光大以大鳥卵及黎軒眩人獻於漢鳥

大如汲水之甕眩讀與幻同卽今吞刀吐火植瓜種樹屠人截馬之術皆是也天子大悅

太初元年八月遣貳師將軍李廣利發屬國六千騎

及郡國惡少年數萬人伐宛期至貳師城取善馬故

浩侯王恢使道軍既西過監水當道小國各堅城守

不肯給食攻之不能下下者得食不下者數日則去

北至郁成士財有數千北音必寐切財與才同皆饑罷罷讀日疲攻

郁成城郁成距之所殺傷甚衆貳師將軍與左右計

至郁成尚不能舉况至其王都乎失利而還往來二

歲至敦煌士不過什一二十人之中一二人得還使使上書言

道遠多乏食且士卒不患戰而患饑人少不足以拔

宛願且罷兵益發而復往益多也天子聞之大怒使使

遮玉門關曰軍有敢入斬之貳師恐因留屯敦煌其

夏漢亡浞野之兵二萬餘於匈奴趙破奴後封浞野侯浞音士角切

公卿議者皆願罷宛軍專力攻胡天子業出兵誅宛

小國而不能下則大夏之屬漸輕漢而善馬絕不來

烏孫輪臺易苦漢使易輕也輪臺亦國名為外國笑迺案言伐

好邊功

宛尤不便者鄧光等案其罪而行罰赦囚徒扞寇盜使從軍為斤

發惡少年及邊騎歲餘而出敦煌六萬人與發部署歲餘乃行

負私從者不與負私糧食及私從者不在六萬人數中也與讀曰豫牛十萬馬

三萬匹驢索駝以萬數齎糧兵弩甚設設張甚具也天下

騷動轉相奉伐宛五十餘較尉宛城中無井汲城外

流水於是遣水工徙其城下水空以完其城空孔也從其城

下水者令從也道流不迫其城也空以完其城者圍而攻之令作孔使穿完也下云决其水原移之又大

圍其城攻之皆再叙其事也曰既徙其水不令益發千城下流而因其舊引水入城之孔攻而完之

甲卒十八萬酒泉張掖北置居延休屠以衛酒泉立

縣以衛邊也或曰置二部都尉而發天下七科適適讀及載糒給貳

師音備轉車人徒相連屬至敦煌而拜習馬者二

人為執驅馬較尉習便也一人為執馬較尉一人為驅馬較尉備破宛擇

取其善馬云於是貳師後復行兵多所至小國莫不

迎出餼給軍至輪臺不下數日屠之自此而西平行

至宛城平行言無宛難兵到者三萬宛兵迎擊漢兵漢兵射

敗之宛兵走入保其城貳師欲攻郁成城恐留行而

令宛益生詐留行謂留上軍廢其行迺先至宛决其水源移之

則宛固已憂困圍其城攻之四十余日宛貴人謀曰

王毋寡匿善馬殺漢使毋寡宛王名今殺王而出善馬漢

兵宜解即去迺力戰而死未晚也宛貴人皆以為然

冊帝王部

共殺王其外城壞虜宛貴人勇將煎靡宛之貴人為將而勇者名

煎靡也宛大恐走入中城相與謀曰漢所為攻宛以王

毋寡持其頭遣人使貳師約曰漢無攻我我盡出善

馬恣所取而給漢軍食即不聽我我盡殺善馬康居

之救又且至我居內康居居外與漢軍戰孰計之何

從今二師熟計之而欲攻戰乎欲不攻而取馬乎是時康居候視漢兵尚盛

不敢進貳師聞宛城中新得漢人知穿井而其內食

尚多計以為來誅首惡者毋寡頭已至於此不許則

堅守而康居候漢兵罷來救宛破漢軍必矣罷讀軍日疲

吏皆以為然許宛之約宛廼出其馬令漢自擇之而

多出食食漢軍下食讀日飲漢軍取其善馬數十匹中馬

以牝牡三千餘匹而立宛貴人之故時遇漢善者名

昧蔡為宛王昧音本未之未祭音千骨切與盟而罷兵終不得入

城中罷而引歸賈捐之曰武帝元狩中太倉之粟紅

腐而不可食粟久腐壞則色紅赤也都內之錢貫朽而不可較

計也廼探平城之事追計其事故言探錄冒頓以來數為邊害

厲兵馬因服民以攘服之攘却也西連諸國至于安息

東過碣石以玄菟樂浪為郡樂音落浪音郡北卻匈奴萬里

更起營塞制南海以為八郡則天下斷獄萬數民賦

數百造鹽鐵酒榷之利以佐用度猶不能足當此之

時寇賊竝起軍旅數發父戰死於前子鬪傷於後女

子乘亭鄣孤兒號於道老母寡婦飲泣巷哭

淚流被面以入

干口故言飲泣也

遙設虛祭想魂乎萬里之外淮南王盜寫

虎符陰聘名士關東公孫勇等詐爲使者是皆靡地

秦大征伐不休之故也

後魏太武神麴二年練兵于南郊將襲蠕蠕公卿皆

不願行保太后固止帝皆不聽唯太嘗卿崔浩贊成

帝從浩計而行帝緣粟水西行過漢將竇憲故壘平

城三千七百餘里分軍搜討東至瀚海西接張掖水

北渡燕然山東西五千餘里南北四千里

隋煬帝大業三年令羽騎尉朱寬入海求訪異俗海

師何蠻言每春秋二時天清風靜東望依稀似有煙

霧之氣亦不知幾千里遂與蠻俱往因到流求國言

不相通掠一人而返明年帝復令寬慰撫之流求不

從取其布甲而還時倭國使來朝見之曰此夷邪乃

國人所由也帝遣武賁郎將陳稜朝請大夫張鎮州

率兵自義安浮海擊之至高華嶼又東行二日至麗

甓嶼又一日便至流求初稜將南方諸國人從軍有

崑崙人頗解其語遣人慰諭之流求不從拒逆官軍

稜擊走之進至其都頻戰皆敗焚其宮室虜其男女

數千人載軍實而還自爾遂絕

五年五月吐谷渾王率衆保覆袁州帝分命將擊之
六月癸卯大升拔谷山路隘險魚貫而出風霰晦曠
與後宮相失士卒凍死者大半

八年正月親征高麗大軍集于涿郡摠管一百一十
萬三千八百號二百萬其饋運者倍之三月帝御師
于遼水四月進遼東時諸將各奉旨不敢赴機旣而
高麗各城守攻之不下六月己未幸遼東責怒諸將
止城西數里御六合城七月壬寅宇文述等敗績于
薛水右屯衛將軍辛世雄死之九軍竝陷一日一夜
還至鴨渌水行四百五十里初度遼九軍三十萬五
千人及還至遼東城唯二千七百旣班師敗將宇文
述于仲文等除名爲民斬尚書右丞劉士就以謝天
下

九年正月徵天下兵募民爲驍果集于涿郡復宇文
述等官爵又徵兵討高麗四月庚午車駕度遼壬申
遣宇文述楊義以趣平壤六月禮部尚書楊玄感反
於黎陽遂逼東都兵部侍郎斛斯政奔于高麗帝乃
班師

十年二月詔百寮議伐高麗數日無敢言者遂下詔

親征三月壬子行幸涿郡四月甲午次北平七月甲子高麗遣使降囚送斛斯政帝大悅遂班師初帝以天下承平日久召募行人分使絕域諸番至者厚加禮賜有不恭命以兵擊之盛興屯田於玉門柳城之外課天下富實益帑武馬正直十餘萬坐而凍餒者十家而九

唐太宗貞觀十八年二月謂侍臣曰莫離之賊弑其主盡殺大臣用刑有同坑竄百姓轉死怨痛在心道路以目夫出師弔伐須有其名因其弑君虐下取之甚易也十九年命刑部尚書張亮爲平壤道行軍大

摠管領將嘗何等率江淮嶺硤勁卒四方戰船五百艘自萊州汎海趨平壤又以特進英國公李勣爲遼東道行軍大摠管禮部尚書江夏王道宗爲副領將軍張仕貴等率步騎六萬趨遼東兩軍合勢太宗親御六軍以會之後張亮與高麗再戰於建安城下皆破之及道宗遣果毅都尉傅伏愛領隊兵於山頂以防敵土山自高而陟排其城城隙會伏愛私離所部高麗百人自頽城而戰遂據有土山而塹斷之積火縈排以自守固太宗大怒斬伏愛以徇命諸將擊之三日不能克太宗以遼東倉儲無幾士卒寒凍乃詔

班師

二十二年又遣右武衛大將軍薛萬徹等往青丘道伐之萬徹渡海入鴨淶水進破其泊灼俘獲甚衆太宗命江南造大船遣陝州刺史孫伏伽召募勇敢之士萊州刺史李道裕運糧及器械貯於烏湖島將欲大舉以伐高麗不果行初太宗征高麗雖有功所損亦甚謂左右曰使復有魏徵在必無此行

高宗嗣位又命兵部尚書任雅相左武衛大將軍蘓定方左驍衛大將軍契苾何力等前後討之皆無大功而還

乾封元年十一月命英國公李勣爲遼東行軍大總管率裨將郭待封等以征高麗總章元年十一月拔平壤

冊府元龜

冊府元龜

巡按福建監察御史臣李嗣京 訂正

分守建南道左布政使臣胡維霖 參閱

知建陽縣事 臣黃國琦較釋

帝王部 一百三十六

慰勞

周禮小行人之職國師役則犒之所以省郵罷勞激
勵壯武也詩云我姑酌彼金壘維以不永懷又以均
錫宴飲昭示慈惠也自小雅之作厥義彌著施及後
世斯可槩舉若乃遣帥徂征宿兵在野邊候方警戍

守斯久迨夫弔伐弭寧振旅凱入則必親迓戎輅巡省和門亦復臨遣將臣申諭恩旨是古者撫士慰下勞還勤歸之道也至於敦諭反側綏懷寇亂安輯降附案覆註累咸政之大者良可述焉

周文王爲西伯之時以殷王之命命將率遣戍役以守衛中國故歌采薇以遣之出車以勞還杖杜以勤歸又使臣以王事往來於其職於其來也陳其勤苦以歌樂之故作四牡詩

漢高祖初爲漢王二年十一月自廣武之間西入關至櫟陽存問父老置酒留四日復如軍

文帝六年匈奴大入邊以宗正劉禮爲將軍軍霸上祝茲侯徐厲爲將軍軍棘門以河內守周亞夫爲將軍軍細柳以備胡帝自勞軍

魏明帝景初二年司馬宣王爲太尉帥師討公孫文懿于遼東旣平天子遣使者勞軍于薊

齊王正始二年司馬宣王破吳軍追至三州口斬獲萬餘人收其舟船軍資而還天子遣中嘗侍勞軍于宛

嘉平三年司馬宣王帥中軍至其城縛王凌以歸京師天子遣侍中常誕持節勞軍于五池

高貴鄉公甘露元年七月安西將軍鄧艾大破蜀大將姜維於上邽詔曰兵未極武醜虜摧破斬首獲生動以萬計自頃戰克無如此者今遣使者犒賜將士大會臨饗飲宴終日稱朕意焉

陳留王卽位使侍中衛瓘慰勞河北

晉武帝太康元年三月龍驤將軍王濬平吳詔遣使者犒濬軍又遣兼侍中張側黃門侍郎朱震分使楊越慰其初附

穆帝永和十年桓溫北伐進至霸上符健以五千人深溝自固居人皆安堵復業持牛酒迎溫於路者十八九耆老感泣曰不圖今日復見官軍初溫恃麥熟取以爲軍資而健芟苗清野軍糧不屬收三千餘口而還帝使侍中黃門勞溫于襄陽

海西公太和四年桓溫北伐至枋頭爲慕容垂所敗溫甚耻之歸罪于袁真表廢爲庶人真怨溫誣已據壽陽以自固潛通符堅慕容暉帝遣侍中羅含以牛酒犒軍于山陽使會稽王昱會溫于涂中

簡文咸安二年詔曰吾承祖宗洪基而昧于政道懼不能允釐天工克隆先業夕惕惟憂若涉泉水賴宰輔志德道濟伊望群后竭誠協契斷金內外盡翼贊

之規文武致匪躬之節與因斯道終克弘濟每念干戈未戢公私疲悴藩鎮有疆理之務征戍懷東山之勤或白首戎陣忠勞未叙或行役彌久擔石靡儲何嘗不昧旦晨興夜分忘寢雖未能撫而巡之且欲達其此心可遣大使詣大司馬并問方伯逮于邊戍宜詔大饗求其所安又籌量賜給悉分周普

孝武大元八年謝玄謝琰桓伊等破苻堅詔衛將軍謝安勞旋師于金城

後魏孝文太和十七年十二月帝罷南伐巡省六軍宣武正始三年四月詔遣使者巡慰北邊酋庶

永平元年鎮北將軍李坪討京兆王愉於興州既平宣武遣兼給事黃門侍郎秘書丞元梵宣旨慰勞

孝明孝昌元年徐州刺史元法僧叛入于梁梁遣其豫章王蕭綜入據彭城時安豐王延明爲大都督大行臺率臨淮王彧等衆軍討之既而蕭綜降附徐州清復遣散騎常侍常景兼尚書持節馳與行臺都督觀機部令時尚書令蕭寶寅都督崔延伯都督北海王顥都督車騎將軍元嘗芝等並各出持詔詣軍宣旨勞問

又撫軍將軍兼行臺尚書源子雍破賊大破蕭寶寅

仇單步胡提于曲沃堡帝璽書勞勉之子雍在白水郡復破阿非軍于白水郡多所斬獲詔遣侍中尚書令城陽王徽於潼關宣旨慰勞

廢帝普泰初以李裔為持節散騎嘗侍安北將軍兼給事黃門侍郎慰勞山東大帥

出帝永熙三年五月丁酉帝幸華林都亭集京城都督及軍士三千餘人慰勉之

後周太祖為西魏相國大統八年十月北齊神武以衆攻玉壁城晉州刺史常孝寬拒之苦戰六旬神武

夜遁太祖嘉孝寬功令殿中尚書長孫紹遠左丞相王悅至玉壁勞問授驃騎大將軍

武帝保定四年十月詔大冢宰護等伐齊丁卯幸沙苑勞師癸酉還宮

建德五年東伐十二月次於晉州初齊攻晉州恐王師卒至於城南穿塹自喬山屬於汾水庚戌帝帥諸

軍八萬人置陣東西二十餘里帝乘嘗御馬從數人巡陣處分所至輒呼主帥姓名以慰勉之將士感見

知之恩各思自勵 隋煬帝以仁壽四年即位八月并州總管漢王諒反

詔左僕射楊素并州道行營總管討平之帝遣素弟

脩武公約齋手詔勞素曰我有隋之御天下也于今二十有四年雖復外夷侵叛而內難不作脩文偃武四海晏然朕以天不銜恤在疚號天叩地無所逮及朕本以藩王謬膺儲副復以庸虛纂承鴻業然天下者先皇之天下所以戰戰兢兢弗敢失墜况復神器之重生民之大哉賊諒包藏禍心自幼而長羊質虎皮假託名譽不奉國諱先圖叛逆違君父之命成莫大之罪誑惑良善委任姦回稱兵內侮毒流百姓私假署置擅相謀戮小加大少凌長民怨神怒衆叛親離爲禍不同同歸於亂朕寡兄弟猶未忍言是故關關門而待寇戢干戈而不發朕聞之天生蒸民爲之置君仰惟先旨每以子民爲念朕豈得枕伏苫廬而不救也大義滅親春秋高義周旦以誅二叔漢祚乃戮七藩義在茲乎事不獲已是以授公戎律問罪大原且逆子賊臣何代不有豈意今者近出家國所歎荼毒甫爾便及此事繇朕不能和兄弟不能安養生德澤未弘兵戈先動賊亂者止一人塗炭者乃衆庶非唯寅畏天威亦乃孤負付屬薄德厚耻愧乎天下公乃先朝功臣勲庸克茂至如皇基草創百物惟始便匹馬歸朝誠識兼至汴部鄭州風捲秋蓬荆

塞北若火燎原早建殊勳夙著誠節及獻替朝端
 瞻惟允爰弼朕躬以濟時難昔周勃霍光何以加也
 賊乃竊據蒲州關梁斷絕公以少擊衆指期平殄高
 壁據嶮抗拒官軍公以深謀出其不意霧廓雲除水
 消瓦解長驅北邁直趣巢窟晉陽之南蟻徒數萬言
 不量力猶欲舉斧公以稜威外討發憤於內忘身殉
 義親當矢石兵刃斃加魚潰烏散僵屍蔽野積甲若
 山諒遂守窮城以拒鉄鉞公董率驍勇四面攻圍使
 其欲戰不敢求走無路智力俱盡面縛軍門斬將塞
 旗伐叛柔服元惡旣除東夏清晏嘉庸茂績於是乎
 在昔武安平趙淮陰空齊豈若公達而不勞速而克
 捷者也朕殷憂諒闇不得親御六軍未能問道於上
 庠遂使劬勞於行陣言念於此無忘寢食公乃建累
 世之元勳執一心之確志古人有言曰疾風知勁草
 世亂有誠臣公得之矣方乃銘之嘗鼎豈止書勳竹
 帛哉功之克諧哽歎無已稍令公如宜軍旅務殷殊

當勞慮故遣公弟指宣往懷迷塞不次

素上表陳言曰臣自惟

薄志不及表州郡之下敢憚劬勞卿相之榮無階觀
 望然時逢昌運王業維始涓流赴海誠心屢竭輕塵
 集嶽功大人微徒以南陽里閭凡沛子弟高位重爵
 榮顯一時遂復入處端赴揔戎侍受文武之任預惟
 幄之謀豈曰才能實繇恩澤欲報之德義極昊天伏
 惟陛下紹重日之明養繼天之德收臣於踈遠臣

以光輝南服入就道之書春宮奉肅成之旨然草木無心尚榮枯候時况臣有心寔自効無路晝夜迴徨寢食怵惕嘗恐朝露奄至虛負聖慈賊諒包藏禍心有自來矣因幸國衰便肆凶逆與兵晉代播蕩山東陛下拔臣於日流授臣以戎律蒙心腹之寄稟平亂之規蕭王赤心人皆為死漢皇大度天下爭歸妖寇廓清豈臣之力曲蒙使臣弟約齋詔書問勞高旨陵筆有若天臨洪恩大澤同于海運雖百殞無以自酬

唐高祖初為唐王隋義寧二年四月勞東都旋師於長樂宮

武德元年十月遣右武侯大將軍龐玉率師西討帝幸開遠門勞將士而還

十一月秦王征薛仁果凱旋帝享勞旋師

三年四月秦王平并州帝遣司農卿韋雲起勞軍

四年三月益州道行營僕射竇軌率兵擊東都帝引其將較五百人宴賜而遣之

四月皇太子討張長遜迴班師帝於玄武門宴勞將士賜帛各有差

五月王世充降遣尚書右僕射裴寂持節勞軍又遣侍中陳叔達齎百牢上罇酒醺勞秦王於近郊

五年十二月皇太子建成與劉黑闥戰於魏州城下破之黑闥抽軍北遁詔尚書右僕射裴寂馳往勞之

六年十月秦王屯并州以備突厥及班師帝迎勞於忘武頊

太宗貞觀十六年遣安西都護郭孝恪伐焉耆虜其王齒龍突騎帝大悅璽書勞之曰知破焉耆虜其傷王功立威行深副所委但焉耆絕域地阻天山特遠憑深敢懷叛逆卿望崇位重報效情深遠涉沙場躬行罰罪取其堅壁曾不崇朝再廓遊魂遂無遺寇緬思竭力必大艱辛超險成功深足嘉尚

十九年帝征遼二月李勣所領之衆頓於幽州詔遣通事舍人盧師讓齎璽書詣軍中勞勉之將士咸悅二十年六月平薛延陀詔曰朕聞獯獫強暴歷代憑凌結晦關都凝氣大漠家山宅野時獸聚而禽分慕義廬檀乍蠡屯而集塞退因利飽進爲財饑前王弊其貪殘中夏憚其薦食然而三策知慮非爲禦寇之方千里長城豈謂靜邊之計故以百王靡服千古不寘種落實繁姦革孔熾武德之際飲馬渭濱貞觀之初敢恣凌逼朕載懷慷慨命將出師旗鼓一臨沙漠大定雪涇陽之周耻報白登之漢讐截瀚海以開池籠天山而築苑其餘醜類自己羈糜勞我邊旰軫余遐念將奮鈇鉞受命上玄延陀惡積禍盈今日夷滅醜徒內潰凶黨外離契苾迭款來降其餘相率歸附唯僕骨同羅猶懷假息水消電碎匪夕伊朝豈朕威

思所懷故乃蒼旻之惠觀賊此勢何能自全今不乘機恐貽後悔故欲暫往靈州親自招撫安邊靜亂下固畛基一軌同文永弘家業使萬里之外不有半烽百郡之中猶無一戍永絕鎮防之役豈非黎元樂見雖復去歲東征士馬倦勞甫施京邑曾未踰年今秋復行理多疲頓但以良藥苦口非病者甘之而人必焉思去膏肓之疾私種弊力豈農夫樂耘而必履之求其倉庫之益斯皆忍小惡而成大美就輕害而得殊功朕積疾累時今尚虛憊必欲牽疴就路以赴天機百辟士庶幸勿辭也遼東從兵皆不差發布告天下悉朕意焉

二十二年三月庚戌遣通事舍人常燁往使歸兵道行軍宣慰士衆是年右武侯將軍梁建方擊松外蠻破之其帥盛遂稽六請降遣首領十人來謁軍門建方振旅而還及至帝勞其勤苦賜以上駟

高宗永徽四年十月以睦州女子陳碩真率衆反楊州長史房仁裕平之詔刑部尚書唐臨馳傳案覆被誑誤者悉免之人吏爲賊所殺者官爲殯斂

龍朔元年遼東道行軍總管蘇定方拔百濟之貞都城其王義慈來降遣左衛郎將王文庶齎璽書慰勞

定方已下將士及百濟百姓各令安堵如舊有才者
節級錄用若能便經畧高麗者委定方揀擇將士可
否聞奏

玄宗開元三年三月遣兵部員外郎王上客刑部員
外郎楊欽明等分往諸軍宣慰將士

四年十二月命衛尉少卿李暉齋璽書慰勞朔方降
戶

九年九月詔曰如聞鹽夏兩州百姓及六州胡等被
胡賊殺掠宜令御史韓朝宗皇甫翼齋書分往慰問
便復損數其被損之家務令存恤應須給貸蠲免量
事處置訖迴日奏聞

十二年七月以黔州道招討使內侍楊思勗討溪州
賊帥有功特加輔國大將軍兼內侍祿俸防閣一事
已上並依品級宴思勗以下立功將士於朝堂謂曰
蠻夷不道賊害平人卿等竭誠一舉而定窮深盡險
罔不率從往返若飛當甚勞弊各賜卿少物宴畢領
取

十五年涼州都督王君奭破吐蕃凱旋詔置酒朝堂
宴之及將士等並賜物有差帝謂君奭及將士等曰
吐蕃小醜敢懷逆命趣窺亭鄣以逞凶狂卿等智勇

夙彰軍威克振終整旗鼓屢翦渠魁深入寇庭官
勞耳

十六年二月乙未令朔方節度副大使左金吾大將
軍信安郡王禘宣慰嶺南

二十六年十月壬申命侍御史陳繇使于劔南安戎
城宣慰將士勅曰吐蕃醜類背約孤恩卿等同族危
讐爲國展效深入賊境久冒難危至於勤勞豈不知
委頃聞在彼小有喪敗卿等非不盡力自是主將無
謀古之用兵在於責帥王昱緣此亦已貶官卿等但
須悉心不可因茲阻氣遞相激勵以保功名戰亡之
人深可憫惜並申弔祭用慰幽魂其病醫及陣亡之
家宜委陳繇與州縣相知優恤

天寶十四年十一月命榮王琬爲元帥東征安祿山
帝御勤政樓宴將士

肅宗至德元年十月皇弟穎王璩陳王珪自蜀至上
皇有詔慰問朝臣及將士等

代宗寶應元年冬以初平河朔拜宗正少卿李涵左
庶子兼御史中丞河北宣慰使

廣德二年正月以尚書右丞顏真卿爲刑部尚書兼
御史大夫充朔方宣慰使

永泰元年七月遣尚書左丞李涵以本官兼御史大夫于河北道宣慰

大曆二年九月詔曰河朔一隅地方千里外捍夷狄內輔成周撫勤王之師脩任土之貢顧其方鎮可謂崇重眷我侯伯實有勲勞且將相朕之股肱兆庶君之支體事同休戚寧忘鑿寢思撫巡而未獲念征鎮而未懷爰命宗臣往申旨諭銀青光祿大夫行尚書左丞襄武縣開國公李涵朕之茂親腹心攸寄純固所以致命文質所以經邦溫恭禮讓誠信易直勵匪躬之節秉憂國之心美其公才當所委任再令宣撫皆合事宜旣述慊誠之詞兼陳理化之績慰我憂念意甚嘉之今秋冬在候徃戍勤止將較有介冑之勞黎元有稅賦之役代予親問詔爾使臣仍兼副相之勞式重登車之務可兼御史大夫充河北宣慰使三年六月命兵部侍郎李涵兼御史大夫充河北道宣慰使以幽州之難故也

六年八月命左散騎嘗侍孟皞使河北道宣慰

八年八月辛未幽州盧龍節度觀察等使簡較左散騎嘗侍幽州大都督府長史朱泚遣弟滔領防秋兵馬五千騎至自幽州詔發六軍將士千餘騎逐於國

門許便道繇皇城南面出開遠門赴涇州行營命有司大置酒于開遠門宴慰遣之騎卒精銳冠絕諸軍道路觀者如堵

十年正月命內侍孫知古使于魏州宣慰因曉示田承嗣各守封疆

德宗建中四年三月遣太子太師顏真卿宣慰淮寧節度李希烈

十二月帝在奉天加給事中孔巢父兼御史大夫淄青宣慰使以潼關防禦鎮國軍使華州刺史董晉爲國子祭酒兼御史大夫河北宣慰使

興元元年正月帝在奉天以兵部員外郎李克兼御史中丞鎮興宣慰使

四月帝在梁州以屯田郎中沈房爲太嘗少卿兼御史中丞諸蕃計會及安西北庭宣慰使

六月乙巳詔曰朕獲承先顧付以大器懼德不類貽列聖羞虔恭惕厲罔敢暇逸將期布令齊一致俗和平然而誠信未孚衆心遂阻理化乖當百度失中君臣之間鬱埋不達致寇雖深於罪已與戎尚昧于省躬思靖亂以濟人反勞師而黷武行者被殺傷之苦居者重齋送之勤四海騷然靡有寧處京邑之下轉

軸亦空環列之中徵發靡息畧內以勤遠居安而忘
危賊臣誘姦乘間竊發豺狼穢于官闕士庶陷于塗
炭作威肆毒仇視我人萬姓嗷嗷呼天無告有隕路
以抗節有脅從以假命且一夫不獲辜實在予况君
臨萬邦作人父母旣不克以覆育又從而咎之其心
愧耻一食三歎出舍內省介于梁岷庶乎有瘳以荅
譴戒皇天悔禍社稷降靈腹心爪牙奮謀宣力元惡
稔慝脫身遁逃餘孽拒威所向摧殄掃氛沴而闢閭
闔翦鯨鯢以清郊原函夏載寧室家相慶非我將相
夾輔王室卿士交脩予遠軍旅協心畢命盡敵豈伊
寡昧克復興運戡定大難念之感懷宜令吏部侍郎
班宏克宣慰使勞問將士撫諭蒸黎必躬必親如朕
臨蒞朕整飭法駕即日還京策勲行賞大報忠烈銘
功百代與國同休然後請罪祖宗不敢自蔽宣布中
外明朕意焉

七月命給事中兼御史大夫孔巢父宣慰于河東諸
軍

貞元元年六月以兵部侍郎李紆宣慰于河東諸軍
中書舍人齊映宣慰于朔方河中同絳陝虢等州諸
軍兵部尚書崔漢衡宣慰于幽州

二年四月淮西李希烈平命尚書左丞鄭叔則往淮
西宣慰詔曰自希烈叛命于今五年王澤不通下情
亦沮所宜宜我信命以釋危疑敷我惠和以慰傷瘵
滌清汙俗咸與惟新底綏一方以稱朕意

十六年七月以徐州張建封卒其子悛爲將較所追
俾領軍務詔擇臨難不攝者卽其軍以諭之遂命吏
部員外郎李鄘爲宣慰使

憲宗元和元年正月庚午詔萬年縣令薛彤赴彰義
軍宣慰

二年八月戊寅命給事中房式充幽州成德義武等
軍宣慰使時三節度劉濟王士貞張茂昭各持宿嫌
交惡聞於朝故有是命

四年八月命京兆少尹裴武宣慰於鎮州

十二月以太府卿鄧泳爲東道行營諸軍宣慰使左
武衛大將軍田景度爲北道行營諸軍宣慰使
十年正月丙戌以左羽林軍李文通爲左金吾衛將
軍兼御史中丞充壽州宣慰使

十一年五月丁亥易定節度使渾鎬以累敗承宗之
衆上聞卽日命使宣勞

六月庚子命給事中柳公綽宣慰于淄青右補闕張

宿爲判官命宣慰于宋陳許河陽行營
八月命尚書右丞許孟容宣慰汴宋陳許河陽行營
諸軍

十一月己巳命比部員外郎張宿宣慰隨唐等州軍
十三年正月庚寅命諫議大夫張宿往淄青宣慰李
師道以起居舍人唐敬休爲副宿至東都暴卒命左
嘗侍李遜宣慰于淄青仍依前以唐敬休副之
十四年二月壬戌魏博田弘正奏淄青兗鄆十二州
平詔戶部侍郎楊於陵以本官兼御史大夫充淄青
宣撫使

六月癸酉制曰周禮政官之屬掌導王志以巡天下
之邦國六郡統臨二庭縣邈居必申儆動當懾懷自
頃東夏有虞近郊多壘沙朔之外剪爲寇戎亭障烽
櫓之嚴遐張塞下使譯道途之要遠屬湟中今妖氛
甫清師旅方息思欲肅關隴之右地制昆夷於盛秋
而慮師無見糧卒有虛籍乏守禦之全備積愁歎之
餘音臨軒永懷宜俾宣導非夫忠良練達文武兼資
信厚足以得人心恪恭足以奉王事則何以膺茲選
任布我憂勞至於問戍役之勤詳山澤之要稽軍實
之名數計餽餉之盈虛宿弊有未除衆情有未達兵

機虜態一以上聞與在此行所至循拊宜令左金吾衛大將軍兼御史大夫胡証充京西北巡邊使所經過州鎮與節度防禦使刺史審量利害具事實聞奏因程异之請也

穆宗以元和十五年正月卽位二月命監察御史楊虞卿盧周仁高銖路群分往京西北監賞設將士十月成德軍節度王承宗卒弟承元密獻忠款命起居舍人栢耆往鎮州宣慰

十一月命諫議大夫鄭覃往鎮州宣慰以起居舍人王璠副之

長慶元年正月丁巳以京兆府司錄參軍温造爲太原鎮州等道宣慰使以王承元請入朝也

二月辛未命給事中韋弘景爲容州邕州安南宣慰使監察御史杜周士副焉

九月辛亥遣太子中允兼侍御使李察往幽州宣慰二年正月命太子中允李察宣慰深州及魏博行營以鎮州兵亂殺節度使田弘正而牛元翼不從亂固守深州也

二月詔雪鎮州王廷湊仍令兵部侍郎韓愈充宣慰使又命戶部郎中崔護宣慰于昭義軍時劉悟爲昭

義節度監軍劉承偕頗恃恩權嘗對衆辱悟又縱其
下以亂法悟不能平異日有中使至承偕宴之請悟
悟欲往左右皆曰往則必爲其困辱矣軍衆因亂悟
不止之遂擒承偕至牙門殺其二僉欲并害承偕悟
救之獲免故有慰撫之命

七月甲寅命司勳郎中崔護均王府長史李彥璋分
往昭義魏博兩道宣慰又以汴州李齊叛命光祿少
卿李察宣撫汴州

文宗太和元年十一月天平橫海等軍節度使烏重
裔奉命吳守志宣慰鄆州仍領繒帛五萬疋就賜軍
士以鄆帥新歿撫而安之也

二年二月辛亥命司封郎中王彥魏博宣慰

五月命左散騎嘗侍馮宿往河南道行營宣慰以滄
州李同捷拒命而諸軍進討也

七月命諫議大夫柏耆往昭義宣慰

十二月又命柏耆往魏博宣慰仍與河陽滑州計會
發軍便以兩處兵勢曉喻魏博將士令知赴救之師
四面皆至

三年正月命鴻臚卿張賈往昭義魏博宣慰

三月命諫議大夫柏耆往德州城下宣慰

五月命給事中崔瑄往幽州宣慰中書舍人常詢往
德州宣慰

四年正月勅諫議大夫崔戎宜充劔南西川宣撫使
以南蠻入寇也

二月興元三軍作亂節度使李絳及家並被廢置訖
命給事中崔瑄充山西道宣慰使戶部員外郎嚴審
爲副又命中使先義逸赴興元宣慰

武宗會昌三年七月以御史中丞李回使幽鎮魏三
道時中書奏云秋氣已至將議進軍幽州須早取可
汗鎮魏須速平劉楨各要遣使諭旨兼探三鎮軍情
今日延英面奉聖旨欲遣張賈充使臣等商量張賈
幹濟有才甚諳軍中體勢然性氣稍直慮不安帖恐
不如且輟李回充使若以臺綱不可暫闕卽兵部侍
郎鄭淮久充戎鎮判事精敏雖無詞辨言亦分明官
重事閑最似相稱帝乃以李回使焉

昭宗乾寧二年十二月以前大理卿李焄爲黔中宣
慰使制曰將我詔命使于四方必惟其人矧乃舊服
咨于輔相僉曰汝諧用之不疑行矣思濟李焄國朝
名相之令嗣也文行器業雅有家風政事規爲克紹
先志踐履函便於中外練達深得其本根頃鎮黔江

洽聞善政四年問俗五郡懷仁恩信被於昆夷盛名
振於縣道尋移旌蓋往理桂林載揚休聲屢著嘉績
兩地遺愛萬人去思今聞黔巫易帥之時頗失睦隣
之道慮成間隙又動干戈念遠俗之無辜向中霄而
不寐昇爾揆路爲吾使星尚念漢地人情必懷龔遂
河內風俗未忘寇恂宜其宣我憂勤導予霄旰強者
抑之弱者撫之無俾黔人又墮塗炭用爾專達厲予
簡求佇其嚮風聞爾稱職殊恩好爵無所恡焉

後唐莊宗同光四年二月丁巳遣宣徽使宋唐玉往
鄴都宣諭諸軍

明宗天成二年四月有內臣自荆南至云暑雨方甚
兵士苦之及劉訓有疾是日差孔循徑往勞問及續
賜孔循詔曰朕以荆門伐叛方委勲臣而聞統帥縈
切戎機勤劬王事致乖攝理深軫寤懷輟卿樞近之
繁達我優隆之旨固於旬朔已就宣和苟或尚未全
平且要暫還本道便於將息亦可允俞委卿精白凡
事詳酌審於準節庶協籌謀料度攻收撫綏軍旅咸
繫明畧更集殊庸倚注之心再三在念

九月戊午北面屯戍上言經夏戰馬多死是日出內
廐馬三百匹賜之帝猶慮邊將憂慮召來人慰諭之

日盛夏酷熱人尚多疾其况馬邪但令勉於王事無
以此爲恐仍以槍劍賜其主將又日沿路芻粟館驛
相接爾慎勿擾人

三年六月命閭門使馮知兆往定州犒宴將較

末帝清泰元年十二月壬申遣李讓勳馳騎代北犒
享防邊將士

三年八月詔端明殿學士呂琦往河東代諸屯戍犒
軍

晉少帝天福九年三月契丹寇河北帝親征駐蹕澶
淵丙午先鋒指揮使石公霸遇賊數萬騎於戚城之
北爲賊所圍高行周符彥卿在戚城之東南方息於
林下忽聞賊至駭愕督軍而進總數千騎衆寡不較
行周遣人馳告景延廣請益師延廣遲留候帝進止
旣而行周等爲賊圍之數重三人大譟瞋目奮擊賊
衆傷死者甚衆帝自御親兵援之前軍獲免帝登戚
城南古臺置酒以勞二將

漢高祖天福十二年十月討杜重威于魏府二十日
帝乘馬環城幸副部署慕容彥超尚洪千聶章周殷
等營遍加撫諭衆心咸懌

十一月將伐鄴壬午車駕次長垣因賜宰臣竇貞固

蘇逢吉蘇禹珪李濤及從官食帝曰朕少親戎馬險阻艱難備嘗之矣公等儒臣也從朕蒙犯霜露得無勞苦乎群臣蹈舞稱謝

周太祖廣順二年五月親征兗州至兗州城下於西屯寨下慰勞兵士賜監押使臣將較茶酒

十一月荆南上言覘知湖南事宜朗州大將劉言十月三日以兵入長沙界十五日至潭州其淮南所署僞節度使邊鎬焚城而遁岳州僞刺史宋權亦棄城去帝遣供奉官齊藏琦乘駟往湘潭慰撫三軍將吏

三年九月涇州節度使史懿疾復作遣客省使楊廷章往知州事賜襲衣金帶縑帛詔諭彰義軍民吏曰朕以史懿自鎮邊蕃克勤王事眷言勲舊深副倚毗爰自近年多嬰疾苦邇來頻有發動乞赴闕尋醫既覽奏陳須議俞允已差客省使楊廷章往彼知軍州事即令史懿發來京師朕念涇州久夾瘡痍之地軍人百姓撫愛皆同今已指揮揚廷章候到日凡事倍加撫安不得輒有科率俾令衆庶皆遂蘇舒

世宗顯德元年五月親征河東丁丑觀兵於城下帝巡撫諸軍親自慰免賜賚有差

五年四月丁丑吳越王錢俶上言四月十日夜杭州

册府元龜 卷之二百三十六
慰勞
大治燒府署殆盡帝憫之遽命內臣齎重書恤問

册府元龜

册府元龜

巡按福建監察御史臣李嗣京 訂正

知長樂縣事 臣夏允彝參閱

知建陽縣事 臣黃國琦較釋

帝王部 一百三十七

旌表第一

王者甄明高義顯異至行所以激揚風化敦率人倫也蓋天下至大士民至衆不可家喻而戶曉故顯其忠所以勵事君也褒其孝所以勸事親也尊賢者所以聳善也表烈士所以興義也或授之爵秩或祿其

子孫或旌其門閭或賜以穀帛以至復其征賦申以祠祀皆因事以立教獎一而勸百故能述宣王度丕變薄俗民德歸厚有耻且格盖土之行化速於置郵下之從風易如偃草繇斯道矣

周武王既克商釋箕子之囚封比干之墓表商容之閭

惠王二十一年齊會諸侯伐楚許穆公卒於師葬之以侯禮 凡諸侯薨于朝會加一等死王事加二等於是有以衾歛

漢高帝五年既平項羽齊王田橫迺與其客二人乘傳詣雒陽至尸鄉自剄令二客奉其頭馳奏之高帝

曰嗟乎有以起布衣兄弟三人更王 臣欽若等曰三人謂儋策及橫豈非賢哉為之流涕而拜其二客為都尉發卒二千以王者禮葬橫

十二年十二月詔曰秦皇帝楚隱王 陳勝 魏安釐王 昭王

之齊愍王 宣王 趙悼襄王 孝威王 皆絕亡後其與秦

始皇帝守塚二十家楚魏齊各十家趙及魏公子無忌各五家 無忌即信陵君也 令視其冢復無與他事初帝微

少時數聞魏公子無忌賢及即天子位每過大梁嘗祠公子至是擊黥布還為公子置守冢五家世世歲以四時奉祠公子

成帝時為霍光置守冢百家吏卒奉祠焉

平帝元始二年詔曰漢興以來股肱在位身行儉約

輕財重義未有若公孫弘者也位在宰相封侯而為

布被脫粟之飯奉祿以給故人賓客無有所餘可謂

減于制度

禮貴有嘗尊衣服有品

而率下篤俗者也與內富厚

而外為詭服以釣虛譽者殊科夫表德章義所以率

世勵俗聖王之制也其賜弘後子孫之次見為適者

爵關內侯食邑三百戶

後漢光武時來歙攻公孫述為刺客所中自書表訖

投筆抽刀而絕帝聞大驚省書覽涕乃賜策曰中郎

將來歙攻戰連年平定羗隴憂國忘家忠孝彰著遭

命遇害嗚呼哀哉使大中大夫贈歙中郎將征羗侯

印綬謚曰節侯謁者護喪事還雒陽乘輿縞素臨弔

送葬以歙有平羗隴之功故改汝南之當鄉縣為征

羗國焉

嘗少張隆初事公孫述少隆皆勸述降述不從並以

憂死及述既滅帝下詔贈少為太嘗隆為光祿勳以

禮改葬之其忠節志義之士並蒙旌顯

劉茂太原人為郡門下掾建武二年赤眉二十餘萬

眾攻郡縣殺長吏及府掾史茂負太守孫福踰牆裁

空穴中得免其暮俱奔孟縣晝則逃隱夜求糧食積百餘日賊去乃得歸府明年詔書求天下義士福言茂曰臣前爲赤眉所攻吏民懷亂奔走趣山臣爲賊所圍命如絲髮賴茂負臣踰城出保孟縣茂與弟觸冒兵刃緣山負食臣及妻子得度死命節義尤高宜蒙表擢以勵義士詔書卽徵茂拜議郎

譙玄巴郡閬中人也能說易春秋公孫述遣使者備禮徵之若不起便賜以毒藥玄受毒藥其子瑛泣血叩頭於太守奉錢十萬以贖父死述許之玄遂隱藏田野終述之世建武十一年卒明年天下平定玄弟慶以狀詣關白陳帝美之策詔本郡祠以中牢勅所在還玄家錢

李業廣漢梓潼人也公孫述聞業賢徵之業固疾不起述羞不致之乃使大鴻臚尹融持毒酒劫業業遂飲毒而死蜀平帝詔曰表其間益部載其高節圖畫形像

溫序爲護羌校尉隗囂別將苟宇所拘伏劍而死主簿韓遵從事王忠特其屍歸歛帝聞而憐之命忠送喪歸雒陽賜城傍爲冢地賜穀千斛縑五百疋除三子爲郎中

李善清陽人本同縣李元蒼頭也元死唯孤兒續始
生數旬貲財千萬諸奴婢欲殺續而分其財善不能
制乃負續逃亡瑕丘界中十餘歲與歸本縣脩理舊
業時鍾離意為瑕丘令上書薦善行狀帝詔拜善及
續並為太子舍人

明帝永平二年十一月遣使者以中牢祠蕭何霍光
帝謁陵園過式其墓

姜詩廣漢人事母至孝母好飲江水嗜魚膾夫婦力
作供膳舍側忽有涌泉味如江水每旦輒出雙鯉嘗
以供母膳永平三年察孝廉帝詔曰大孝入朝凡諸
舉者一聽平之繇是皆拜郎中

章帝建初七年西巡狩幸長安以中牢祠蕭何霍光
元和二年東巡狩至沛使使祠故六安郡丞桓譚冢
鄉里以為榮

和帝永元二年十一月有事于十陵遣使者以中牢
祠蕭何曹參

蕭何墓見上註曹參墓在長陵旁道北

安帝永初二年劉雄為平原令劇賊平豪等入平原
界雄將吏士乘船追之至厭次河與賊合戰雄敗執
雄以矛刺之時小吏所輔前叩頭求哀願以身代雄
豪等縱雄而刺輔貫心洞背而死東郡太守捕得豪

等具以狀上詔書追傷之賜錢二十萬除父奉為郎中

元初中鮮卑數百餘騎寇漁陽太守張顯率吏士追出塞遙望虜營煙火急趣之兵馬掾嚴授慮有伏兵苦諫止不聽鮮賊入進授不獲已前戰伏兵發授身被十創歿於陣顯拔刃追散兵不能制虜射中顯主簿衛福功曹徐咸遽赴之顯遂墮馬福以身擁蔽虜并殺之朝廷愍授等節詔書褒歎厚加賞賜各除子一人為郎中

延光三年幸長安以中牢祠蕭何曹參霍光

桓帝延熹三年武陵蠻寇江陵荊州刺史劉度謁者馬睦南郡太守李肅並奔走肅主簿胡爽扣馬諫止肅遂殺爽而走帝聞之徵肅棄市度睦減死一等復爽門閭拜家一人為郎中

王渙為雒陽令以平正居身得寬猛之宜元興元年病卒民思其德為立祠安陽亭

延熹八年特詔密縣存故太傅卓茂廟雒陽留渙祠焉

靈帝中平中陳寔子紀字元方遭父憂每哀至輒嘔血絕氣雖衰服已除而積毀消瘠殆將滅性豫州刺

史嘉其至行表上尚書圖象百城以勵風俗
袁秘汝南汝陽人也爲郡門下議生黃巾起秘從太
守趙謙擊之軍敗秘與功曹封觀主簿陳端門下督
范仲禮賊曹劉禕德主記史丁子嗣記室史張仲然
等七人拔刃突陣與戰並死謙以得免詔復秘等門
閭號曰七賢

獻帝初卽位遣使弔祠故太傅陳蕃太將軍竇武又
贈射聲較尉沮儁爲弘農太守旌死節也

王允爲司徒爲李催郭汜所害後帝遷都於許思允
忠節使改殯葬之遣虎賁中郎將奉策弔祭賜東園
秘器贈以本官印綬送還本郡封其孫黑爲安樂亭
侯食邑三百戶

元尚爲兖州刺史袁術將僭號欲以尚爲太尉尚拒
之建安初逃還爲術所害其後尚喪與太傅馬日磾
喪俱至京師帝嘉尚忠烈爲之咨嗟詔百官弔祭拜
子瑋郎中而日磾不與焉

魏太祖北征柳城過涿郡令告太守曰故北中郎將
盧植名著海內學爲儒宗士之楷模國之禎幹也昔
武王入殷封商容之間鄭喪子產而仲尼隕涕孤到
此州嘉其餘風春秋之義賢者之後有異於人敬遣

丞椽脩墳墓并致薄醪以彰厥德植仕漢爲尚書以老疾去官隱居上谷軍都山獻帝初平三年卒衛茲字公振陳留襄邑人也少有大節不應三公之辟太祖初至陳留茲曰平天下者必此人也太祖亦異之數詣茲議大事從討董卓戰於滎陽而卒太祖每涉郡境輒遣使祠焉

應余爲南陽郡功曹宛將侯音劫射太守東里衮余以身捍衮前被七創而死及征南將軍曹仁討平音表余行狀並脩祭輟太祖聞之嗟嘆良久下荊州復表門閭賜穀千斛

文帝行幸自譙過梁遣使以太牢祀漢太尉橋玄

黃初初大理王朗與太尉鍾繇連名表上主簿趙郡張登昔爲本縣主簿值黑山賊圍郡登與縣長王雋帥吏兵七十二人直往赴救與賊交戰吏兵散雋殆見害登手格二賊以全雋命又守長夏逸爲督郵所枉登身受考掠理逸之罪義濟二君宜加顯異兼稱登在職勤勞詔曰登忠義彰著在職功勤名位雖卑直亮宜顯褒膳近任當得此吏今以登爲太官令

明太

祖初已曾表聞太祖以所急者多未遑獎擢至是復表之乃有此命

明帝青龍中東征乘輦入故豫州刺史賈逵祠詔曰

昨過項見賈逵碑像念之愴然古人有言患名之不立不患年之不長逵存有忠勲沒而見思可謂死而不朽者矣其布告天下以勸將來

齊王嘉平中吳將諸葛恪圍於合肥新城時城中遺士劉整及鄭像出城傳消息皆爲所執皆守節不回爲其所害後母丘儉上言因下詔曰夫顯爵所以褒元功重賞所以寵烈士整像召募通使越陷重圍冒突白刃輕身守信不幸見獲抗節彌厲揚六軍之大勢安城守之懼心臨難不顧畢志傳命昔解楊執楚有嶺無貳齊路中大夫以死成命方之整像所不能加今追賜整像爵關中侯各除士名使子襲爵如部曲將死事科

高貴鄉公甘露二年四月詔曰玄菟郡高顯縣吏民反叛長鄭熙爲賊所殺民王簡負擔熙喪晨夜星行遠致本州忠節可加其特拜簡爲忠義都尉以旌殊行

七月車駕東征屯項復入賈逵祠下詔曰逵沒有遺愛歷世見祠追聞風烈朕甚嘉之昔先帝東征亦幸於此親發德音褒揚達美徘徊之心益有慨然夫禮賢之義或掃其墳墓或脩其門閭所以崇敬也其掃

除祠堂有穿漏者補治之

八月詔曰昔燕刺王謀反韓宜等諫而死漢朝顯登其子諸葛誕創造凶亂主簿宣隆部曲督秦絜秉節守義臨難固爭爲誕所殺所謂無比干之親而受其戮者其以隆絜子爲騎都尉加以贈賜光示遠近以殊忠義

三年六月丙子詔曰昔南陽郡山賊擾攘欲劫質故太守東里袞功曹應余獨身捍袞遂免於難余顛沛隕斃殺身濟君其下司徒署余孫倫吏使蒙伏節之報

晉武帝詔曰蜀將軍傅僉前在閬城身拒官軍致命不顧僉父彤復爲劉備戰亡天下之善一也豈繇彼此以爲異僉息著蔓後没入官免爲庶人

泰始四年以東海劉儉有至行拜爲郎中

五年詔諸葛亮孫京隨才署吏

李密字令伯犍爲人也父早亡母更適人密見養於祖母蜀平後帝徵爲太子洗馬密上疏曰臣生孩六月慈父見背行年四歲舅奪母志祖母劉愍臣孤弱躬見撫養臣無祖母無以至今日祖母無臣無以終餘年母孫二人更相爲命是以區區不敢廢遠臣今

年四十有四祖母劉今年九十有六是臣盡節於陛下之日長報養劉之日短也烏烏私情願乞終養臣之辛苦非徒蜀之人士及二州牧伯所見明知皇天后土實所共鑒願陛下矜愍愚誠聽臣微志庶劉僥倖保卒餘年臣生當隕首死當結草臣不勝犬馬怖懼之情帝覽表曰密不空有名也嘉其誠欵賜奴婢二人下郡縣供養其祖母

惠帝永康元年詔以光祿大夫劉頌誅賈謐督攝衆事有功追封梁鄒縣侯食邑千五百戶

索靖太安末爲游擊將軍領雍秦涼義兵與賊戰被傷而卒追贈太嘗後贈司空追封安樂亭侯謚曰莊周處義興陽羨人也爲御史中丞征氏人齊萬年力戰而沒帝追贈平西將軍賜錢百萬塋地一頃京城地五十畝爲第又賜其家近田五頃詔曰處母年老加以遠人朕每愍念給其醫藥酒米賜以終年

劉殷新興人也性至孝曾祖母王氏盛冬思董而不言食不飽者一旬矣殷時年九歲乃於澤中哭不絕聲者半月董爲生焉太傅楊駿輔政備禮聘殷殷以母老固辭駿於是表之優詔遂其高志聽終色養勅所在供其衣食蠲其徭賦賜帛二百疋穀五百斛

元帝爲左丞相承制以稽紹死節事重而贈禮未副
勲德表贈太尉祠以大牢及卽位賜謚曰忠穆復加
大牢之祀

虞悝長沙人也與弟望並有士操譙王承之討王敦
以悝爲長史望爲司馬督諸軍湘東大守鄭澹敦之
姊夫也不順承旨遣望討之望率一旅直入郡斬澹
以徇四境及魏乂來攻望每先登力戰而死城破悝
復爲乂所執將害之子弟對之號泣悝謂曰人生有
死闔門爲忠義鬼亦何恨哉及王敦平贈悝襄陽大
守望榮陽太守遣謁者至墓祭以少牢

許孜東陽吳寧人也惠帝元康中郡察孝廉不起巾
褐終身年八十餘卒于家邑人號其居爲孝順里咸
康中太守張虞上疏曰臣聞聖賢明訓存乎舉善褒
貶所興不遠千載謹案所領吳寧縣物故人許孜至
性孝友立節清峻與物恭讓言行不貳當其奉師則
在三之義盡及其喪親實古今之所難咸稱殊類致
感猛獸弭害雖臣不及見然備聞斯語竊謂蔡順董
黯無以過之孜沒積年其子尚在性行純慤今亦家
於墓側臣以爲孜之履操世所希逮宜標其令跡甄
其後嗣以疇旣往以獎方來春秋傳曰善善及其子

孫臣不達大體請臺量議疏奏詔旌表門閭獨復子孫

下壺爲尚書令右將軍蘓峻稱兵壺苦戰死之二子
矜旰見父沒相隨赴賊同時見害矜子誕嗣咸康六
年成帝追思壺下詔曰壺立朝忠恪喪身兇寇所封
懸遠租秩薄少妻息不贍以爲慨然可給實口廩其
後盜發壺墓尸僵髮髮蒼白面如生兩手悉拳爪甲
穿達手背安帝詔給錢十萬以脩塋兆

虞潭母孫氏吳郡富春人吳大帝族孫女也永嘉末
潭爲南康太守值杜弢構逆率衆討之孫氏勉潭以
必死之義傾其資產以餽戰士潭遂克捷及蘇峻作
亂潭時守吳興又假節征峻孫氏戒之曰吾聞忠臣
出孝子之門汝當捨生取義勿以吾老爲累仍盡發
其家僮令隨潭助戰質其所服環珮以爲軍資于時
會稽內史王舒遣子允之爲督護孫氏又謂潭曰王
府君遣兒征汝何爲獨否潭卽以子楚爲督護與允
之合勢其憂國之誠如是拜爲武昌侯太夫人加金
章紫綬潭立養堂於家王導以下皆就拜謁咸和末
卒年九十五成帝遣使弔祭謚曰定夫人

張茂妻陸氏吳郡人也茂爲吳郡太守被沈充所害

陸氏傾家產率茂部曲爲先登以討之克敗陸詣關上書爲茂謝不尅之責詔曰茂夫妻忠誠舉門義烈宜追贈茂太僕

穆宗升平中慕容恪侵逼山陵時冠軍將軍陳祐守雒陽衆不過二千時有沈勁者少負志節自表求配祐効力因以勁補冠軍長史令自募壯士得千餘人以助祐擊賊類以寡制衆而糧盡援絕祐懼不能保全會賊寇許昌祐因以救許昌爲名與寧三年留勁以五百人守城祐率衆而東會許昌已沒祐因奔崖塢勁志欲効命欣獲死所尋爲恪所攻城陷被執神氣自若恪竒而將宥之其中軍將軍慕容虔曰勁雖竒士觀其志度終不爲人用今若赦之必爲後患遂遇害恪還從容言於慕容暉曰前平廣固不能濟辟間今定雒陽而殺沈勁實有愧於四海朝廷聞而嘉之賜東陽太守子赤黔爲大長秋

毛寶爲征虜將軍豫州刺史州陵縣開國侯守邾城石季龍遣辯攻邾城城陷寶率左右突圍出赴江溺死穆帝詔曰寶之傾敗宜在貶裁然蘇峻之難致力王室今咎其過故不加贈祭之可也其後公卿言寶有重勳加死王事不宜奪爵昇平三年乃下詔復本

封

孝武太元中功臣普被減削司空何充等止得六家
守冢以故司空興平伯陸玩有佐命之勲先陪陵而
葬繇是特置興平伯官屬以衛墓

又詔曰褒德顯仁哲王令典故左尉忠穆公

稽紹執也

德高邈在否彌宣貞潔之風義著千載每念其事愴
然傷懷忠貞之裔蒸嘗宜遠所以大明至節崇獎名
教可訪其宗裔襲爵主祀

丁穆為順陽太守符堅兵至為其所執至長安稱疾
不仕偽朝堅又領國南寇穆與關中人士唱義謀襲

長安事泄遇害臨死作表以付其妻周其後周得至

京師詣關上之帝下詔曰故順陽太守貞定侯下穆

力屈身陷而誠節彌固直亮壯勁義貫古烈其喪極

始反言尋傷悼可贈龍驤將軍雍州刺史賻賜一依

周虓故事為置屋宅并給其妻衣食以終厥身

周虓為西夷較尉領梓潼太守陷于符堅不屈節而

死其子興迎致其喪冠軍將軍謝玄親臨哭之因上

疏曰臣聞旌善表功崇義明節以振揚聲教垂美來

葉故西夷較尉梓潼太守周虓執心忠烈勵節寇庭

遂嬰禍荒裔痛寘泉壤臣每悲其志以為蘇武之賢

不復過也前宣告并州訪虓喪并索其家負荷數千始得來至卽以資送還其舊隴伏願聖朝追其忠心表其殊節使負霜之志不墜於地則榮慰存亡惠被幽顯矣帝詔曰虓厲志貞亮無愧古烈未及拔身奄隕厥命甄表義節國之典也贈龍驤將軍益州刺史賻錢二十萬布百疋又贍賜其家

謝琰隆安四年討孫恩兵敗琰帳下督張猛於後斫琰馬琰遂遇害後左里之捷宋高祖令擒猛送琰小子混混剗肝生食之詔以琰父子殞於君親忠孝萃於一門贈琰侍中司空謚曰忠肅二子肇峻肇歷驃騎參軍峻以琰勲封建昌侯及沒於賊詔贈肇散騎嘗侍峻散騎侍郎

安帝義熙初檀憑之與桓玄將皇甫敷戰死賜兪州刺史詔曰夫旌善紀功有國之通典沒而不朽節義之篤行故兪州刺史檀憑之忠烈果毅亡身爲國旣義敦其情故臨危授命考諸往迹古人無以遠過近者之贈意猶恨焉可加贈散騎嘗侍本官如故旣隕身王事亦宜追論封賞可封曲阿縣公邑三千戶孫季高義熙中討盧循於番禺循走交州季高病卒贈龍驤將軍宋高祖爲南海太守念季高之功乃表

曰孫季高嶺南之勲已蒙褒贈臣更思惟盧循稔也
惡一紀據有全城若令根本未拔投奔有所招合餘
燼猶能爲虞懸師遠討方勤廟筭而季高汎海萬里
投命洪流波激電邁指日遄至遂奄定南海覆其巢
窟使循進退靡依輕舟遠遁曾不旬月妖凶殲殄蕩
滌之功實此爲大往年所贈猶爲未優愚謂宜更贈
一州卽其本號庶令忠勲不湮勞臣增厲重贈交州
刺史將軍如故

何無忌義熙二年遷都督江荆二州進鎮南將軍征
盧循兵敗握節死之詔曰無忌秉哲履正忠亮明允
亡身殉國則契協英謨經綸屯昧則重氛載廓及敷
政方夏實播風惠妖寇構亂侵擾邦畿投袂致討志
清王略而事出慮外臨危彌厲握節隕難誠貫古賢
朕用傷慟于厥懷其贈侍中司空本官如故謚曰忠
肅

毛瓊爲征西將軍督益梁秦寧涼五州軍事譙從之
亂瓊遇害及瓊弟瑾瑗子姪之在蜀者一時殄沒瓊
子弘之嗣義熙中時延祖爲始康太守上疏訟瓊兄
弟於是詔曰故益州刺史瓊西夷較尉瑾蜀太守瑗
勤王忠烈事垂慮外葬送日近益懷惻愴可皆贈先

所授官給錢三十萬布三百疋論璉討桓玄功追封歸鄉公千五百戶又以祐之斬玄功封夷道縣侯後魏道武平原贈李勰宣威將軍蘭陵太守總恬靜好學有聲趙魏間至是已亡帝哀惜之故有是命王憲字顯則北海劇人祖猛符堅丞相父休河東太守憲幼孤隨伯父永在穎符丕稱尊號復以永爲丞相永爲慕容永所殺憲奔清河匿於民家皇始中輿駕次趙郡之高邑憲乃歸誠帝見之曰此王猛孫也厚禮待之以爲本州中正領選曹事兼掌門下太武討赫連經庾岳墓宅愴然動容遂下詔爲立廟令一州之民四時致祭岳先事道武爲將有謀略名冠軍中道武猜忌誅之

段進爲白道守將蠕蠕大檀入塞圍之力屈被執進抗聲大罵遂爲賊所殺帝愍之追贈安北將軍賜爵顯美侯謚曰莊

石文德中山蒲陰人也有行義真君初縣令黃宣在任喪亡宣單貧無葦親文德祖父苗以家財殯塋持服三年奉養宣妻二十餘載及亡又衰經斂附率禮無闕自苗逮文德刺史守令卒官者制服送之五世同居門庭雍睦又梁州上言天水白石縣人趙令安

孟蘭疆等四世同居行著州里詔並標榜門閭
獻文未嘗農北陝人王玄威立草廬於州城門外衰
服蔬粥哭踴無時刺史苟頽以事表聞詔令問狀云
先帝澤被蒼生玄威不勝悲慕戀心如此不知禮式
詔問玄威欲有所訴聽爲表列玄威云聞諱悲號竊
謂臣子同例無所求謁及至百日乃自竭家財設四
百人齋至忌日又設百僧供至大除日詔送白紬袴
褶一具與玄威釋服下州令表異焉

孝文帝初都雒陽嘗幸北邙遂幸洪池命任城王澄
侍昇龍舟因賦詩以序懷帝曰朕昨夜夢一老公頭
鬢皓白正理冠服拜立路左朕恠而問之自云晉侍
中嵇紹故此奉迎神爽卑懼似有求焉澄對曰晉世
之亂嵇紹以身衛主殞命御側亦是晉之忠臣比干
遭紂兇虐忠諫剖心可謂殷之良士二人俱死於王
事墳塋並在於道周然陛下徙御瀍雒經殷墟而弔
比干至雒陽而遺嵇紹當是希恩而感夢帝曰朕何
德能幽感達士也然實思追禮先賢樹揚忠懿比干
嵇紹皆是古之誠烈而朕務濃比干禮略嵇紹情亦
有愧然既有此夢或如任城所言於是求其兆域遣
使弔祭焉

郭祚從帝出征及還正授黃門車駕幸長安行經渭橋過郭淮廟問祚曰是卿祖宗所承也祚曰是臣七世伯祖帝曰先賢後哲頓在一門祚對曰昔臣先人以通儒英博惟事魏文微臣虛薄遭奉明聖自惟幸甚因勅以太牢祭淮廟令祚自撰祭文

宣武景明三年九月車駕幸鄴詔使者弔殷比干墓董吐渾東郡小黃縣人也吐渾養兄事親至孝三世同居閨門有禮景明中畿內大使王凝奏請標異詔從之

正始元年六月立周公旦夷齊廟於首陽山

李伯貴宣武時爲郡守有孝行居父喪哀戚過禮遂以毀卒帝嘉之賜渤海相

王續生滎陽京縣人也遭繼母憂居喪杖而後起及終禮制鬢髮盡落有司奏聞帝詔標旌門閭甄其徭役

劉侯仁豫州人也永平元年城人白早生殺刺史司馬悅據城南叛悅息臚走投侯仁賊雖加購募又嚴其捶撻侯仁終無漏泄臚遂免禍事寧有司奏其操行議免府籍叙一小縣詔可

李謐延昌四年卒其年四門十學博士孔璠等四十

五人上書論其行業帝詔曰謚屢辭徵辟志守冲素
儒隱之操深可嘉美可遠傍惠康近准玄晏謚謚曰
貞靜處士并表其門閭以旌高節於是表其門曰文
德里曰孝義

高道悅爲太子中庶子太子詢以道悅數規諫殺之
高祖甚加悲惜謚曰貞侯至帝又追錄拜其子給事
中

秦榮先性至孝遭父母喪哀慕不已遂以毀卒邑里
化其孝行帝嘉之乃下詔曰孝爲政本德乃化先旣
表天經又明地義居喪致疚至感過人窮號不反迄
乎滅性行標當世理鏡幽明此而不顯道將何述可
贈滄州刺史以旌厥異

晁清遼東人也祖暉濟州刺史潁川公清襲祖爵例
降爲伯爲梁城戍將梁武攻圍糧盡城陷清抗節不
屈爲賊所殺帝褒美贈樂陵太守謚曰忠

孝明正光三年太保崔光奏劉昺著業涼城遺文在
茲篇籍之美頗足觀採如或愆豐當蒙數世之宥况
乃維祖逮孫相去未遠而令久淪皂隸不獲收異儒
學之士所爲竊嘆臣忝職史教曾以奏聞乞勅尚書
簡准所屬甄免雜役用廣聖朝旌善繼絕敦化厲俗

詔曰眎德冠前世蔚爲儒宗太保啓陳深合勸善其
孫等三家特可聽免河西人以爲榮

高諒正光中爲驍騎將軍徐州行臺屬元法僧反叛
通諒同之諒不許爲法僧所害時年四十一朝廷痛
惜之贈左將軍滄州刺史

馮景正光中爲蕭寶寅關西大行臺都令從寶寅征
討寶寅將舉兵景固諫不從寶寅敗後景還雒朝廷
先聞景有諫言故免之除奉車都尉

貞孝女宗者趙郡栢仁人趙郡太守李叔裔之女范
陽盧元禮之妻率性至孝聞於州里父卒號慟幾絕
者數四賴母崔氏慰免之得全三年之中形骸銷瘠

非人扶不起及歸夫氏與母分隔便飲食日損涕泣不
絕日就羸篤盧氏令家人慰喻不解乃遣歸寧還家
乃復如故如此者八九焉後元禮卒李追亡撫存禮
無遺者事姑以孝謹著母崔以神龜元年終於雒陽
凶問初到舉聲慟絕一宿乃蘇水漿不入口者六日
其姑慮其不濟親爲奔喪而氣力危殆自范陽向雒
八日方達攀視號踊遂卒有司以狀聞詔曰孔子稱
毀不滅性蓋爲其廢養絕顛也李旣非嫡子而孝不
勝哀雖乖俯就而志勵義遠若不加旌異則無以勸引

澆浮可追號曰貞孝女宗易其里爲孝德里標李虛二門以悖風俗

王榮世陽平館陶人也爲三城戍主方城縣子梁武攻圍力窮知不可全乃先焚府庫後殺妻妾及梁軍陷城與戍副鄧元興等俱以不屈被害帝下詔褒美忠節進世爵爲伯贈齊州刺史元興開國子贈雒州刺史

莊帝建義初以鄭仲明兄洪建李冲女壻仲明舅氏之親其弟與謀扶戴仲明之死也且有奉國之意乃退封安平縣開國侯邑七百戶贈侍中車騎大將軍儀同三司尚書左僕射雍州刺史

永安初彭城石縣人孫道登初爲梁武將常休等所虜面縛臨刃巡遠村塢令其招降鄉曲道登厲聲唱呼但當努力賊所不能遂屠戮之

荊州被圍行臺宗靈恩遣使宗女等四人入城曉諭爲賊將所獲執女等巡城令其改辭女等大言天軍垂至堅守莫降賊忿各剗其腹然後斬首二州表其節義道登等並賜五品郡五等子爵聽子弟承襲遣使詣所在弔祭

廢帝時刁思遵妻魯氏女也始笄爲思遵所聘未踰

月而思遵亡其家矜其少寡許嫁已定魯聞之自誓
 父母不達其志遂經郡訴稱刁民恠護寡女不使歸
 寧魯乃與老姑徒步詣司徒府自告情狀普泰初有
 司聞奏帝詔曰貞夫節婦古今同尚可令本司依式
 標榜

冊府元龜

冊府元龜

巡按福建監察御史臣李嗣京 訂正

知閩縣事 臣曹鼎臣叅閱

知建陽縣事 臣黃國琦較釋

帝王部 一百三十八

旌表第二

西魏武帝永熙中以故殷州刺史鄭楷兄弟父子並
 死王事朝野傷歎特贈侍中都督冀定湘三州諸軍
 事驃騎大將軍儀同三司冀州刺史

倉跋榮陽京縣人也喪母水漿不入口五日吐血數

升居憂毀瘠見稱州里有司奏聞帝詔標門閭
楊弘鄉郡襄垣人也三歲喪父爲叔所養母年九十
三弘年七十五哀毀過禮三年服畢恨不識父追服
斬衰食粥羸服誓終身命經十三年哀慕不改爲郡
縣鄉閭三百餘人上狀稱美有司奏宜旌賞復其一
門樹其純孝詔別勅集書標楊弘至行又可假以散
員之名也自弘以下十人史不載
年月今附于本朝之末
郭文恭太原平遙人爲太平縣令年踰七十父母喪
亡文恭孝慕罔極乃居祖父墓次晨夕拜跪跣足負
土培祖父二墓寒暑竭力積年不已見者莫不哀歎

尚書聞奏標其門閭

董雒生居父喪過禮詔遣秘書中散溫紹伯奉璽書
慰之令自抑割以全孝道又詔其宗親使相喻獎勿
令有滅性之譏

王崇字乾邕陽夏雍丘人也兄弟並以孝聞身勤稼
穡以養二親仕梁州鎮南府主簿母亡扶而後起鬢
髮墮落未及將葬權殯宅西崇廬於殯所晝夜哭泣
鳩鴿群至一小鳥素質黑眸形大如雀栖於崇廬朝
夕不去母喪始闋復丁父憂哀毀過禮是年夏風雹
所經處禽獸暴死草木摧折至崇田畔風雹便止禾

麥十頃竟無損落及過崇地風雹如初咸稱至行所感崇雖除服仍居墓側於其室前生草一根莖葉甚茂人莫能識至冬中復有鳥巢崇屋乳養三子毛羽成長馴而不驚守令聞之親自臨視州以聞奏標其門閭

張昇滎陽人居父母喪鬢髮墜落水漿不入口吐血數升詔表門閭

王閭北海密人也數世同居有百口又太山劉業興四世同居魯郡蓋雋六世同居並其財產家門雍睦鄉里敬異有司申奏皆標門閭

張安祖河陽人也襲世爵山北候時有元承貴曾爲河陽令家貧且赴尚書求選逢天寒甚凍死路側一子年幼停屍門巷棺斂無托安祖悲哭盡禮買木爲棺手自營作斂殯周給朝野嘉歎尚書聞奏標其門閭

馬八龍武邑武強人也輕財重義友人武遂縣尹靈哲在軍喪亡八龍聞即奔赴負屍而歸以家財殯葬爲制總服撫其遺孤恩如所生州郡表列詔標門閭李几博陵安平人也七世共居同財家有二十二房一百九十八口長幼濟濟風禮著聞至於作役卑幼

州府志 旌表二
競進鄉里嘆美標其門閭

邵洪哲上谷沮陽人也縣令范道榮先自胸城歸款已除縣令道榮鄉人徐孔明妄經公府訟道榮非勲道榮坐除名羈旅孤貧不能自理洪哲不勝義憤遂代道榮詣京師明申曲直經歷寒暑不憚劬勞道榮卒得復雪又北鎮反亂道榮孤單無所歸附洪哲兄伯川復率鄉人來相迎接送達幽州道榮感其誠節訴省申聞詔下州郡標其里閭

後周太祖時荆可河東猗氏人喪母悲號擗踊絕而復蘇者數四廬於墓側負土成墳鄉人以可孝行之至足以勸勵風俗乃上言焉帝令州縣表異之

竇榮定文帝欲以爲三公榮定上書固辭陳畏懼之道帝乃止前後賞賜不可勝計及卒帝爲廢朝令左衛大將軍元旻監護喪事賻絹三千疋上謂侍臣曰吾每欲致榮定於三事其人固讓不可今欲贈之重違其志於是贈兖州刺史陳國公謚曰懿

令狐虬早以名德著聞仕歷瓜州司馬墩煌郡守鄯州刺史西魏文帝大統末卒於家帝傷悼之遣使者監護喪事又勅鄉人爲營墳壟贈龍驤將軍瓜州刺

史

武帝初河東安邑人紆回性至孝武成中父母喪廬於墓側負土成墳廬前生麻一株高丈許圍之合拱枝葉鬱茂冬夏嘗青烏棲其上回舉聲哭烏卽悲鳴時人異之帝表其閭擢授其棠令

慕容三藏爲右衛將軍周師入鄴齊後主失守東遁委三藏等留守鄴宮齊之王公以下皆降三藏猶率麾下抗拒周師及齊平帝引見禮甚厚詔曰三藏父子誠節人聞宜加榮秩授開府儀同大將軍

建德元年晉公護誅詔曰故使持節柱國大將軍大都督陽平郡開國公李遠早蒙驅任夙著勲績內參帷幄外屬藩維竭誠王室乃罹橫禍言念貞良追增傷悼宜加榮寵用彰忠節贈本官加陝州等十五州諸軍事陝州刺史謚曰忠遠初爲晉公護所害也

六年詔曰僞齊之末奸佞擅權濫罪淫刑動挂羅網僞右丞相咸陽王故斛律明月僞侍中特進開府故崔季舒等七人或功高獲罪或直言見誅朕兵以義動剪除凶暴表閭封墓事切下車宜追贈謚并加其見在子孫各隨蔭叙錄家口田宅沒官者並還之秦族性至孝母沒哭泣無時唯飲水食菜而已終喪之後猶蔬食不入室房二十許年鄉里咸歎異之其

邑人王元達等七十餘人上狀有詔表其門閭

張元字孝始祖父成沒元號踴絕而後蘇後其父延雋卒水漿不入口三日鄉里歎異之縣博士楊軌等二百餘人上其狀有詔表其門閭

皇甫遐河東汾陰人遭母喪廬於墓側負土爲墳郡縣表上其狀有詔旌異之

隋文帝開皇初詔曰昔漢高欽無忌之義魏武挹子幹之風前代名賢後王斯重魏故度支尚書美陽伯蘇綽文雅政事遺跡可稱展力前王垂聲著績宜開土宇用旌善人於是追封邳國公邑三千戶

宇文孝伯以忠諫爲周宣帝所殺及帝踐極以孝伯及王軌忠而獲罪並令收葬復其官爵又嘗謂高頴曰宇文孝伯實有周之良臣若使此人在朝我輩無措手處也

紆士雄回之子也少質直孝友父喪廬於墓側負土成墳其庭前有一槐樹先甚鬱茂及士雄居喪樹遂枯死服闋還宅死槐復榮帝聞之歎其父子至孝詔書褒揚號其所居爲累德里

郎方貴淮南人也少有志尚與從父弟雙貴同居開皇中方貴嘗因行出遇雨淮水汎長於津所寄渡船人

怒之極方貴臂折至家其弟雙貴驚問所繇方貴具言之雙貴恚遂向津毆擊舩人致死守津者執送之縣官案問其狀以方貴爲首當死雙貴從坐當流兄弟二人爭爲坐首縣司不能斷送詣州兄弟各引咎州不能定二人爭欲赴水而死州狀以聞而異之特原其罪表其門閭賜物百段

田德懋觀國公仁恭之子也少以孝友著名開皇初以父軍功賜爵平原郡公授太子千牛備身丁父艱哀毀骨立廬於墓側負土成墳高祖聞而嘉之遣員外散騎侍郎元志就弔焉復降璽書曰皇帝謝田德

懋知在窮疾哀毀過禮倚廬墓所負土成墳朕孝理天下思弘名教復以爾通家情義素重有聞孝感嘉歎兼深春日暄和氣力何似宜自抑割以禮自存也兼賜縑二百匹米百石後下詔表其門閭

杜猷爲濟陰太守開皇三年死王事詔曰行仁蹈義名教所先厲俗敦風宜見褒獎往者山東河表經此叛亂孤城遠守多不自全濟陰太守杜猷身陷賊徒命懸寇手郡省事范臺玟傾產營護免其戮辱眷言誠節實有可嘉宜超嘗賞用明激勸臺玟可大都督假湘州刺史

薛濬開皇中爲考功侍郎丁母艱不勝喪病卒有司以聞帝爲之屑涕降使齎冊書弔祭曰皇帝咨故考功侍郎薛濬於戲惟爾操履貞和器業詳敏允膺列宿勤蹇克彰及違私艱奄從毀滅嘉爾誠孝感於朕懷奠酌有加抑惟朝典故遣使人指申往命魂而有靈歆茲榮渥嗚呼哀哉

楊慶字伯悅年二十五郡察孝廉以侍養不行其母有疾不解襟帶者七旬及居憂哀毀骨立負土成墳齊世表其門閭賜帛三十疋綿十屯粟五十石高祖開皇中屢加褒賞

郭儔字引文太原文水人也家閭雍睦七葉共居犬豕同乳烏鵲通巢時人以爲義感之應州縣上其事高祖遣平昌公文弼詣其家勞問之侍書御史柳彧巡省河北表其門閭

劉方爲驩州都督平林邑國紀功而還方在道遇患而卒帝甚傷惜之乃下詔曰方肅承廟筭恭行天討飲水遄邁視險若夷摧鋒直指出其不意鯨鯢殄殪巢穴咸傾役不再勞肅清海外致身王事成績可嘉可贈上柱國盧國公

煬帝大業二年五月乙卯詔曰旌表先哲式在饗祀

所以優禮賢能顯彰遺愛朕永鑒前脩尚想名德何嘗不興歎九原屬慳千載其自古以來賢人君子有能樹聲立德佐世救時博利殊功有益於人者並宜營立祠宇以時致祭墳壟之時不得侵踐有司量爲條式稱朕意焉

三年四月己亥次赤岸驛以太牢祭故太師李穆五年二月戊戌次于閔鄉詔祭開皇功臣墓三月庚午有司言武功男子史永遵與從父昆弟同居帝嘉之賜物一百段米二百石表其門閭

陶模爲嵐州司馬漢王諒據并州反刺史喬鍾喬葵發兵赴逆模諫之鍾葵失色曰司馬反邪臨之以兵辭氣不撓鍾葵義而釋之軍吏進曰若不斬模何以壓衆心於是囚之於獄悉掠取資財分賜黨與及諒平帝嘉之拜開府授大興令

皇甫誕爲漢王諒并州司馬諒反誕諫之爲諒所囚及楊素至諒屯清源誕出獄謀閉城拒之又爲諒所害煬帝以誕亡身殉國嘉悼者久之下詔曰褒顯名節有國通規加等飾脩抑惟令典并州總管司馬皇甫誕性理淹通志懷審正劾官贊務聲績克宣值狂悖稱禍凶威孔熾確殉單誠不從妖逆雖幽執寇手

而雅志彌厲遂潛與義徒據城抗節衆寡不敵奄致非命可贈柱國封弘義公謚曰明

華秋汲郡臨河人也事母以孝聞母終廬於墓側大業初調狐皮郡縣大獵有一兔人逐之奔入秋廬中匿秋膝下獵人至廬所異之自爾此兔嘗宿廬中馴其左右郡縣嘉其孝感具以狀聞帝降使勞問表其門閭

翟普林楚丘人也性至孝事親以孝聞州郡辟命皆固辭不就躬耕色養鄉鄰謂爲楚丘先生後父母疾親易燥濕不解衣者七旬大業初父母俱終哀毀殆將滅性廬於墓側負土成墳盛冬不衣繒絮唯單縗而已家有一烏犬隨其在墓若普林哀臨犬亦悲號見者嗟異焉有二鵲巢其廬前樹每入其廬馴狎無所驚懼大業中司隸巡察奏其孝感擢授孝陽令游元大業中爲侍御史奉使黎陽楊玄感作亂元數其罪玄感怒而囚之屢脅以兵竟不屈節於是害之帝甚加歎贈銀青光祿大夫賜縑五百疋拜其子仁宗爲正議大夫弋陽郡通守

松贊大業末爲石門府掾正賊帥楊厚執之令告北海縣云郡兵已破宜早歸降贊至城下言賊弱不足

憂遂爲厚所害帝遣戶曹郎郭子賤討厚破之以贊
亡身狗節嗟悼不已上表奏之優詔褒揚贈朝散大
夫本郡通守

唐高祖武德元年八月以高頴賀若弼張衡宇文弼
薛道衡董純等忠於前朝李金才李敏見忌隋室皆
被煬帝所誅於是贈其官爵

裴仁基初仕隋爲左光祿大夫陷於王世充後謀歸
國事洩遇害武德中贈原州都督謚曰忠

二年五月詔曰民稟五嘗仁義斯重士有百行孝敬
爲先自古哲王經邦致治設教垂範莫尚於茲叔世

澆訛民多僞薄脩身克已事資誘勸泆恭厲靈命臨
馭選荒愍茲弊俗方思遷道雍州萬年縣樂遊鄉民
王世貴孝性自天力行無怠喪其所怙哀毀絕倫負
土成墳結廬墓側鹽酪之味在口不嘗哭泣之聲感
於行路安福鄉民宋興貴立操雍和主情友睦同居
合爨累世積年務本力農崇謙履順弘長名教敦厲
風俗宜加褒顯以勸將來可並旌表門閭蠲免課役
布告天下使明知之

四年表南豐州漢陽縣令姜世雄之間褒義門也世
雄立性仁厚夙敦教義私門之內友悌著聞累葉共

居合宗同爨鄉黨稱慕曾無間言屬隋末寇盜經其里者皆感其義節不忍侵掠帝聞而嘉尚言其孝行堪勵風俗下詔褒美課役並從蠲免

楊太寶武德初爲龍門令劉武周陷晉絳攻之不降城破被害褒贈全節侯

劉感岐州鳳泉人後魏司徒高昌王豐生之孫也武德初以驃騎將軍鎮涇州薛仁果率衆圍之感嬰城拒守城中糧盡遂殺所乘馬以分將士將士感之一無所噉唯煮馬骨取汁和木屑食之城垂陷者數以

長平王叔良援兵至仁果解圍而去感與叔良出戰爲賊所擒仁果復圍涇州令感語城中云援軍已敗徒守孤城何益也宜早出降以全家室感及至城下大呼曰逆賊饑餓亡在朝夕秦王率數十萬衆四面俱集城中勿憂宜各自勉以全忠節仁果大怒執感於城邊埋脚馳騎射殺之至死聲色逾厲賊平帝購得其屍祭以少牢贈瀛州刺史封平原郡公謚曰忠壯令其子襲官爵并賜田宅

嘗達陝人也初仕隋爲鷹擊郎將數從帝征伐甚蒙親待及義兵起達在霍邑從宋老生來拒戰老生敗達懼自匿不出高祖謂達已死令人闕屍求之及達

來見高祖大悅以爲統軍武德初拜隴州刺史時薛舉屢攻之不能克乃遣其將忤士政以數百人僞降達達不之察厚加撫接士政伺隙以其徒劫達擁城中二千人而叛牽達以見於舉達詞色抗厲不爲之屈舉指其妻謂達曰識皇后不達曰止是瘦老姬何足可識竟釋之有奴賊帥張貴謂達曰汝識我不達曰汝逃死奴瞑目視之貴怒持刀將斧達人救獲免及仁杲平帝見達謂曰卿之忠節便可求之古人命起居舍人令狐德棻曰劉感嘗達須載之史策也執忤士政撲殺之賜達布帛三百段復拜隴州刺史

魏衡妻王氏梓州郫人也武德初薛仁杲舊將旁企地侵掠梁部因獲王氏逼而妻之後企地漸強盛衡謀以城應賊企地領衆將趨梁州未至數十里飲酒醉卧王氏取其佩刀斬之携其首入城衆乃散帝大悅封爲崇義夫人仍赦衡同賊之罪

獨孤武都謀叛王世充歸國事覺誅死武都子師仁年始三歲世充以其年幼不殺使禁掌之乳母王氏號蘭英請髡鉗求入保養世充許之蘭英撫育提携備盡勩力時喪亂年饑人多餓死蘭英扶路乞丐拾遇有所得便歸與師仁蘭英唯啖土飲水而已後

詐採拾乃竊師仁歸於京師帝嘉其義下詔曰師仁乳母王氏慈惠有聞撫鞠無倦提携遺幼背逆歸朝宜有褒隆以賜其號可封永壽鄉君

張善相許州襄城人也大業末爲里長每督縣兵逐小盜爲衆所附遂據本郡歸于李密密敗以城歸國帝授伊州總管王世充數攻之善相頻遣使請救兵旣不赴城中糧盡自知必敗謂寮屬曰吾荷國恩要當効命諸君無爲同死當斬吾頭以歸世充衆皆泣曰寧與公同死終不獨生後城陷被禽送於世充所辭色不撓罵世充極口尋被害帝歎曰吾負善相善相不負吾封其子爲襄城郡公

張志寬河東安邑人也武德八年丁母憂廬於墓側負土成墳有烏巢于廬前樹上志寬哭臨烏輒悲鳴帝聞之遣使就第吊授員外散騎嘗侍賜物三百段表其門閭

太宗貞觀元年勅召臨淮劉子翼入京辭以繼母年老不赴色養之美鄉里稱焉江南道大使李襲譽奏旌表之仍賜以米布改所居爲孝慈里及母卒摧毀傷感行路

二年九月涇陽人田伯明高陵寡婦李氏各賜帛三

十疋旌孝義也

六年正月蠲布衣邊鳳舉常引宗崔定仁陳嗣等四家課役褒孝義也鳳舉渤海人引宗邑西人並以至孝聞於鄉黨葬父母皆廬墓次負土成墳鳳舉植柏而爲嘉樹引宗廬前生芝草七十餘莖見者以爲孝感丁父母憂縗服齋居二十餘年不釋定仁博陵人爲偶像晨昏定省若平生焉隋末群賊蜂起莫有侵掠者嗣隴西人四葉同居稱爲邕睦帝異之並下書褒美

七年十一月以少牢祭杜如晦杜淹李綱之墓

十二年二月帝幸長春宮表王隴德之間褒節義也隴德本馬翊人王藏仁之蒼頭也藏仁父母先歿未獲合葬既而從役物故其妻孀居旁無親屬隴德迎致其屍并其父母而葬之因廬其墓次負土成墳每有白雉悲鳴於墳上焉

十月表通事舍人薛萬備之間旌孝行也萬備者營州都督萬淑之季弟也初丁母艱截髮爲髦以充飲及葬廬於墓次負土成墳帝聞而嘉之降璽書吊慰焉

十五年二月表華州鄭人王瞿曇之間旌孝行也瞿

曇事親以孝養聞閭里稱其敬讓葬祖父母及伯父皆負土成墳三年乃畢母終亦如之晝夜悲號哀感行路頭髮盡落形體枯悴墓門三年不掩夜嘗寢於棺側服終之後仍不離墓焉

十一月壬戌賜孝女夏侯碎金布帛二十段粟十石仍標其門閭碎金滑州昨城人先適河間劉氏已產一女其父因疾喪身碎金遂求離其夫以終侍養夫不違其志分留一女碎金供養其父無事後母以孝聞鄉里方之曾閔父亡號哭之聲朝夕不絕哀毀之至殆不勝喪寒不衣絮被髮徒跣負土成墳廬於墓側至是已歷五年日一食而止

十七年齊王祐舉兵祐初遣沓君謩將數百騎擊平陵平陵人拒守獲全詔嘉之改平陵爲全節縣

十九年二月庚戌輿駕發雒陽丁巳詔曰昔望諸列國之相漢主尚求其後夷吾霸者之臣魏君猶禮其墓况正直之道邁青松而孤絕忠勇之操掩白玉而振彩者哉殷故少師比干貞一表德鄰幾成性以明允之量屬無妄之辰玉馬遽馳愍其邦之殄悴寶衣將燎惜其君之覆亡其義不回懷忠蹈節謹言纒發輕百齡之命濞刑旣逞碎七尺之軀雖復周王封墓

莫救焚園之禍孔聖稱仁寧追剖心之痛朕自趙魏
 問罪遼碣經途秀麥之墟緬懷梓林之地駐蹕而瞻
 荒隴願以為臣撫躬而想幽泉思聞其諫豈可使慎
 終之義久闕於往冊易名之典無聞於後代宜錫寵
 命以展宿心可追贈太師謚曰忠烈所司崇其墓而
 葺祠堂州縣春秋二時祀以少牢給隨近五戶以供
 灑掃帝自為祭文

壬戌次安陽遣使以少牢祭齊清河王高岳之墓

是年帝征遼攻安市城不剋其城中皆屏聲偃幟城
 主升城拜手奉辭太宗嘉其堅守賜絹百疋以勵事

君之節

又遼東城長史為部下所殺而省事

省事郡吏也

携其妻

子奔白巖城降帝義之賜省事帛五疋仍為造靈輿
 歸平壤

二十一年二月甲戌賜滑州胙城女子劉少娘粟帛
 仍表其閭旌孝行也少娘母夏侯碎金亦以至孝聞
 少娘年十五而母亡遂廬於墓側負土成墳

許垣豫州人也年十歲父入山採藥為猛獸所噬即
 號叫以杖擊之獸遂奔走父得以全帝聞而謂侍臣
 曰垣雖幼童遂能致命救親至孝自衷深可嘉尚授

文林郎賜物五十段

堯君素隋大業末爲鷹揚郎將鎮河中義兵起固守不下高祖遣其妻至城下說令降君素引弓射殺後人心離叛左右斬之傳首京師梟於都市後帝幸河中歎其忠於隋室贈蒲州刺史以勵事君

楊三安妻李氏雍州涇陽人也事舅姑以孝聞及舅姑亡沒三安亦死二子孩童家貧寡李晝則力田夜則紡績數年間畢舅姑及夫之叔姪兄弟七喪深爲遠近所嗟尚帝聞而異之賜帛二百段遣州縣存恤

孝女衛氏字無忌絳州夏縣人也初其父爲鄉人衛長則所殺無忌時年六歲母又改嫁更無兄弟及長嘗思復讎無忌從伯嘗設宴爲樂長則時亦預坐無忌以磚擊殺之旣而詣吏稱父讐旣報請就刑戮

察大使黃門侍郎褚遂良以聞帝嘉其孝烈特令免罪給傳乘徙於雍州并給田宅仍令州縣以禮嫁之王少玄者博州聊城人也父隋末於郡西爲亂兵所害少玄遺腹生年十餘歲問父所在其母告之因哀泣便欲求屍以葬時白骨蔽野無繇可辨或日以子血霑父骨即滲入焉少玄乃刺其體以試之凡經旬日竟獲父骨以葬盡體病創歷年方愈貞觀中本州

聞薦拜除王府參軍

阿史那杜爾本突厥處羅可汗第二子貞觀中爲行軍總管以高昌凱旋帝謂杜爾日諸軍並分外求財爾獨能不取深可尚也高昌有一寶鈿刀是其國所寶卽以賜之并雜絲千段

李乾祐爲侍御史母卒廬於墓側負土成墳帝遣使就吊仍旌表其門

高宗永徽三年九月以周司沐大夫裴融尚書左丞封孝琰有忠節於前代制擢其子孫以旌介烈

五年二月庚申故維州都督贈尚書左僕射屈突通

故吏部尚書贈陝東道大行臺尚書右僕射殷開山並贈司空故澤州刺史贈荊州都督邳國公長孫順德贈開府儀同三司故左領軍大將軍竇琮贈特進故右武衛大將軍史大柰贈輔國大將軍故禮部尚書溫大雅贈尚書右僕射故太僕卿贈兵部尚書權引壽贈太子少師故洪州都督贈戶部尚書劉政會故荊州都督贈禮部尚書庶國公武士護並贈并州都督故襄州都督贈左驍衛大將軍張公謹贈荊州都督故資州刺史李高遷贈涼州都督故嘉州刺史李思行贈洪州都督故右光祿大夫張平高贈潭州

都督並追錄武德功臣也

六年正月親謁昭陵詔貞觀以來勲賢大臣陪葬者宜以少牢於墓致祭其子孫有淪屈者所司奏聞

三月丁酉遣北部員外李文禮致祭名臣圖形於凌煙閣者凡七人故太子太師魏徵右僕射高士廉特進蕭瑀輔國大將軍段志玄夔國公劉弘基徐州都督秦叔寶秘書監虞世南皆始終著名者也

四月丙寅鎮軍大將軍阿史那杜爾卒贈并州都督陪葬昭陵謚曰元仍令起冢象葱山以旌平龜茲之功也

顯慶元年八月賜相州司兵參軍武弘度宋州人程表師粟帛標其門閭旌孝行也

二年二月高宗在雒陽宮遣使祭伊尹周公伯夷叔齊許由等廟十月車駕幸許州次白善頓遣有司祭鄭子產及漢太丘長陳實之墓

五年二月車駕幸并州其義旗初職事五品已上身亡沒墳墓在州者令所司致祭

麟德元年十月己卯詔曰周京兆尹少冢宰廣陵郡守宇文孝伯忠亮苦心貞堅表志滯刑旣逞方納諫而求人忍忌將加其指軀而徇節年祀雖永風烈猶

生宜峻徽章式旌華胄其孫左威衛長史思純可朝散大夫

二年十月命有司致祭伊尹周公桓榮楊彪杜預等墓及祠廟

十一月己卯至滎陽祭祀信墓追贈驃騎大將軍

三年有事泰山路過鄆州聞壽張人張公藝九世同

居帝親幸其宅問其義繇其人請紙筆但書百餘忍

字帝為之流涕賜以纁帛焉

初北齊安王高樂詣宅慰撫旌表隋開皇中大

夫郤陽公梁子恭親慰撫重表其門貞觀中特勅更加旌表

咸亨三年十月丁亥詔脩葺傳說祠廟仍令所司少牢致祭

儀鳳二年吐蕃寇扶州之臨河鎮鎮將杜孝昇為賊

所執賊令送書松州以邀其降孝昇身遭六鎗竟不

從俄而賊衆捨孝昇而退又率餘衆拒守詔贈孝昇

游擊將軍以旌其忠烈仍賜物二百段孝昇俄以劄

甚去職詔令給祿終身

三年九月詔賜雍州司法參軍楊誼故妻常氏物百

段旌孝行也常氏鄜州刺史吉甫之女其父初嬰疾

疾累月不解衣而寢及父卒一慟而絕帝嘉其至行

特賜纁帛仍令編入國史

永隆二年四月贈故吉州長史陳行焉陸州刺史旌忠節也初行焉使吐蕃吐蕃大臣欽陵使行焉拜伏行焉擁節不屈臨之以兵竟不從因被拘留十餘年而卒至是喪還帝深嘉歎之故贈官焉

永淳二年正月車駕發東遣使祭巢父許由等祠廟五月以雍州人元讓爲太子右內率府長史旌孝行也讓弱冠明經擢第以母疾遂不求仕躬親藥膳蒸蒸致養不出閭里十餘年及母終廬於墓側蓬髮不櫛沐菜食飲水而已咸亨中孝敬監國下令表其門間至是巡察使奏讓孝悌殊異繇是拜職

孝女賈氏濮州鄆城人也年始十五其父爲宗人玄基所害其弟疆仁年幼賈氏撫育之誓以不嫁及疆仁成童思共報復乃候玄基殺之取其心肝以祭父墓遣疆仁自列於縣司斷以極刑賈氏詣闕自陳已爲請代疆仁死帝哀之特下制賈氏及疆仁免罪移其家於雒陽

東夷都護張儉第二女左千牛敏直之妻性至孝數歲時父母微有病急卽觀察顏色晝夜不離左右初聞儉有疾自傷不獲奔赴期於必死及凶問至號叫一慟而絕帝聞之下詔褒美贈物一百段仍令編入

國史

楊紹宗妻王氏華州華陰人也初年二歲所生母亡
爲繼母鞠養至年十五父又征遼而歿繼母尋亦卒
王乃收所生及繼母屍柩并立父形像招魂遷葬訖
廬於墓側培其祖及父母墳永徽中詔曰故楊紹宗
妻王氏因心爲孝率性成道年迫桑榆勩力衰謝以
徃在隋朝父歿遼左招魂遷葬負土成墳又葬其祖
父母等竭此老年親加板築痛結晨昏哀感行路永
言志行嘉尚良深宜標其門閭用旌敏德賜物三十
段粟五十石

蘇定方爲左武衛大將軍卒帝傷惜久之謂侍臣曰
蘇定方於國有功例合褒贈卿寧不言遂使哀榮未
及興言及此不覺嗟悼遽下詔贈幽州都督謚曰莊

冊府元龜

冊府元龜

帝王部

卷之三十三

二十三

冊府元龜

巡按福建監察御史臣李嗣京 訂正

知甌寧縣事 臣孫以敬參閱

知建陽縣事 臣黃國琦較釋

帝王部 一百二十九

旌表第三

唐中宗神龍元年詔曰號州人故楊初成往者運屬
殷憂志懷忠謹將迎六飛之駕奄罹五刑之罰身既
伏誅家又從坐言念誠節深可哀矜宜有褒榮式旌
忠順可贈左驍衛左一府郎將初成號州人垂拱中

僞稱卽將於東都市宣勅募人欲迎帝於房陵事覺坐斬籍沒其家至是旌表焉又故司空太子太師英國公李勣往坐其孫敬業構逆毀廢墳塋至是帝思其佐命功追復官爵命所司爲起墳改葬

三月以故司僕少卿徐有功執法平恕追贈越州都督仍遣使就其家吊祭令所司與一子官

二年十二月贈廬州刺史朱敬則秘書監褒異行也

敬則亳州人嘗與三從兄同居四十餘年財物無異

三年六月乙亥旌表江夏潘元祚門閭以其居喪結

廬墓次負土成墳也

睿宗唐隆元年六月下詔曰故許州司兵燕欽融先

陳忠讜頗列章奏雖干非其位而進不顧身末言奄

忽誠可傷悼方開諫路宜慰寃宥可贈諫議大夫仍

令備禮改葬初景龍四年欽融以帝后干政連上疏

切諫帝氏等大怒勸中宗召之欽融因而致死帝踐

祚以其言多切三下制贈焉

郭岌定州人也亦備諫帝氏帝氏又勸杖殺之帝卽

祚甚加傷悼贈諫議大夫

又制曰慎終追遠斯乃舊章表德旌賢有光嘗策故中書令裴炎含和稟粹履信居貞望重國華才稱人

秀惟幾成務績宜於代工偶俱無猜義深於奉上文明之際王室多虞保乂朕躬實著誠節而危疑起覺倉卒罹災歲月屢遷丘封莫樹永言先正感悼良多宜追賁於九原俾增榮於萬古可贈益州大都督先是永淳中太后臨朝武承嗣請立武氏七廟中書令裴炎進諫太后不悅而止後崔燦上言炎有異圖胡元範符儼皆明其無罪太后不納令斬于都亭驛前故有是贈

七月冊立皇太子大赦天下自神龍已來直諫枉遭非命咸令封植其墓又追贈故常月將爲宣州刺史景雲二年八月追贈故滑州常城縣尉張仲之爲饒州長史旌義烈也

玄宗卽位下制曰以忠報國典冊所稱感義捐軀名節斯在故右羽林衛大將軍上柱國遼陽郡王李多祚三韓貴種百戰餘雄席寵禁營迺心王室挺茲誠信翻陷誅夷賴彼神明重覆姦慝永言徽烈深合褒崇宜追歿後之榮以復生前之命可還舊官仍宥其妻子多祚初爲右羽林將軍節愍太子之舉兵也令多祚率衆先至玄武樓下眞帝聞以誅三思之意竟案兵不戰俄爲左右所殺時年五十餘是日并其二

子壻併命焉妻子並從籍沒至是追復又下制曰故蘇安嘗文學基身鯁直成操往年抗疏忠謹可嘉屬回邪擅權奄從非命興言軫悼用惻于懷宜贈寵章式旌徽烈可贈諫議大夫仍宥其妻子安嘗中宗時以事連節愍太子被殺故旌之

先天二年七月詔曰太平公主子薛崇簡執心奉國勵節忘私早辯忠邪每有規諫因被嫉加以鞭笞事不見從忠實可紀宜甄逆順復其官爵仍賜姓李太平公主謀逆諸子皆伏誅唯崇簡以先諫公主屢被鞭撻故得賜姓官爵如故

是歲有司奏孝子王知道母患骨蒸醫云須得生人肉食之知道遂密割股上肉半斤許加五味以進母母食之便愈即託他疾卧不令母知州縣以狀聞宰相請賜束帛帝曰宜與一官以旌孝行是年江西道按察使上言東陵人唐君祐喪母哀感鄉曲廬於墓側有芝草三莖生焉長沙人嚴待封少爲祖母所養祖母死居喪三載負土成墳手植松檟百餘株澧陽人張仁興五代同居其家堂後生一草彩色甚茂並有勅旌表門閭

開元二年正月乙酉制曰崔玄暉張東之等往以神

寵之初保乂王室奸臣所忌謫居炎海流落變衰感
激忠義玄晞嗣子吏部郎中璩清才雅韻靜守專直
東之嫡孫必祖考繼歿遺孤可傷彼勲業之下淪佇
名賢之必復是得景倩而悲仲宣者也高祖封樂毅
之後武帝求蕭何之裔斯不遠哉昭於德義緬懷前
烈宜加後命璩必並可朝散大夫

二月乙亥以徐有功之子日倫自大理司直為恭陵
令勅曰其父昔為理官時密刑網遂能堅守忠直每
抗回邪海內稱其不寃朝廷賴其惟恤永言種德必
歸餘慶宜甄嗣子俾勸群臣

十月帝以王海賓單騎赴難勇冠群帥及臨洮之役
輕敵致陷身歿功存誠節尤著乃詔贈左金吾衛大
將軍賻物三百匹米粟三百石喪事並官供命紫微
舍人倪若水吊祭仍與一子五品官下制曰盤矛赴
敵義光忠壯免胄捐軀情殷悼惜故防禦群牧使豐
安軍使右衛率府率王海賓七卒楨幹萬里長城抱
鐵石於胸襟運韜鈴於掌握屬犬羊為寇牧圉罹災
出車徇其征討躍馬先其掩襲挫彼鋒銳殲厥渠魁
克國持邊佇終文略建威臨陣忽喪驍雄興言震懷
思有褒美宜加大將之禮兼茂后昆之秩

四年十一月黃門盧懷慎卒明年帝於城南望見懷慎別業方設大祥齋帝憫其貧困歎息久之下詔曰故銀青光祿大夫簡較黃門監上柱國范陽縣開國伯贈荊州都督盧懷慎衣冠重望廊廟周材訏謨當三傑之一學行惣四科之二等平勃之輔漢同季文之相魯質隣於古儉實可師雖清白燕翼籛金非寶然妻孥貧窶擔石屢空言念平昔彌深軫悼宜恤凌統之孤用旌晏嬰之德宜賜其家物一百段米粟二百石因制中書侍郎蘇頌爲之碑文仍親禮焉

六年十二月以鄂州人潘元祚屢辭弓旌獨守墳墓行能勵俗學可爲師拜左拾遺內供奉仍直左春坊侍皇太子讀書

十一年行幸北都太原人趙栖桐隱居有道年暮羸痺詔就其私第拜著作郎仍聽致仕賜帛五十疋

十四年宋州奏單父人劉九江三代同居有慈烏巢于庭戶鄉里榮之名其鄉曰邕睦鄉里曰同居里請旌表其門許之

是年鎮州鹿泉人李處恭張義貞青州北海人呂元簡定州鼓城人彭思義及蔡州孝女楊氏等並以孝義聞著旌表其門處恭與義貞異姓同居於今三代

凡百餘年元簡四代同居所食六畜皆異母同乳思

義居喪至孝廬於墓側有嘉禾生及白兔馴擾

十五年九月制曰故益州長史張守潔故桂州都督

員嘉靜等並授委藩鎮克著勤勞奄隨化往良深震

悼言念旅櫬猶在遐方用加優恤以慰泉壤宜官造

靈輦給傳還鄉所緣葬事並委有司支給

是歲華陰人韓思訥六代同居特旌其門

二十年三月以右驍衛將軍同正員安金藏忠節見

於先朝特封為代國王仍於東嶽西嶽等鑄碑勒其

名制曰義不辭難忠為令德保佑君主安固邦家則

必荷寵光之休膺土宇之錫安金藏忠義奉國精誠

事君往屬酷吏肆兇潛行謀構當疑懼之際激忠烈

之誠突亦刻心保明先聖見危授命沮奸邪之慝轉

禍存福獲明夷之貞雖鳴玉銜珠已備於休命而疇

庸疏爵未洽於殊榮宜錫寵於珪組兼勒名於金石

二十三年三月河北採訪使張守珪奏相州湯陽縣

有孝子石佺奴請旌表門閭許之佺奴三歲喪親廬

於墓側凡二十餘年坐內有枯樹重生枝葉群鳥馴

擾鄉里咸敬異之

閏十一月相州又奏孝子石佺奴
瑩內有寒竹抽笋數十枝望旌表

其門以章
孝理許之

二十四年制曰貴德尊賢飾終念往此聖人所以理天下厚風俗也王友貞稟氣元精遊心太朴孝惟不匱獨貫於明時道則難名高謝於人代言念錫類方期化俗遽爾凋殂良深愍悼生無大位雖隔外臣之儀沒有餘榮宜贈上卿之服可贈光祿大夫仍令州縣長官吊祭友貞長安人歷位長水縣令後罷歸田里中宗在春官召爲司議卽不就神龍初又拜太子舍人仍令所司以禮徵赴乃以疾辭制曰敦夷齊之行可以激貪尚顏閔之道用能勸俗新除太子中舍人王友貞德義泉藪人倫茂異孝愛始於事親忠信表於行已富在文史薰於財貨久歷官嘗累聞課績有古人之風保君子之德乃抗志塵外棲情物表深歸解脫之門誓守薰脩之誠須加徵命作護儲闈固在辭榮陳情懇至朕方崇獎庶退懲靜澆浮雖思廊廟之賢豈遠山林之願宜加優秩仍遂雅懷可太子中舍人員外置給全祿以畢其身任其在家脩道仍令所在州縣存問四時送祿至其住所帝在東宮又表請脩禮徵之以年老竟辭疾不赴是歲九十餘卒故有褒贈

二十五年五月己亥京兆人張阿九母疾阿九割股

肉饋之厥疾遂愈先是同郡趙言亦以割股養母聞帝嘉之賜阿九及言物各五十段以旌孝行

天寶四載二月京兆府奉天縣人趙正言母病割股肉以餌母疾瘳賜物五十段以資孝養華原人韓難陀父亡廬於墓側凡十六載金城女董氏家無兄弟孝養不嫁父亡廬於墓側凡六載並表其門閭賜以粟帛

三月陳留郡封丘人楊嵩珪母亡負土成墳於所居別立靈几畫父母形貌享祀十有餘載尉氏縣人楊思貞父亡廬於墓三十八載有芝草白兔甘露等瑞並賜粟帛旌表門閭

四月興州人燕遺倩既孤於堂中刻木爲父母形象施帷帳衣服如存朝夕奠祭鄉閭甚敬異之

蜀郡人郭景華孝行過人父喪明景華晝夜啼泣宅中忽湧甘泉因以洗目漸明東陽郡人應先父亡廬於墓側有芝草連理樹生並旌表門閭以昭孝行十五載袁光庭爲伊州刺史祿山之亂西北邊戍兵入赴難河隴郡邑皆爲吐蕃所拔惟光庭守伊州累年救不至虜乃百端誘說終不降屈部下如一及矢石旣盡糧儲並竭城將陷沒光庭手殺其妻子自焚

而死朝廷聞之贈工部尚書

王君奭判涼州都督為吐蕃所殺帝甚痛惜之制贈特進荊州大都督給靈輿遽歸京師葬事並官給賻物三百段粟三百斛仍令鴻臚卿一人充使監護韓思復睿宗朝為給事中活嚴善思於雷霆之下拒武三思於諂附之中帝御筆題碑云有唐忠孝韓長公之墓

肅宗至德二年二月大赦詔曰賊陷兩京文武嘗參官及諸州刺史有絕脰仰藥不事叛人為衆所知者量加優贈十二月詔曰忠臣事君有死無貳烈士殉義雖滅猶存其李愷盧奕顏杲卿袁履謙許遠張巡張介然蔣清龐堅等即與追贈

臣欽若等曰自李愷以下並為安祿山亂死

王事也
三年正月詔内外文武官陷在縣中潛藏不出或託疾不仕忠節可嘉並與成考

是月京兆尹李峴奏奉天縣百姓滑清泌父茂先疾亟清泌割右股肉方圓二寸與父食之病乃痊詔清泌宜與官以旌孝道

二月詔天下州縣有遭逆賊攻擊堅守不下竟以獲全其官人百姓中有誠効灼然為衆所知者宜令本

道使案驗奏聞據狀述酬其官賞身亡沒者重加奏贈有父母存者仍與一官及邑號無父母者與一官如有一家丁壯盡被屠害其父母妻子仍令州縣以官物賑恤并量造舍宇使得安存

乾元二年北庭行營使李嗣業自正月與諸將同圍相州是時築隄引潼水灌城經月餘城不拔時軍無統帥諸將各自圖全人無鬪志賊每出戰嗣業被堅衝突屐鋒冒刃爲流矢所中數日瘡欲愈卧於帳中忽聞金鼓之聲因而大叫瘡中血出數升注地而卒帝聞之痛悼而嘆惜之下詔曰臨難亡身爲臣之大節念功加贈經國之賞典故衛尉卿兼懷州刺史充北庭行營節度使號國公李嗣業植操沉厚秉心忠烈懷幹時之勇略有戡難之遠謀久仕邊陲備經任使自兇渠構亂中夏不寧持感激之誠摠驍果之衆親當矢石頰立勲庸壯節可嘉將謀於百勝忠誠未遂空恨於九泉言念其功良深憫悼死於王事禮有可嘉宜增裂土之封用廣飾終之義可贈武威郡王其明贈及緣葬事所司倍於嘗式仍令官給靈輿還所在以其子佐國襲其官爵實封二百戶

代宗寶應元年鳳翔天興人楊播隱居以孝行旌表

門閭一云播登進士第隱居不仕玄宗徵爲諫議大夫棄官就養以孝行禎祥表其門閭肅宗就加散騎常侍賜號玄靜先生初播父哲以孝行有異旌其門閭後播子炎爲起居舍人辭祿就養岐下丁父憂廬於墓前號泣不絕聲有紫芝白雀之祥又表其門閭孝著三代門樹六闕焉

八月梁州刺史臧希讓上言南鄭縣百姓李貞古孝行彰聞請付所司旌表從之貞古六歲而孤母欲改嫁貞古雨泣留之母遂守志母未食寢貞古不食寢及母亡負土成墳廬於墓側有猛虎馴於廬前白鼠見於墓門村人異之

永泰元年正月京兆尹第五琦奏奉天縣竇昇朝二女伯娘仲娘雖長於村野而幼有志操住於邠州接界草賊數千人持兵亦入其村落行剽劫聞二女有容色姊年十九妹年十六歲藏於巖窟間賊徒擬爲逼辱乃先曳伯娘出行數十步又曳仲娘出賊相顧自慰行臨深谷伯娘曰我豈受賊污辱乃投身於谷賊方驚駭仲娘又投於谷谷深數百尺姊尋卒仲娘脚折首破血流被體氣絕良久而蘇賊義而去琦感其貞烈奏之詔旌表門閭仍長免丁役二女葬事官

給京兆戶曹陸海首賦詩以美之

三月河南等道都統黃門侍郎同中書門下平章事王縉奏徐州處士皇甫暉養母以孝聞請旌表門閭許之

是月追贈故徐州蘄縣令李瀾瀾弟渤等官先是東都未平梁宋間群盜連聚或至二千餘衆攻陷城邑瀾守蘄縣力屈為盜所執將害之瀾弟渤詣盜請代兄死瀾又請殺身買弟兄弟爭死俱為盜害瀾女原武尉盧甫妻也見父被執號泣請代死亦為盜所害宣慰使吏部侍郎李季卿以節義聞有尉氏尉王泛

妻裴氏儀王傳臣卿之女也素有容範為賊所俘賊逼之裴曰吾衣冠之子當死即死終不苟全一命受污於賊賊惜之臨之以兵逼之以力裴堅罵抗之賊怒乃支解裴氏至死不屈季卿亦以狀迹聞詔曰鄭州原武尉盧甫亡妻李氏汴州尉氏尉王泛妻裴氏等懿範傳家柔明植性頃因寇難克彰義烈或請代父死表因心之孝或誓逐夫亡標難奪之節宜膺贈飾俾光休美李氏可贈孝昌縣君裴氏贈河南縣君仍編入史冊瀾渤亦贈官秩

二年六月賜安南節婦金氏兩丁侍養金氏本賊帥

陶齊亮之母以忠義訓齊亮不受遂與齊亮絕自績而衣自田而食州里稱之仍詔本道使每季給銀二兩并衣服以終其身

大曆四年二月左千牛薛鋒母病割股肉啖母病愈詔下有司旌表門閭

三月睦州司士參軍許利川居母喪以孝聞有芝草八莖及連理樹一株產於墓廬詔旌表其門閭

六月詔曰武德貞觀之間有若魏徵王珪李靖李勣房玄齡杜如晦等扶翼大運動勞王家尊主庇人匪躬致命咸有一德格于皇天緬然長懷風烈猶在其後嗣沈翳特加優獎如廟宇荒毀即宜脩葺無德不報何日忘之

六年十月邛州上言依政縣百姓樊漪居父母喪負土成墳廬於墓側有兔鴿馴擾木連理慈竹自生詔旌表門閭

七年七月鎮州上言鼓城縣人陳岷居父喪被髮廬於墓側不掩墓門哀毀過禮望旌表門閭許之

十一月京兆府上言櫟陽縣人董思寵五代同居子孫凡八十餘人友愛敦睦鄉里稱之天寶末寇盜剽掠村閭此家獨全年遭水旱此家獨免至於征稅每

先於人伏望旌表門閭編諸史冊許之

八年十二月江南西道觀察使路嗣恭上言信州弋陽人張球父歿五年廬於墓側哀毀過禮墓門塼土生芝草七莖有鵲巢于墓之叢竹請旌表門閭許之九年二月庚辰追贈故河西隴右副元帥都知兵馬使秦州刺史郝廷玉爲工部尚書錄勲也

四月追贈故平盧節度使柳城郡太守劉正臣爲工部尚書正臣本名客奴初祿山叛逆正臣越海遣使奉順帝錄其誠節故寵之

德宗建中元年十一月詔故侍中平陽郡公贈秦州刺史敬暉重贈太尉故吏部尚書漢陽郡公贈中書令越州刺史張柬之贈司徒故侍中扶陽郡公贈兗州刺史桓彥範贈司徒故中書令博陵郡公贈幽州刺史崔玄暉贈太子太師故中書令南陽郡公贈洪州刺史袁恕已贈太子太傅故中書令贈荊州大都督張九齡贈司徒故中書令越國公鍾紹宗贈太子太傅時以國朝將相雖嘗贈而未稱者再贈之故有是命

二年三月代州刺史贈太子太師賈循重贈太尉并妻子皆備禮改葬故蘄州刺史贈華州刺史姚閭重

贈潞州大都督與其子一人官皆以死王事也

五月以澤州人雍先五代共居表其門閭

七月贈故伊州刺史袁光庭工部尚書初光庭守伊州虜圍之連歲不能拔及力竭將陷先刃其孥而自焚死焉

三年二月贈故成德軍節度判官簡較司封郎中兼御史中丞邵真戶部尚書與一子五品正員官真嘗爲李寶臣掌文翰深所信任寶臣死其子惟岳僞領父衆李正已田悅欲其同反各通使於惟岳真泣諫曰先公位兼將相受國厚恩大夫縲絰之中遽欲違

命同隣道之惡背先公之志不可田悅與我密邇絕之恐速禍正已稍遠絕之易耳但令悅使還報請徐思其宜執正已使于京師因請致討朝廷必嘉大夫忠而旌節可得若受節於正已卽當臣之爲之奈何惟岳許之令真草奏將發孔目吏胡震頗任事言於惟岳曰此事非細請與諸將吏議之至會議其鎮州刺史畢華曰先公與二道親好二十年一朝背之不可今執其使送京師大善脫未爲朝廷所信正已兵疆忽來襲我孤軍無援何以敵之不若仍舊勿絕徐觀其變惟岳又從之真又勸惟岳遣其弟惟簡入朝

仍遣軍吏薛廣嗣詣河東節度馬燧軍請從順屯兵東鹿田悅聞其謀使使謂惟岳曰邵真惑亂軍政必速殺之不然吾且自討其罪矣惟岳懼遂殺之故有褒贈

四月贈故右僕射稽遂良太尉

五月詔曰故河西兼伊西北庭節度觀察使簡較工部尚書兼御史大夫夫贈太子太保楊休明故河西節度觀察使簡較工部尚書兼侍御史大夫周勣故西州刺史兼御史中丞李秀璋故瓜州刺史兼御史中丞知河西節度留後張銑或寄崇方鎮或攝摠留務

時屬殷憂並抗貞節率勵將吏誓一其心固守西陲以俟朝命羗戎乘間驟逼城池國家方有內虞未遑外救河隴之右化爲虜場俾我忠良歿身異域彌歷年紀以逮于茲旅柩方旋誠深憫悼故遽加寵贈俾極朝榮式彰茂烈永賁幽壙休明可贈司空昂可贈太保秀璋可贈戶部尚書銑可贈兵部侍郎休明等自至德後陷沒於吐蕃至是其族各以其柩至故加褒贈休明男燁并將較等追贈者十餘人仍官爲殯葬

八月太子賓客第五琦卒琦之子峯峯婦鄭氏女皆

以孝著旌表其門

四年二月將作藍田昂亡母亡姨亡妻汾州刺史李再春亡妻其子瑤亡妻等並追贈國夫人昂瑤亡子亡女皆贈官封初昂再春瑤棄其族來降田悅盡滅其家少長無類瑤至京師授左監門衛將軍再春爲汾州刺史兼寵贈其家

三月贈故淮寧軍都虞侯兼御史大夫實封一百戶周魯太尉益實封二百戶故許州鎮遏兵馬使兼御史中丞實封五十戶王玠司徒益實封一百五十戶故淮寧軍兵馬使兼御史中丞實封五十戶呂從貴

左僕射益實封一百戶故十將試太宰卿康秀琳右僕射益封一百戶故節度押衙監察御史裏行姚愔兵部尚書賜實封二百戶故十將試太子賓客梁興朝戶部尚書賜實封一百戶故十將試太嘗卿賈櫟卿刑部尚書賜實封一百戶故試太宰卿侯仙欽工部尚書實封一百戶命散騎常侍蕭昕往汝州境上以禮致祭并委李勉哥舒曜訪其家以名聞有子者得回父官爵子孫三代過犯者減一等論以淮寧軍節度押衙試殿中監常清爲太子賓客兼御史中丞封安定郡王賜實封一百戶其周魯等所賜實封可

載於典冊傳其子孫初希烈怒哥舒曜收汝州令周
魯等以兵三萬來擊曜魯玠憺清等自號四公子因
希烈之親吏梁銳動靜輒馳告勉至是魯乃謀於周
志欲廻軍據蔡州王玠應於許州姚憺常清居中殺
希烈議定密令奏之且請毒藥以寘其食得陳藥一
丸無效魯等以故久不發初希烈令養子十人從魯
魯次襄城欲行其志養子等知其謀亡告希烈乃使
其將李克誠率驃軍千人攻殺魯等而收其兵復殺
玠憺等始常清約事洩無得相引清以故幸免然終
懼不得脫乃說希烈日今兵寡勢弱不足以集事請

與朱滔使宋少直詣滔乞師希烈信然遣之夜次襄
邑境乃奔歸劉洽希烈聞魯等有變兵亂乃閉壁數
日鄭州尉氏賊亦惶駭奔去希烈乃上疏歸罪魯等
率兵還保蔡州

是月又贈故衛尉卿兼御史中丞顏杲卿司徒故掌
山郡太守袁履謙左散騎掌侍故許州長史龐堅右
散騎掌侍故鞏縣主簿蔣清禮部侍郎并錄其子孫
履謙妻封氏封申國夫人

臣欽若等曰自顏杲卿已
下並為安祿山亂死王事

也

又贈故右驍衛將軍代國公安金藏兵部尚書授其

子承恩銀青光祿大夫試殿中監兼廬州長史

四月贈故禮部尚書李之芳亡女隴西郡夫人初李克誠既陷汝州殺掠居人士女賊至李氏家李氏恐逼辱遂投井死

八月贈曹孝昌左僕射實封二百戶孝昌李希烈之將孝昌以隨州降尋爲其將康叔夜所殺復叛故有是贈

十月贈左龍武大將軍呂希倩太尉賜實封三百戶子孫不絕官爵又贈將軍高仲傑司空實封三百戶子孫不絕官爵初帝避難於奉天朱泚之賊於城東西南三面踰城渾瑊率招召突將三百人分道連戰翼日辰時殺傷太甚賊力屈而退希倩死之俄賊復攻城仲傑力戰而死故有是贈仍官給棺櫬衣服遣宰臣宣旨致祭

興元元年二月帝在奉天詔曰見危致命之謂忠臨義有勇之謂烈惟爾克勵臣節不憚殺身惟朕式嘉乃勲懋昭大典日台不德罔克若天邁茲殷憂變起都邑惟爾卿士嗷然靡依逼畏所加淄澠共混故開府儀同三司簡較禮部尚書司農卿上柱國張掖郡王段秀實操行嶽立忠厚精至義形於色勇必有仁

頃者嘗鎮涇原克著威惠叛卒知訓咨爾以誠賊泚
藏姦欺爾以詐守人臣之大節洞元惡之深情端委
國門挺身白刃誓碎兇渠之首以敵君父之讐視死
如歸履虎致啞噫天未悔禍事乖垂成雄風壯圖振
駭群盜昔王蠋守死以全節周顛正色而抗詞惟我
信臣無愧前哲聲聞寰宇義冠古今足以激勵人倫
光昭史冊不有殊等之賞孰表非嘗之功爰議疇庸
特超簡限著之甲令樹此風聲可贈太尉謚曰忠烈
宣行史官仍賜實封五百戶莊宅各一區長子與三
品正員官諸子並與五品正員官仍廢朝三日收京
城之後以禮葬祭旌表門閭朕承天子人臨馭億兆
一夫不獲則予之辜况誠信不達屢致寇戎使抱義
之臣陷于凶逆有臨危致命歿而愈彰有因事成功
權以合道苟利社稷存亡一致酬報之典豈限嘗員
並委所司訪其事跡續具條奏當加褒異錫其并賦
圖形雲閣書功鼎彝以彰我有服節死誼之臣傳于
不朽是月又贈故商州刺史謝良輔左散騎嘗侍初
涇原兵亂京師後數日商州團練兵亦作亂害良輔
焉及此追贈

四月贈故吏部郎中郭雄同州刺史詔曰朕越自邦

畿至于梁漢而庶尹卿士各勤其職雄以鋒刃之下
倉卒遇害親戚阻絕孤魂何依豈不以予一人不德
而使子大夫罹其禍也永言惻惻增軫於懷爰申褒
贈俾如嘗典

六月故神策京西兵馬使簡較工部尚書兼御史大
夫楊惠元贈右僕射仍賜絹百疋惠元男故尚食奉
御晟贈殿中監故左衛兵曹參軍曷贈邠州刺史褒
死難也惠元以兵屬李懷光建中四年冬自河朔同
赴國難解奉天之圍明年四月懷光旣圖叛逆惠元
義不受汙脫身奔竄至奉天會乘輿南幸李懷光怒
惠元之逸令其將冉宗以百餘騎追及於好畤縣惠
元計窮父子三人並投人家井中冉宗並出而害之
及是各加追贈焉

是月給事中孔巢父往河中宣慰李懷光遇害帝聞
而驚悼久之贈尚書左僕射賜其家布帛粟米甚厚
仍授一子正員官收復河中日所司備禮葬祭之

七月詔曰贈太尉段秀實天授貞烈激其頽風蒼黃
之中密蘊雄斷將舒國難詭收寇兵撓其兇謀果集
吾事挺身徑進奮擊渠魁英名凜然振邁千古宜差
官致祭并旌表門閭緣葬所要一切官給仍於墓所

官為立碑以揚徽烈諸軍將士有身死王事委本使
具名銜聞奏即與褒贈

又贈故左驍衛大將軍樂平郡王劉海賓太子太保

追贈實封一百戶

臣欽若等曰
海賓事其後

八月詔贈太尉段秀實宜令所司即與置廟立碑

九月贈故涇原都知兵馬使試大嘗卿何明禮兵部

尚書故推官試晉州別駕岐靈岳贈同州刺史旌死

節也初段秀實與劉海賓及明禮靈岳潛與約剋期

誅朱泚事洩皆遇害故有斯贈

十月以前太嘗卿蕭定為太子少師前大理卿蔣沈

為右嘗侍前秘書監程鎮之為太子賓客並以陷賊

不仕褒之也

十二月以前祠部郎中王礎為比部郎中前起居舍

人鄭南史為司封員外郎前工部員外郎史官脩撰

荀尚為駕部員外郎前左庶子張蔭為彭州刺史礎

等並朱泚時潛不仕也

貞元元年正月詔曰君臣之義生錄其功沒厚其禮

况才優任國忠至滅身朕每興歎勞於寤寐故光祿

大夫守太子太師上柱國魯郡公顏真卿器質自天

公忠傑出出入四朝堅貞一志屬賊臣擾亂委以存

諭拘脅累歲死而不撓稽其盛節寔謂猶生朕致移斯禍慙悼靡及式崇嘉命兼延爾嗣可贈司徒仍賻絹帛五百端米三百石男頽碩等至喪制終後所司聞奏超授官秩時李希烈陷汝州宰相盧杞奏顏真卿使諭之既爲所迫不從遂縊殺之

四月加朔方將石崇憲簡較工部尚書來重隨簡較太子詹事兼御史中丞初馬燧渾瑊統兵討李懷光懷光俾部將徐光將數千衆保長春宮復俾石崇憲將驍兵援徐光崇憲以數千騎來降懷光遂屠其家故加官

九月贈朔方節度都虞侯呂鳴岳工部尚書鳴岳前欲圖李懷光以從順事洩爲懷光所殺故追贈焉十一月贈朔方邠寧節度兵馬使兼御史大夫石演芬兵部尚書仍賜錢三百千演芬本西域胡人以武勇爲朔方節度李懷光養子以至右武鋒都將時懷光軍屯三橋將與朱泚通謀演芬乃使食客郤成義密疏具言懷光反狀請卽罷其總統成義至奉天乃反以其言告懷光子璀密報其父懷光乃召演芬責之曰我以爾爲子柰何欲破我家耶今死可乎演芬對曰天子以公爲腹心公以演芬爲腹心公上負

諭拘脅累歲死而不撓稽其盛節寔謂猶生朕致移斯禍慙悼靡及式崇嘉命兼延爾嗣可贈司徒仍賻絹帛五百端米三百石男頽碩等至喪制終後所司聞奏超授官秩時李希烈陷汝州宰相盧杞奏顏真卿使諭之既爲所迫不從遂縊殺之

四月加朔方將石崇憲簡較工部尚書來重隨簡較太子詹事兼御史中丞初馬燧渾瑊統兵討李懷光懷光俾部將徐光將數千衆保長春宮復俾石崇憲將驍兵援徐光崇憲以數千騎來降懷光遂屠其家故加官

九月贈朔方節度都虞侯呂鳴岳工部尚書鳴岳前欲圖李懷光以從順事洩爲懷光所殺故追贈焉

十一月贈朔方邠寧節度兵馬使兼御史大夫石演芬兵部尚書仍賜錢三百千演芬本西域胡人以武勇爲朔方節度李懷光養子以至右武鋒都將時懷光軍屯三橋將與朱泚通謀演芬乃使食客郤成義密疏具言懷光反狀請卽罷其總統成義至奉天乃反以其言告懷光子璀密報其父懷光乃召演芬責之曰我以爾爲子柰何欲破我家耶今死可乎演芬對曰天子以公爲腹心公以演芬爲腹心公上負

天子安可下責演芬且演芬胡人不解異心欲守死以事一人幸得免呼爲賊死當分也懷光初使左右齎食之皆曰此忠烈之士也可令快死乃以刀斷其頸至是上念其義烈故加追贈

二年十月以前淮西行軍司馬簡較左庶子兼御史中丞呂仲容爲刑部郎中前潞州刺史張應爲吉州刺史仲容應皆陷李希烈受其僞署官數有章表陳賊中事宜帝每嘉歎及希烈平徵至特加賜賚而命官焉

三年四月贈故淮西節度使簡較工部尚書兼御史大夫陳仙竒太子太保賻布帛粟米有差喪事官給仙竒起於行間性特忠果自李希烈死頗竭誠節而吳少誠輩十數大將素兇悖醜正遂結黨害仙竒焉閏五月朔方河中副元帥渾瑊與蕃相尚結贊會盟於平涼瑊與副使兵部尚書崔漢衡監軍特進宋奉朝等皆入幕次結贊伐鼓三聲其衆呼譟而至瑊遽出自幕後偶得他馬奔歸奉朝爲亂兵所殺六月贈奉朝開府儀同三司右衛大將軍以死王事也十一月彭城李子尹務榮喪親廬於墓側六年有芝草之祥詔旌其門閭

五月建州奏邵武縣人黃天喪母廬於墓側有紫芝生詔旌其門閭

五年二月潤州奏句容人張崑洧居父喪孝行著聞詔旌表其門閭

八年閏正月贈故御史中丞張巡妻隴西郡夫人李氏申國夫人帛百疋追舊勲也

臣欽若等日
巡事具前

十二年七月宣武軍節度李萬榮病疾署其子迺為兵馬使迺殺大將伊婁浣張伍倉官劉叔向等大將

鄧惟恭等執迺送京師詔浣等三人委中書門下郎與迺贈仍各與一子八品正員官

順宗以貞元二十一年正月即位六月詔日前昭義軍泗州營衙前兵馬使大中大夫試太子賓客兼監

察御史張重政門有勲力性推毅勇夙聞克家之美嘗稱撫衆之才近者其父初亡群小扇惑誘以奇計

俾執軍麾而重政與其母兄號泣固拒遂全懇願奔告元戎不為利回成其先志於家為孝子在國為忠

臣軍郡又安行義昭著念茲名節感歎良深宜洽恩榮俾弘激勸禮無辟於金革理當申於權奪戎章憲

府式宗兼學可起復雲麾將軍守左金吾衛大將軍員外置同正員簡較太子詹事兼御史中丞仍委准

南節度使與要職事任使重政泗州刺史伍之子伍在州十餘年拜金吾詔未至病卒軍令欲令重政代為將重政與其母徐氏拒不從獲免故寵之
七月贈故忠州別駕陸贄兵部尚書故道州刺史陽城左散騎掌侍仍賜其家錢二百千令所在州縣給遽以喪葬

冊府元龜 冊府元龜

巡按福建監察御史臣李嗣京 訂正

新建縣舉人 臣戴國士參閱

知建陽縣事 臣黃國琦較釋

帝王部 一百四十

旌表第四

唐憲宗元和元年十二月贈故嘉州刺史崔佐時大理卿佐時為西川留後劉闢所殺故也

二年七月詔曰王者旌表通乎異代况音徽未遠名迹可尋風流所傳弊俗興起舉其遺直足勸事君故

南節度使與要職事任使重政泗州刺史任之
在州十餘年拜金吾詔未至病卒軍令欲令重政
為將重政與其母徐氏拒不從獲免故寵之
七月贈故忠州別駕陸贄兵部尚書故道州刺史
城左散騎掌侍仍賜其家錢二百千令所在州縣給
遽以喪葬

冊府元龜

巡按福建監察御史臣李嗣京 訂正

新建縣舉人 臣戴國士參閱

知建陽縣事 臣黃國琦較釋

帝王部 一百四十

旌表第四

唐憲宗元和元年十二月贈故嘉州刺史崔佐時大
理卿佐時為西川留後劉闢所殺故也

二年七月詔曰王者旌表通乎異代况音徽未遠名
迹可尋風流所傳弊俗興起舉其遺直足勸事君故

朝議大夫守給事中襲南陽郡公袁高茂功之後清德冠時貞元初職在論駁嘗執讜議封還詔書居平爵嘗則汎然而無忤會節有立皆卓爾而難踰故能望重朝端行滿天下未踰大任遽歿中身德之不忘久而彌著朕方弘景化寤寐前良用旌尚德之懷俾申加等之贈哀榮所被勸獎斯存可贈禮部尚書高貞元初抗論盧杞中外相賀數正直者以高爲第一李吉甫爲相備陳其事始下詔贈

十月潤州李錡平制日王澹趙琦等仗節死義殺身

成仁無罪無辜受茲殘酷所宜褒表以勸忠貞即加追贈仍令州府致祭收葬其王澹如有子弟服滿日

與一子八品正員官如更無辜受戮及脫身效順者亦委李元素具事跡聞奏當有褒贈及加甄錄如受戮之中有長行官健勿停糧賜優給其家初澹爲錡判官及錡言歸闕署爲留後錡旣無行意尋托疾屢改發期澹與中使頻論之錡不悅澹旣摠留務或有制置錡益不能平潛諷親兵令殺澹者數矣因散冬衣澹入謁錡兵士數百人持刃拽於階下齎食之監軍聞亂遣衙官趙錡慰諭又齎食之及錡敗故有詔贈

三年二月贈故布衣崔善貞睦州司馬旌忠諫也初李錡鎮浙西恃恩驕恣善貞詣闕上封言錡罪狀德宗械送錡錡坑殺之錡敗贈官

五年正月贈故左神策軍大將軍陽山郡王酈定進兵部尚書賻布米粟有差定進時號勇將嘗征蜀有功及討王承宗力戰陣敗馳歸馬倒賊識曰酈王也遂爲所害官軍爲之喪氣繇是褒贈

四月睦州上言州人方良琨六代同居請表其門閭從之

五月贈故昭義軍將曹公父左金吾衛大將軍公父母鄭氏封武威郡太夫人仍賜錢三十萬先是謀擒盧從史公父參之倉卒爲亂兵所害故加贈而又褒封其母焉

六月丁亥贈故禮部尚書鄭叔矩太嘗卿贈故朔方河中副元帥判官簡較戶部郎中兼侍御史路泌絳州刺史仍各賜其家絹二百匹至塋日委所在州府量給助喪事泌爲渾瑊從事貞元三年隨瑊與吐蕃會盟而陷旣在絕域棲心於釋氏之教爲贊普所重待以賓禮貞元十九年吐蕃遺邊將書求和少子隨哀泣疏陳願允其請表三上德宗命中使諭旨以朝

廷懲其宿詐使更要於後信迄數歲不報及帝卽位前年蕃使復款塞隨五獻章上陳又投書哀訴於宰相裴垕李藩皆協力爲奏言帝允之命徐復等報聘乃特於荅詔疏名氏令以歸中國吐藩因復等還遣使來朝遂以泌及淑矩之喪與銘及遺錄至朝野傷歎帝憫之命贈賻焉

六年二月浙江西道觀察使以前集賢殿較書郎丁公著孝行聞詔曰丁公著辭官侍親不顧榮利高行至性人倫所稱今執喪致毀又聞過禮其所請旌表門閭宜依仍委本州刺史親自慰問并量給粟帛

三月甲子贈故金吾衛張克讓尚書右僕射克讓茂昭長男也前爲易定將木力溝之捷克讓有功焉十年十二月贈故雋州刺史陳孝陽洪州大都督旌善狀也

八年四月贈故左神策軍兵馬使嚴奉刑部尚書追平蜀之功也

七月以蜀將郝同美爲黎州刺史褒其節也同美元和初以劉闢之衆歸而闢屠其家故旌寵之

十二月勅張茂昭立功河朔舉族歸朝義烈之風史冊攸載或聞身歿之後家無餘財追懷舊勲特越嘗

典宜每年賜其家絹二千疋春秋二時給付

元年閏八月詔曰存樹風節謂之立名歿加褒飾所以勸善故朝散大夫試秘書省著作郎兼侍御史甄濟昔以文雅見稱當時嘗因辟召亦佐戎府而能保堅貞之正性以履危機覩逆亂之潛萌不從脅汗義聲可傳於竹帛顯贈未賁於松楸藩方上陳允叶夔典追加命秩尚服殊榮可贈秘書少監濟初爲安祿山范陽掌書記天寶十三年濟察祿山有異圖謀以智免以衛縣令齊玘誠信可托乃求使至衛縣具以誠告令弟澄密求羊血以爲備至夜僞嘔血疾不能支遂昇歸及祿山反使僞節度使蔡希德令行戮者李揆等二人封刀來召察詐不起卽就戮之濟以左手書云不得李揆持刀而前濟引首以待希德欷歔嗟嘆李揆等退以實病報後慶緒繼逆又使郡縣強昇至東都安國觀經月餘代宗統師收東都濟起詣軍門表送上都肅宗館于三司使臣於賊者瞻望以愧其心尋授秘書郎轉太子舍人寶應初拜刑部員外郎因蕃寇逃難客於襄州大曆中江西觀察使魏少遊奏授著作郎兼侍御史充莫徭副使終於襄州至是山南東道節度使袁滋奏其節操與權臯同科

合載國史勅甄濟頃逢屯難不受染汙風塵之內名迹獨全宜付史館旋又下制褒贈焉

是月又詔曰孝子劉敦儒生於儒門稟此至性王祥篤行起孝敬而不移曾參養志積歲年而罔怠用弘勸獎宜服官嘗分曹維司俾遂私志可守右龍武軍兵曹參軍分司東都敦儒子玄之曾孫母終居喪致毀維中謂之劉孝子權德輿留守東都表其志行故授以官

十月魏州湖城縣百姓閻昭五代同居命旌表之十年四月贈工部尚書致仕高彥昭陝府都督如有子孫委中書門下服闋後量材叙用彥昭不知何許人初事李正己及李納叛彥昭以濮州降于河南都統劉玄佐納怒殺其妻子有女九歲初見其母幾將就害拜天而視女問其故荅曰以天之神明將有祈也女曰天如神明豈使吾效順而族戮也如其無知即又何拜獨不拜而死帝聞詔下太嘗謚曰愍女當時文士屬詞以誄之

十一月贈故壽州死難之將張抱劍劉榮周和等刺

史仍以米粟給其家

臣欽若等曰時討淮西吳元濟抱劍等死王事也

十一年正月贈故成德軍節度掌書記殿中待御史

李序工部郎中序安平人百藥五代孫舉進士嘗謂
王士貞署為掌書記士貞死序後以他事忤承宗被
殺故加贈

四月山南東道故大將軍李仲暮呂中庸石鏗黃士

榮等以死難皆贈刺史

時諸道之師討鎮
州王承宗故也

五月山南東道故將南珍曄等十六人忠武軍故將
喬錡等三人河東故將徐宙等二人並以死難贈刺

史

亦以鎮州
用師故也

十二年三月贈故冀州刺史正怡尚書左僕射仍令
存訪親族授以封爵怡武俊從子以戰功歷深冀趙

三州刺史承宗之叛怡守南宮縣以當王師及王士
則為邢州刺史怡誠款通之及士則去邢州怡情頗
洩於賊遂遇害并屠其家怡男元伯先潛來京師過
定州張茂昭知而留之於是授監察御史委茂昭軍
中任使

七月昭義故將衛重興等三十二人以死難並贈刺

史

鎮州用
師也

十一月以楊元卿為左金吾將軍元卿以淮西從事
歸朝其妻及男五人皆為賊所害及賊平朝廷方驗
其事命中使至宅為發哀故有此授

十四年四月詔曰圖難忘死爲臣之峻節顯忠旌善有國之令猷日者妖豎反覆侮我朝章而濮州刺史高沐刼在兗威潛輸忠款諷其不庭之咎將與革心數其煮海之饒聿求利國伏奏必陳其逆節漏師嘗破其陰謀竟以盜憎遂死玉事歿而不朽風聲凜然式表漏泉之澤且彰勁草之節可贈吏部尚書仍委馬摠訪其遺骸以禮收葬優恤其家如有子孫具名聞奏沐爲李師古判官師道擅襲每謀不順沐廣引古今成敗論之前後說師道爲善者數千言判官李文會等構於師道沐遂遇害

九月贈淄州刺史張頤左散騎常侍登州刺史高曙右散騎常侍萊州刺史李廷遠洪州都督萊州長史蔡成鄆州左司馬尚振兗州長史沈皆並贈刺史皆以嘗謀殺李師道歸國爲師道所害故也
李湍妻湍吳元濟之軍人也元和中淮西未平湍心懷向順乃忽渡澗河來降烏重裔其妻遽爲賊束縛在樹齧而食之至死呼其夫曰善事烏僕射觀者義之至是烏以其事請列於史策十三年憲宗下詔從之

董昌齡母楊氏昌齡嘗爲泗州長史世居於蔡少孤

受訓於母累事吳少誠少陽至元濟時爲吳房令楊氏潛誠日逆順之禮成敗可知汝宜圖之昌齡志未果元濟又署爲郾城令楊氏復誠日逆黨欺天天所不福汝當速降無以前敗爲慮無以老母爲念汝爲忠臣吾雖歿無恨矣及王師逼郾城昌齡乃以城降且說賊將鄧懷令歸款於李光顏憲宗聞之喜急召昌齡至闕真授郾城令兼監察御史仍賜緋魚昌齡泣謝日皆老母之訓憲宗嗟嘆良久元濟囚楊氏欲殺之而止者數矣蔡平楊氏幸無恙元和十五年陳許節度使李遜疏楊氏之強明節義以聞乃封北平

郡太君

孝女王和子者徐州人其父及兄爲防秋卒戍涇州元和中吐蕃寇邊父兄戰死無子母先亡和子時年方十七聞父兄歿於邊上被髮徒跣縗裳獨往涇州乞取父兄之喪歸徐營葬手植松栢剪髮壞形廬於墓所節度使王智興以狀聞詔旌表之

穆宗長慶元年正月以前坊州刺史班肅爲司封員外郎時宰臣上言日將欲清風俗必在厚人倫竊見皇甫鎛權位盛時班行之中多所親附及得罪後議論立變增嫉如讐俗之衰薄一至於此唯班肅以曾

爲郎官判度支案終始如一獨送出城周行之間多美其事今郎秩已罷望授一省官以表其行故有是拜

是月河陽奏百姓劉士約母疾割股肉以奉母請表

門閭從之

議者以神農記辯藥物凡陸行泉游草伏木棲金石之夥荒裔之產可攻於疾者無

不悉載未嘗言人之賤膚可以愈疾及開元末有明州域門山里人陳蕤器著本草拾遺云人賤主羸疾自後閭閻相倣自殘往往而有

二年正月詔曰故魏博等州節度觀察處置等使起

復寧遠將軍簡較工部尚書兼魏州大都督府長史

御史大夫賜紫金魚袋田布朕以寡昧臨御萬邦威

刑不能弭干紀之變道化不能馴多僻之俗致使上

公罹禍田氏積寃爰整旅以徂征每終食而三歎自

茲弔伐驟涉寒暄雖良將銳師皆云協力而俟時觀

釁未卽齊驅嗟我誠臣結其哀憤引遷延之咎以自

刻責奮決烈之志以謝君親白刃貫於肝心鴻毛喻

其生死忠臣孝子一舉兩全晉稱卞氏之門漢表尸

鄉之節比方於布今古爲隣况其臨命湏臾處之不

撓載形章表益見深衷間使發函悼心疾首從先臣

於厚載爾則無愧覩遺像於麟閣予何堪端揆崇

名職喪彝典匪以爲報聊摠永懷可尚書右僕射贈

布三百段米粟二百石

六月乙酉詔曰田布頃因戎旅發憤自裁言念忠誠豈忘贍卹宜賜錢一千貫絹一千疋以充葬用

九月贈汴州故將郭昌晏禮部尚書昌晏前欲密謀

誅留後李宥以其謀通於韓克

臣欽若等曰李宥卞守將逐其帥李厚自

為留後韓克弘之弟也

事洩被害故加寵贈

三年十月以潞州左司馬賈直言為諫議大夫直言以孝聞人稱其代父飲醪救得不死而手足枯陷於鄆州累有忠言激李師道不聽亦不忍殺

敬宗寶曆元年六月虢州刺史陸亘上言玉城縣百姓閭鄧五代同居請旌其門閭兼追贈鄧五代祖庭訓一官從之

文宗以寶曆二年即位賜劉克明母錢一千貫絹五百疋婢二人以其不從克明為亂賞之也

太和二年九月詔曰見危致命之死不頌處其義則白亦可蹈得其所則鴻毛猶輕此忠臣烈士所以垂名不朽者也故棣州刺史克本州鎮遏兵馬使樂濛稟受正氣發揮壯猷屬逆豎亂掌反形潛具濛於此時密獻成筭朕且欲諭以文告革其非心重難興師因寢其奏而沉謀中泄遘茲深冤眷言此心傷恨何

已可贈工部尚書仍許歸葬上都令所在路次州縣供熟食燕迺夫等應緣葬事所須並令官給贖平之後仍訪其子孫親屬

三年六月錄諸道戰歿大將並贈以官

四年正月故東州將李載等九人並加褒贈歿於變寇故也

六年九月賜故幽州觀察判官攝監察御史常雍妻蕭氏蘭陵縣君雍故太子賓客張弘靖在幽州日所署判官當是時屬朝廷制置未備幽州俗本兇悍尤不樂文儒爲主帥賓佐習於嘗態忘其變通議論不

密卒然起亂雍時家亦從劫暴蕭氏聞難號呼專執夫袂左右格云以死不從及雍臨刃蕭氏涕而告曰妾不幸年少義不苟活今日之事願先就死執刃者斷其臂詞氣不撓雖兇悍圍視無不傷歎其夕蕭氏亦卒幽州節度使楊志誠表明其事故追封焉
十月山南東道觀察使奏郢州長壽縣竟陵鄉村山孝子史博年齒尚幼母亡廬墓被髮泣血誓志終身詔表其門閭

十二月宣州觀察使沈傳師奏涇縣遊道鄉百姓萬晏自高祖頽至仲芳五代同居詔表其門閭

七年三月壬子浙江東道奏越州蕭山縣百姓李渭
幼失父母與兄二人同居兄病渭割股療之因差後
兩兄俱死奉寡嫂孤姪二十餘年衣食無偏莊田租
稅渭自主辦資財完鑰寡嫂掌之孤姪婦孫其三十
三人其家生芝草請旌表從之

淵成元年贈太尉段秀實子太僕卿伯倫卒宰臣李
石奏曰伯倫秀實之子自古沒身以利社稷者無如
秀實之賢帝憫然曰伯倫宜加賻賜仍輟朝一日以
禮忠臣之嗣

二月丙戌詔曰故邕州都督府錄事參軍衛方厚妻

程氏乃者吏為不道害殺爾夫詣闕申冤徒步萬里
崎嶇偏畏濱於危亡血誠既昭幽憤果雪雖古之烈
婦何以加焉如聞孤孀無依晝哭待盡俾榮祿養仍
錫疏封可武昌縣君仍賜一子九品正員官方厚為
董昌齡所殺程氏知其夫為昌齡所害力不能克遂
抑其哀如非冤者昌齡雅不疑聽其歸喪故得以徒
行詣闕帝因諫官論昌齡不宜為郡再譴昌齡遂有
此命

是月以鹽鐵宣歙院官簡較膳部員外郎顏從覽為
主客員外郎贈太師顏真卿曾孫弘式為同州參軍

詔曰朕每覽國史見忠烈之臣未嘗不嗟歎久之思有以報如聞從覽弘式實杲卿真卿之孫永惟九原既不可作旌其嗣續諒叶典彝考績已浮於宦途者命列於中臺官次未齒於縉紳者俾佐於左輔庶使天下再新義風

三年十一月甲戌戶部侍郎李珣奏廬州舒城縣太平鄉百姓徐行周叔伯兄弟五代同居請免其同籍戶稅從之

十二月宣歙觀察使崔鄴奏溧陽縣百姓陳璉五代同居請蠲除賦稅旌表門閭從之

四年十二月贈故易定觀察判官兼侍御史李士季給事中其家委韓威安存喪事官給仍賜一子官待服闋日具名聞奏士季爲易定節度張璠從事璠卒之初士季知留務三軍欲立璠之子元益士季不從遂爲亂兵所害至是舉褒贈之典

武宗會昌元年三月贈裴度太師制曰堯之舊臣伯益顯庸於舜禹周之元老邵公流美於成康永惟其人是屬良相裴度始以謀策除害佐烈祖之中興終以忠貞立朝毗累聖之鴻業經緯之志華皓不衰功勳爛然圖史輝煥姦邪所忌軌軌于時豎氛霧旣開

魚水將協條風孰見其喜愠零雨皆美其來歸未幾
明庭遽嬰沉痾威鳳莫翔於舊沼虛舟長往於夜川
殂謝之初朋黨異議贈典不稱人情鬱然屬告類上
玄渙流大號載懷先正宜有褒稱寵既及於維師恩
有加於在昔豈必望鄮侯之壟方念茂功過馮道之
祠乃思遺美以茲爲勸可不務乎

宣宗太中六年六月充海節度使蕭俶奏臣當道先
差赴慶州行營陣歿押官鄭神佐在室女年二十四
先亡父未行營已前許嫁與右驍雄將官健李玄慶
並未受財禮何鄭知父神佐陣歿遂與李玄慶休親
截髮壞形自往慶州北淮安鎮收亡父遺骸到交州
瑕丘縣與亡母合葬訖便於塋內廬墓手植松栢誓不
適人伏以閭里之中罕知禮教女子之性尤昧義方
阿鄭痛結窮泉哀深陟岵投身砒磧收父遺骸遠自
邊陲得還閭里感蓼莪以起恨侍丘墓以誓心此皆
陛下孝理弘深德風煦被遂變獷野之性潛知禮義
之方求之古人斯爲烈女臣俶忝廉察敢不上聞伏望
天恩宣下有司特賜旌表仍放本戶兩稅以彰至行
勅旨宜依

懿宗咸通三年正月壽州奏裨將何武討賊死於盛

唐縣詔贈簡較左散騎嘗侍制日地連山藪境有遁
逃武能首率郡兵身歿王事旣嘉忠蓋宜示褒贈不
惟慰彼漏泉將亦激其群較

鄭畋爲鳳翔節度使簡較司空同中書門下平章事
卒昭宗册贈司徒謚日文昭初李茂貞表日臣聞有
勲不發前代格言無美不稱先王令典是垂休於國
牒將行示於孫謀其有漢閣元勲岐山茂政霜露已
彫於大樹蓬蒿將沒於豐碑歎泉扃而緡禮未加顧
潘翰而清風盡在是敢敷陳往事啓迪前功庶雅頌
而重興異徽猷而復舉臣伏見故鳳翔尹同中書門

下平章事鄭畋瑞應星精祥開日角建洪鑪於聖代
成庶類於明時鳳毛方浴於春池龍節忽移於右輔
旋於群鷗聚噪方蝟攢鋒蒼黃而玉輦省方次第而
金門撤鑱九州相望初猶豫以從風百辟無歸半狐
疑而委質鄭畋莪冠豎髮褒袖運籌羅將較於帳前
列貔貅於麾下乃言日封豕肆兇長鯨噴毒冥生靈
於塗燼委神器於腥羶我國家時運雖艱天曆方遠
豈可以大朝簪紱當屈節於豺狼近甸藩籬欲輸誠
於虺蜥繇是埋牲誓衆纛鼓出師飛羽檄於四方會
諸侯於萬里擎迴地軸決驚波而盡入東溟抽轉天

開驅列宿而咸尊北帝雷喧鼙鼓山轟旌旗五兵纒
入犬牙一陣盡塗龍尾值大憝建瓴之勢在元臣反
掌之間不意天柱朝摧將星夜殞竹帛徒懸於皎日
衣冠已隔於佳城始舉義師爰從指顧稟三令五申
之訓職囊沙滅竈之謀今則謬以微功叨居重鎮仰
高蹤而如在念遺烈而未書伏乞皇帝陛下顯舉舊
勲榮加盛禮俯盡褒酬之典遐追鎔範之功俾四海
有聞致九泉無恨時朝廷覽表方有是贈

哀帝天祐元年十月瑯州節度使雷彥恭奏楚大夫
屈原廟在當道請賜封崇勅曰楚三閭大夫屈原正
直事君文章飾已當椒蘭之是佞俾蕙菼之不香顯
比干之赤心躡彭咸於綠水雖楚煙荆雨隨強魄於
故鄉而福善禍淫播明靈於巨屏名早流於竹素功
有益於州閭爰表厥封用旌良美宜封爲昭靈侯
後唐莊宗同光二年四月卽位於魏州下制曰應有
奉使危邦罹殃殊域旣遭陷害深可憫傷如伊鐔蓋
寓戴漢超李承勳之徒仰所司具名錄奏朝廷必議
褒贈

十月平汴州詔有交鋒戰陣沒於王事未經追贈各
與贈官

二年三月安義李存霸奏屯留縣坊市百姓韓德兄弟累世同居母死割乳以祭廬於墓側累年種瓜合歡同蒂旌表之

明宗天成二年十一月勅太宗朝僕射李靖贈太保

鄭州僕射陂改為太保坡

此坡蓋後魏時賜僕射李冲今云李靖非也

三年九月密州上言輔唐縣民華延福事父母有至孝之行旌表之

十一月詔賜故夔州節度使西方鄴男錢絹各五百貫疋布一百疋米麥共二百石以父沒王事故也

夏魯奇天成四年鎮遂州軍府將吏上言以節度使到任已來有善政七條以安百姓奏勅魯奇宣力兩朝統戎三鎮居富庶之地無奢侈之心上為國家下安生聚每行公道全塞佞門儻非大治人情詎致達聞余聽有茲為作宜示褒稱仍下諸州令各知悉時孟知祥董璋據有兩川魯奇僻居南鄙董璋之叛與知祥攻遂州旬月援路斷絕兵盡食窮勢知必屈乃自刎而卒上以其盡節王事聞其死也慟哭久之給其家錢百萬絹千疋粟麥等贈太師封齊國公長興元年正月賜故靈武行營馬軍指揮使邢彥洪男恩進錢絹米麥以其父歿王事故也

十二月邢州奏光山彭爽四世義居乞改鄉里名號從之

已未滄州乾符縣人張建立乾寧五年割股治母病母卒割心瀝血祭辮髮跣足廬於墓所三十年勅旨以其鄉為孝友鄉和順里

二年九月登州黃縣人苗珣四世義居宜改為和孝鄉邕順里

十月棣州渤海縣人邢釗四世義居旌表門閭四年正月丙戌磁州武安縣崇禮鄉萬善里人馬肇

三世義居旌表門閭仍改崇禮鄉為崇孝鄉萬善里為和慶里

九月壽州奏登州黃縣累世義居人王義雲下所司旌表門閭所司初言自喪亂已來亡失旌表式樣令式雖載條目別無制度時有明經生王守

誠者即義雲之孫自言累代義居今鄉里尚有載初元年旌表門閭見在載初中奏臣遠祖六代同居有白雀嘉禾之瑞其旌表門閭樣請下本州簡驗以聞即召房知溫遣畫工至王義雲鄉里畫門閭以進所司方得安行

末帝清泰二年七月鎮州元氏縣文成鄉七義里民曹重興七世義居孝義聞於鄉黨詔文成鄉改為仁

孝鄉七義里改為旌義里仍委本道依令式旌表門閭其曹重興宜令授本府不赴任文參

十月晉州臨汾縣平陽鄉聖泉里民宗連同縣原隰鄉百社里民劉環累世同居義聞州里詔改平陽鄉聖泉里爲敦俗鄉崇仁里劉環改爲廣孝鄉永和里仍委本道版署文參之名

晉高祖天福元年閏十一月壬午勅應自起義已來或盡節捐軀歿於王事宜加褒贈兼恤妻孥俾義激於忠貞庶恩霑於幽顯

二年四月丁亥制曰遇滎陽而因思紀信屆夷門而尚想侯嬴著高義者猶足歎嘉蹈忠節者固宜旌賞事資激勸恩在褒揚梁故滑州節度使王彥章効命當時致身所事稟千年之正氣流百代之令名宜令超贈太師子孫量才叙錄

六月宗正卿石光贊奏昔周武王奄有天下過商容之間必式見比干之墓卽封蓋褒賞賢良尊崇忠義伏惟皇帝陛下顯膺天命開創鴻圖解網行仁救時順動樂業不知於帝力悅隨但聽於山呼盛德難名太平可待臣伏見滎陽道左有萬石君廟本前漢大中大夫石奮之廟奮有子四人各二千石祿景帝曰人臣尊寵畢集其門故號萬石君德行懿績備列前書唐大中十三年鄭州司馬石貫稱裔孫刊石廟廷

備紀其事伏遇皇帝行幸浚郊經過榮水展義已聞於岐路覃恩宣布於幽明其萬石君廟伏乞俯弘霽澤特降封崇俾光遠祖之徽猷益茂我朝之盛典勅漢大中大夫石奮德盛軒裳道光簡素享萬石休明之祿成一門忠孝之名彰茂實於前脩契與隆於景運宗正卿石光贊特上章跪欲示封崇冀表深原式昭豐祚宜贈太傅

七月詔曰東都奏留守判官監左藏庫李遐當張從賓作亂之際遣李彥珣強取錢帛李遐稱不奉詔旨安敢從命尋遇害朕以李遐讀古人書持君子行攻苦食淡承家不墜於素風激濁揚清歷宦咸推於貞操一昨叛臣猖獗兇黨憑陵而能守正不回臨難無懼忘身殉節雖死猶生若無優異渥恩何以光揚忠烈仍聞母老子幼鄉遠家貧宜超贈於華資兼賞延於嫡嗣是覃漏澤慰彼沈寃可贈右諫議大夫其母田氏封京兆郡太君所有子孫候服闋日量才叙錄朝廷雖已特支救接錢帛粟麥其本官賻贈物色宜依嘗例指揮仍長給選在生官俸祿終母一世噫朕以薄德屬茲多難致害忠良實多軫惻以子之俸終母之年用表盡傷俾慰存歿布告中外當體朕懷

是月又以東頭供奉官王思勳前齎詔撫諭河陽為張從賓所害制日思勳早承家廕久列內廷奉王命而不辭顧賊衆而無懼宣揚朝旨勸諭兵師遂被兇徒橫加殺害而聞厥父抱疾其家甚貧不有旌酬何彰忠烈可贈左武衛大將軍仍以恩勳舊請俸祿終王元正一世思勳男候有長成者量才叙錄兼令所司厚給賻贈噫以子之俸終父之年足表渥恩以慰存歿布告中外咸使聞知

四年正月尚書戶部奏深州司功參軍李自倫六世義居奉勅准格處分按格勅節文孝義旌表苟存虛濫不可褒稱必在累世同居一門和睦尊卑有序財食無私遐邇欽承鄉閭推伏州縣親加按驗狀迹殊尤簡覆既同准令申舉方得旌表當司當本州審到鄉老呈言等自倫高祖訓訓生燦燦生財財生忠忠生自倫自倫生光厚六從弟兄同居不妄勅以所居飛鳧鄉為孝義鄉孕聖里為仁和里仍准式旌表門

閭自倫委吏部以本道一官注擬

閏七月丙子尚書戶部奏李自倫義

居六世准勅旌表門閭先有登州義門王仲昭六代同居其旌表府廳事步欄前列屏樹烏頭正門閭闊一丈二尺二柱相去一丈柱端安瓦楠墨染号烏頭築雙闕一丈在烏頭之南三丈七尺去街十有五步槐柳成列今舉此為例則令式不該勅日仲昭正廳烏頭門等事不載令文又無勅命既非故事難續大

倫凡創業之朝求理是務靜執守嘗之本動爲經久之期志在普勵人情永孚王化據自倫之家所立實耀時風依仲昭之語便行何成世範至於問古官於剡子得墜典于伏生以昔方今彼與此異宜從令式只表門間於李自倫所居之前量地之宜高其外門人安集襍門外左右各建一臺高一丈二尺廣狹方正稱臺之形坊以白泥四隅染赤其行列樹鎮隨其事力使不孝者見以悅心不義者聞而易行豈獨榮於趙國實亦光於晉朝廣訓黔黎永標青史其同籍課役一准今文

十月故房州刺史李廷誥贈太保張從賓虎牢之亂沒于王事故也

十二月丁未趙郡民曹典義居七世表其門間

五年七月己巳詔曰故銀青光祿大夫簡較左散騎常侍兼御史大夫賈仁詔項自內廷出爲外職李金

全愚冥而猜忌胡漢筠邪佞而貪殘竟罹塗地之殃

誠堪歎息爰示漏泉之澤用表褒崇必有貞魂欽茲

茂典可贈右衛將軍又曰故安州馬步軍副都指揮

使桑千威和指揮使王萬金成彥溫等皆精武略咸

著軍功或列偏裨或嘗屯戍當姦臣之叛國或執節

不從全烈士之殉名或銜冤而死實興永歎宜示追

崇或列部符或并環衛賁諸幽壤彰彼明誠千可贈

峽州刺史萬金可贈左監門衛將軍彥溫可贈左千

牛衛將軍

八月辛亥磁州武安民郝平義居五世改所居武成

鄉爲興孝鄉崇福里爲光和里仍旌表其門閭

六年十月壬寅詔曰唐室中玘賢臣挺生凜然英風
迥冠千古不有典冊曷旌忠良唐梁國公狄仁傑稟
五行正氣聳九諫直操鼎祚危而復安黔庶否而獲
泰惠流河北名振寰中惟爾事君無愧臣節用光遺
像式示明恩筠簡賽函著周官之貴位貞魂英爽煥
魏土之靈祠韶是寵嘉永光緹素可追贈太師仍令
所司擇日備禮册命

七年閏三月辛丑旌表陳州西華縣人張厚門閭仍
改禮教鄉爲孝義鄉株林里爲和順里厚家四十餘
口五世聚居家門雍睦鄉黨稱之本州以聞故有是
命

六月戊午勅故襄州元隨都押衙王令謙贈忠州刺
史押衙潘知麟贈順州刺史令謙與知麟早事節度
使安從進歷數鎮從進臨漢上所爲多不法令謙知
麟每諫之及萌逆節數形讜言會從進子弘超自官
苑副使省父至郡郡有山寺弘超率令謙登賞酒酣
臨峭壁使人推落誣云令謙因醉墮崖而死皆從進
之意也知麟相次遇害朝廷聞其事故有贈典旌其
忠也時詔旨仍委高行周候收復城池訪覓兩家骨

肉切加安撫具以名聞當與叙錄潘知麟本貫陝州
兼下本處如有親的骨肉亦仰錄奏

少帝開運元年勅曰故淄州刺史翟進宗不穀不德
營兵叛予陷爾厲階力屈遇害念茲忠瘁實用盡傷

蜀主恕其黃權魯繆誅其卜國皆非罪也吾將贈之
用慰貞魂宜頒漏澤可贈左武衛上將軍

曹敏蔡州汝陽縣荆河鄉蘇村人數世義居鄉人取
溫等五十五人論奏請加旌表勅旨荆河鄉宜改爲

孝義鄉費鄭里改爲仁和里
三年勅孟州奏河陰縣版籍鄉謝明里義居百姓王

均宜改版籍鄉爲孝悌鄉謝明里爲積慶里餘准格
文處分

漢隱帝乾祐三年春汝州防禦使劉審交卒汝爲近
輔號爲難治審交盡去煩弊無擾於民百姓歌之及

卒郡人聚哭於柩所列狀乞留葬本州界立碑起祠
以時致祭本州以聞詔曰朝廷之制皆有舊章牧守

卒官比無贈典其或政能殊異惠及蒸黎生有令名
歿留遺愛褒賢獎善豈限彝章可贈太尉吏部所請

宜依

周太祖廣順元年八月契丹遣幽州教練使曹繼筠

護送趙瑩喪柩至其家制曰禮云利祿先死者而後生者則民不悖先亡者後存者則民可以託聖人垂訓與我同心因嗟旣沒之賢俾舉追崇之典晉故中書令趙瑩行高言善性達心平鼎號函牛斯爲重器劔稱斬馬可謂靈鋒遺清白於子孫行忠信於蠻貊斷魂外境歸骨中華於是盡傷載深軫悼俾贈三師之秩以伸一去之悲可贈太傅

二年三月乙丑故控鶴指揮使郭超贈鎮海軍節度使超從曹英攻兖州用命中流矢而卒

四月乙未供奉官蓋繼明自樂壽來言齊州兵作亂之日只有鎮州雄勝都頭楊肇十將李鐸二人部署兵士登城守禦遂保安城池詔褒之

五月太祖平兖州乃下勅曰闔弘魯崔周度死義之臣禮加二等所以滲漏澤而賁黃泉也爾等貞節昭彰正容肅厲以從順爲已任以立義作身謀履此禍機併罹冤橫宜伸贈典以慰貞魂弘魯贈驍衛大將軍周度贈秘書少監

六月壬子以故虎捷左第三都指揮使景進贈靜江軍節度使故虎捷第七都指揮使杜珣贈武清軍節度使皆軍興兖州時沒于王事也

三年五月戶部言濟州金鄉縣民索修已陳州項城縣民嘗真皆散髮跣足守墳本州以聞戶部以赦書節文孝子義夫所宜旌表以厚時風勅宜依令文施行

顯德元年正月丙子朔赦文自開創已來諸軍將較死王事者軍使都頭已上並與追贈已追贈者更追贈有親嫡子孫量才錄用

世宗以顯德元年正月丙申卽位三月詔諸軍將較自開叛已來有歿於戰陣及身死疆場者並與追贈如有親嫡子孫未曾錄用者並與錄用

七月辛卯制曰故輸忠効戴功臣鎮國軍節度華商等州觀察處置等使兼河東道行營先鋒都指揮使簡較太保史彥超嚴能齊衆武可推兇振鐸號軍伸其膽勇登鋒捍寇誓以身先一昨北戎阻兵同惡相濟爾乃力排群醜體中重瘡雖虜騎已大奔而將軍之先歿祗金革而剛強已矣聽鼓鼙而傷歎如何言念純臣宜膺褒美俾追贈於崇秩用報慰於重泉可贈簡較太師

三年二月庚辰贈故右金吾衛將軍蕭處仁漢州防禦使處仁晉漢之間繇通事舍人歷閣門客省之職

而昇於環衛繼護兵於外頗有聲望帝率兵渡淮以爲先鋒兵馬都監攻陷滁州自爲流矢所中而卒以其歿于王事故優其贈典

九月庚寅朔辛卯贈故濟州刺史李寶睦州防禦使贈故蘄州刺史解行德明州防禦使贈故引進使王演太府卿皆以淮甸之役歿於王事故也

六年贈故華州節度使彥超爲太師先是大軍至河東城下契丹營於忻代之間遙應賊勢詔天雄軍節度使符彥卿率諸將屯忻州以拒之彥卿襲契丹於忻口彥超以先鋒軍追蕃寇離大軍稍遠賊兵伏發爲賊所陷世宗痛惜久之故有是命

冊府元龜

冊府元龜 帝王部

卷之百四十一

二十八